

ИСТИҚЛОЛГА ЖОД ЯРАШАДИ



Жиззах, аслида вилоят сифатида навқирон саналсада, унинг тарихи замонлар қаърига бориб тақалади. Бу юртга эрамиздан бурун Искандар Зулқарнайн қадам босган ва из қолдирган, бобомиз Амир Темур бир талай кўргон ва қишлоқларимизга ном берган, жанубга йўл олган йўловчи соҳибқирон бобомизнинг дарвозасидан бош эгib ўтади, шу жойдаги форга салом беради, зеро мазкур фор ҳам Темур бобо номи билан аталадики, бир замонлар у киши шаҳри Самарқандга қароқчиллик қилган қорахитойликни тоғдан ошириб кувганида шу форда шотиру аскарлари билан тунаған, ҳордиқ чиқарган эди. Чор босқини даврида ҳам Жиззах не жабру жафоларни бошидан ўтказди. 1916 йилги қонди Жиззах кўзғолонини бир ёдга олинг. Тарихий манбаларга кўз юргутишнинг ўзи бир аянчли. Боши тошдан-да қаттиқ бу халқ бери замонларда чўлни ўзлаштириди. Саҳро бағрида чўлдан гулистону бўстонлар яратди. Зотан бугунги эл ўша узоқ тарих нафасини симириб келган халқнинг авлоди, унинг томирида чидам, сабр, куч ва шиҷоат бор. Руҳи ҳам осмон қадар баланд.

Мұхтарам Президентимиз бу юртга келганларида доимо меҳр билан сўзлаганлар, заҳматкаш чўлқуварларга самимий ташаккурини билдирганлар. Ўз навбатида жиззахликлар ҳам истиқдолнинг ўн биринчи байрамини муносиб кутиб олишга шай туришибди. Зотан бу вилоят одамларига ҳам куйлаш, ижод этиш, фаҳр-ифтихор, жўшқинлик ярашади. Жиззахда ҳашаб ижод этган кўп қалам соҳиблари бор. Биргина Ҳамид Олимжонни эслашнинг ўзи кифоя. Ўзбекистон юртини бирор у кишидан ошириб куйламагандир, эҳтимол.

Буда одамларга меҳру вафо, тўй, меҳнат, мардлик, матонат, бир сўзлилик отамерос. Уларга муносиб фазилатлар булат. Биз каби масъуллар, кези келганда қўлига қалам тутганлар ана шу фазилатлардан илҳом олишимиз, шу қадоқ қўлли одамларнинг эзгу ишлари ва мақсадларига таяниб иш юритишмиз сир эмас. Ҳолбуки шоир ҳам, раҳбар ҳам халқницидир. Агар у ёмон бўлса халқнинг ёмони, яхши бўлса ҳам шу халқнинг яхшиси, шу элнинг обрўси.

Бешинчи йилдирки, вилоятимиз ҳокимлиги ва Ўзбекистон ёзувчилар уюшмаси раиси, устозимиз Абдулла

Ориповнинг саъй-ҳаракатлари асосида Республика ёш ижодкорларининг Зомин кўрик-семинари анъана тусини олди. Айтиш жоизки, Ватанимизнинг турли нуқтапаридан келган ўнлаб истеъод соҳиблари каашф этиляпти бу ерда. Уларнинг номлари бевосита Зомин номи билан боғланиб фаҳр туйгуларини ўйғотади кишида. Вилоятимиз ҳокими Убайдулло Ёмонкуловнинг ташаббуси билан ҳар йили семинар ўтказилётган Зоминнаги Ўриклий пансионати яқин кунларда таъмирдан чиқарилиб, ижодкорларнинг галдаги ташрифи учун таҳт қилиб қўйилади. Бу ҳам адабиёт, ижод, қолаверса, маънавиятимиз, мағкурамиз келажагига вилоятдаги айрича бир эътиборни кўрсатса керак. Зеро истиқдол йилларида ёш истеъодлар, жумладан, ёш ижодкорларга мамлакат миқёсида эътибор ва ғамхўрлик кучайди.

Вилоятимизда шу бугун ўзбек адабиёти майдонида тер тўкиб, обрў-эътибор қозониб юрган ижодкорларимиз кўп. Уларни номма-ном санаб ўтирамайлик. Шундоқ ҳам адабиёт ихлосмандлари уларни яхши билишади, яхши кўришади.

Кези келганда ёш шоир ёзувчилар номини мамлакатимиз миқёсида ҳормай-толмай тарғиб этаётган “Ёшлиқ” журнали навқирон 20 ёшга тўлганини эсга олиш жоиз. Бундан роппа-роса 20 йил бурун, яъни журналнинг илки сонида ўша вақтдаги Республика раҳбари, аввало таникли ижодкор Шароф Рашидовнинг табрик сўзи босилгани, ижодкору ўқувчиларга оқ йўл тилагани ва айнан орадан йигирма йил ўтиб, Жиззах вилоят ҳокимлиги мана шу журналнинг бу йил биринчи сонига ҳомийлик кўрсатишида қандайдир муштараклик, рамзийлик бўлса керак...

Зукко журналхонлар вилоят раҳбариятининг мазкур эътиборига бир назар солиб қўйсалар бўлгани. Ва ўйлаймизки, яшаш ва меҳнат қилиш осон кечмайдиган чўл туманларимизда ижод этаётган шоир ёзувчиларимиз асарларидан бу сафар кўпроқ баҳраманд бўладилар.

Барчаларингизни Истиқдолнинг нурафшон йўлида ижод шавқи ҳеч қачон тарқ этмасин!

**Сайёра ТЎЙЧИЕВА,
Жиззах вилоят ҳокимининг ўринбосари.**

Сайдулла ХАКИМ

ОНА ЮРТИМ, ЖИЗЗАХИМ

Баланд тоғлар күкка учар,
Жайрон чопиб ўйнаб юрар.
Юртим, есни соғинганда
Тушшаримга жайрон киарар.
Ха, ялло-ялло,
Таралла-ялло.

Сангзор дарё уриб чаппор,
Сен томонга оқар чаппа.
Болгарнинг бол косалари
Жимирайди чиппа-чиппа.
Ха, ялло-ялло,
Таралла-ялло.

Кизлари майиздаккина,
Жувонлари қиздаккина.
Мингига олисдан ошиқ
Девона йўқ биздаккина.
Ха, ялло-ялло,
Таралла-ялло.

Амир Темур ларвозаси,
Элга аён овзаси.
Тарихинг төғ каби юксак,
Янграб гурур, шонлар саси.
Ха, ялло-ялло,
Таралла-ялло.

Корга ювиб кўкрагини
Кумда пойи пиштан замин.
Фаллаорол, Фориш ўзинг.
Бахмал ўзинг, ўзинг Зомин.
Ха, ялло-ялло,
Таралла-ялло.

Икки ёнингда кўш қанот
Туркистону Нурота тог.
Тошкан йўли — кўш қўйруги,
Бамисоли Хумо сиёқ.
Ха, ялло-ялло,
Таралла-ялло.

Ўзбекистон сийнасига
Мангу босиб қайнок тўшин.
Неча аср, замон оша
Ерлаб учар тилло кушим.
Ха, ялло-ялло,
Таралла-ялло.

ОҚСАРОЙ

Қасида

1.

Тошкентнинг қоқ ўртасида Оқсарой,
Кундуз қуёш кўниб ўтар, тунда ой.

Чуқур дарё кўрингандек сиртдан тинч,
Теграсида улугвор бир сокинлик.

Ичкарида мамлакатнинг юраги
Элим, юртим дея ёниб уради.

Миллат дарди, юрт қайғуси, эл тинчи
Шудир шараф унвонига элтувчи.

Тасодифан озор чекса эл агар,
Оқсаройни ўртаб ўтар энг авват.

Кувонч куши учса қай бир гушадан.
Оқсаройга келиб қўнар ўша дам.

У Озодлик авлодига бошпана,
Дунёга йўл Оқсаройдан бошланар.

Остоноасин йўқлаб келар, ҳар бобда
Жаҳон ичра донг тараттаи арбоблар —

Президентлар, қиролиару пошшолар,
Ўзбекдай мард дўст қилирган пешволар.

2.

Оқ уйи ё Оқсарой тожи сар,
Огоҳ этар элу юрт ривожидан.

Замон бўлди Соҳибқирон замони.
Кешда бино этди ажиб бинони.

Осмонта бўй чўзди улқап кўш равоқ,
Кенг ҳовлиси тоштахтали, оқ, равон.

Деворлари зар, ложувард кошиндан,
На магрибда, на бор Чину Мочинда.

Қачонки юрт ўз эркини берди бой,
Атиргулдек сўлди гўзал Оқсарой.

Кошинлари кўз ёшидай тўкилди,
Расо қалди ёй мисоли букилди.

Яна ҳурлик кирди оро жонига,
Малҳам кўйди заха-яра танига.

Аммо руҳи учди Тошкент томонга,
Зап киройи кўрк берай деб замонга.

3.

Пойтхатнинг қоқ ўртасда тикиди қад,
“Куббатул-истикил” эрур то абад.

Метъори Юртбоши, тенгсиз маҳорат,
Ҳар нақшида ўзбекона тароват.

Лойи меҳр суви билан қорилмиш,
Саратон — танурда пишган ҳар бир гишт.

Оқиши мармар, яшил тошдан устуни,
Юрт осмони безаб турар устини.



Рұхинг қүшдай енгил тортар, босмас юк,
Бир зал мовий, бири зангор, бири күк.

Шифтларидан шаффоф зиё сочилар,
Ул бирида нилий осмон очилар.

Қибла томон қараб турар пештоқи,
Сағни чаман: яшил, қызыл, пистоқи.

Күш қаноти бир-бирига вобаста,
Парвозга шай лочин дейсиз ҳавасда.

Тож зийнати ёқут каби ярқираб,
Манглайида Ватан герби барқ урап.

Амир Темур дубулғаси мисоли,
Оқ куббаси шонли ўтмиш тимсоли.

Хур-хур еллар эсіб ўтар осуда,
Юрт байроғи ҳилпираиди бошида.

Этагида қадим Аңдор жүш уриб,
Күйлаб оқар абадият қўшигин.

4.

Ватан шаънин улуелар эл-улуси,
Кимлар учун юрт рамзиdir Елісей.

Кимлар Оқ ўй деса тикар жонини,
Авло кўрар ғурурини, шонини.

Даунинг сирини борми билмаган,
Инглиз сўз айтар унинг номидан.

Император саройидан кетса тағ,
Япон бокар сакурадай гул яшнаб.

Не бахт, мен ҳам аён этиб ҳаддимни,
Сўз айтаман мағрур тутиб қалдимни.

Замонга боп иморатидир Оқсарой,
Эркимизга ишорайдир Оқсарой.

У ўзбегим дўпписидаи бекиёс,
Она ҳалқим тийнатига хосу мос.

Унда озод миллат руҳи мужассам,
Ҳам шавкати, ҳам шукуҳи мужассам.

Дунё йўли мақон тутган қароргоҳ,
Ватанимда Каъбам менинг шу даргоҳ.

..Тошкентнинг қоқ ўргасида Оқсарой,
Кундуз қўёш кўниб ўтар, тунда ой!

ШУ ГЎЗАЛ БОҒ ИЧИНДА

Бамисли жавҳару зар тоғ ичинда,
Моҳият нарсанинг шундоқ ичинда.

Тафаккур дур каби ноёблитидан
Мудом тутмиш макон чаноқ ичинда.

Ясаб тош таҳтадан мӯъжаз иморат
Магиз қадри баланд ёнғоқ ичинда.

Очар япроқ ичинда лола рухсор,
Мұхабbat лаззати ардоқ ичинда.

Сенинг асли тилинг, ай ёр, ширинидир,
Салафдан қўргони дудоқ ичинда.

Қабоқ устида қолмиш қош, сабабким
Қароғ-кўз гавҳари қабоқ ичинда.

Азал ҳукмин, аё, ҳар лаҳза ёд эт,
Азиздир жон қазо-сиртмоқ ичинда.

Униш бордир, яшаш бор, яшнариш бор,
Сўлиш бордир гўзал шул боф ичинда.

Мурод шу, қолдириб бир майса яшноқ,
Моҳият касб айламоқ тупроқ ичинда.

ЮРТ ИШҚИДА

Сен ҳақда ўйласам фикрим очилар,
Борини яшириб айта олмайман.
Шоирларинг кўпидир — машхур очунда,
Улардан ошириб айта олмайман.
Ошиқман, ошиқлик сўзим шулки чин:
Юртим, сени қандай севмаслик мумкин.

Ойбек наъматакка битди мадхия,
Олимжон назмидаги гул очди ўрик.
Ям-яшил майсалар наволарида
Хайридин Салоҳнинг баёти тирик.
Ошиқман, ошиқлик сўзим шулки чин:
Юртим, сени қандай севмаслик мумкин.

Бир фаслинг — кун қисқа, тунларинг узун,—
Ой тезроқ балқай деб Кунни шошира.
Бир фаслинг — тун қисқа, кунларинг узун,—
Куёш боғларингда ёғду шопирад.
Ошиқман, ошиқлик сўзим шулки чин:
Юртим, сени қандай севмаслик мумкин.

Иккι баш узумни багрига босиб,
Аёл чиқиб келса узумзорингдан.
Шамоллар осилиб этакларига,
Бергил, дер, бир дона ўша дорингдан.
Ошиқман, ошиқлик сўзим шулки чин:
Юртим, сени қандай севмаслик мумкин.

Истиқлол зангида уйтонли замон,
Замон шиддатила асрлар ҷашти.
Сўз айтсанг, сўзингни тингласа жаҳон
Нақадар улугдир рўшнонлик гашти.
Ошиқман, ошиқлик сўзим шулки чин:
Юртим, сени қандай севмаслик мумкин.

Дўст қули қўш доим, душман қули — уч.
Биттаси ҳамиша синг ичидаги берк.
Энди Эрк ўғлини асра, маҳкам қуч,
Йигит ори-номус, миллат ори-Эрк.
Ошиқман, ошиқлик сўзим шулки чин:
Юртим, сени қандай севмаслик мумкин.

Сента садоқатда бетимсол элим.—
Козигин кўчириб кезмас ҳеч маҳал.
Беш маҳал ҳар куни тиловат қилиб,
Бош қўйиб тупроғинг ўпар беш маҳал.
Ошиқман, ошиқлик сўзим шулки чин:
Юртим, сени қандай севмаслик мумкин.

Тақдирда бўлсайди қайта яралмоқ
Мен яна, мунаввар ул ўша онла,
Этамдан ёлвориб сўрардим, ё раб.
Ўзбек қилиб ярат Узбекистонда.
Ошиқман, ошиқлик сўзим шулки чин:
Юртим, сени қандай севмаслик мумкин?

СЕН ЎЗИНГ

Шеър ёзмадим номинти атаб,
Кошқи, исминг ятона бўлса?
Истайманки, бор мақтоворларим
Бошқаларга бегона бўлса!

Сурайёдек номинг эъзозлаб
ТАърифингда очар бўлсан сўз,

Боқий савр қақашонидан
Хумор боқар бир тўда юлдуз.

Юрагимга исминг аслида
Худди нишон каби қадалган.
Аталмаган шеърларим бари
Фақат ёлғиз сенга аталган.

ЮЛДУЗ ШУЉАСИ

Устоз Абдулла Ориповнинг 60 ёшига

“Юраги ботирдир, ҳар сўзи ёкут,
Абдулла акангнинг этагидан тут.

Устоди кабир лутф-иноятидан
Темирни хамирдек юмшатди Довуд.

Устоз ўтидидай ўткир қилич йўқ,
Йўқ устоз пандидек мустаҳкам совут”.

Раҳматли отамнинг даъватларидан
Ҳамон юрагимда гуруллайди ўт.

Устозим Наврўзда туғилмиш, ўзим
Ўн йил ўтгандан сўнг, кундан яна тўрт.

Ўси болалигим узумга тўйиб,
Онамдек бол бериб улғайтири тут.

Ниҳоят Некўзда кўчган наърадан
Ўйонди Гараша, кўз очди Накрут.

Йўллар етаклади Тошкент бағрига,
Кўйилди кўксимга навою суруд.

Не бир замон кечди шундан бўёғи
Макру нағмалари бўлган йўқ унут.

Не бахт, ўзбекнинг ҳам келди ҳамали,
Орта қолди буткул аямажиз, хут.

Аммо “Митти юлдуз” юксакда ҳамон,
Ҳамон юракларга таратади қут:

Ўзбекнинг томири ер юрагида,
Хаёли етти қат осмонда мастьуд.

Бол келса элингта тухфалар айла,
Фам келса қолдирма, сўнгигача ют.

Устоз кирибдилар олтмишга бу ҳол,
Мен ўн йил берида турибман бойқут.

Юлдуз-ку абадий порлаб қолажак,
Нур тушган кўнгил ҳам бўлмагай унут!

ИЗЛАР

Икки чети ораста,
Ёлғизоёқ чамбил йўл.
Кетиб бораман аста,
Хар ёнда гиёҳлар мўл.

Куриб қорайган янтоқ,
Чўкир шувоқ. Кўк барра.
Узоқда қорайган тог,
Осмонга тортар арра.

Шу биргина сўқмоқда
От изи, қулон изи.
Эшак изи, ит изи,
Куш изи, илон изи.

Шу биргина сўқмоқда
Дон изи, буғдой изи.
Юзиб ўтар оҳиста
Куёш изи, ой изи.

Балки бунда бир чоқлар
Озод кўйиб чавкарин,
Елиб ўтган куондай
Амир Темур навкари.

Балки... Машраб сўзона
Наволар қилиб ўтган.
Йўл тушганча узала
Оёқларини ўпган.

Шу йўлда бобом изи,
Отам излари пойдор.
Қор ўтган, ёмғир ўтган,
Шамол ўтган неча бор.

Шу сўқмоқда менинг ҳам
Изим қолар экилиб.
Буғдой донаси каби
Сўзим қолар тўкилиб.

...Қай бир замон, бегона
Йоловчи қўйса қадам,
Маъюс бир соғинч ила
Эслармикан мени ҳам?

ВАТАН ШАЊНИ

Эр кишининг ҳар иши
ўз давру давронига мос,
Найзасин душманга тутқазмоқ
фақат Хотамга хос.
Хур диёрим қасдила
то бир баложўй бор экан,
Ҳар сўзим ханжар кабидур,
ҳар мўйим наштар қиёс!

ГУЛХАН

Бахмал кўрпасини ёпди ёз оқшом,
Олмазор боф ичи қандай латиф, боқ,
Кел, юрагинг — кося, ишқингни қил шам,
Тилингни гулхандек гуриллатиб ёқ!

ЎМР ФАСЛИ

Ёшлик бошқа экан, йигитлик бошқа,
Энди тор кўринар, аввал кент йўлак.
Яшардим ўз кайфим зайлода, энди
Дардим кўп ўзимнинг дардимдан бўлак.

ЭЛ ҲИҚМАТИ

Эл кезиб топганим бу, элимга хос,
Бир ипга маржон каби тизилди, холос:
Отлиқ билан чопишар от кўрмаган,
Ёвуқ билан ёвлашар ёт кўрмаган.

МЎҲЖИЗА

Магар эчки одам бўлибди десанг,
Эшитган оғзингга уради: “Пуч гап!”.
Лекин, таассуфки, ҳаётда баъзан
Одамнинг эчкиси туради учраб!

МАРД АЎМОЛИ

Хавф келса, майдонни мард
Ҳаммадан сўнг этар тарк.
Ки, энг кейин тўкилар
Чинор учидаги бар!



ИСТЕЬДОДЛАРГА МҮЛ ЮРТ БУ



Жиззах воҳаси ҳам аслида адибу шуаролар юрти ҳисобланади.

Ўтмишда қалам тебратган Аламкаш, Муаззамхон, Эргаш Жуманбулбул ўғли (Жиззахни ота юртим деб атаган) ворислари Ҳамид Олимжон, Назир Сафаров, Шароф Рашидов, Оқилжон Хусанов, Сайдулла Ҳаким, Назиржон Баракаевлар ижод қилишди бу юртда. Улар изидан Оға Бургутли, Сайёра Тўйчиева, Шаҳло Аҳророва каби истеъдоли шоир адибларимиз пайдо бўлишиди.

Бугунги кунда қатор ижодкор ёшлиаримиз ҳам Жиззах адабий муҳитига ўз овозлари билан кириб келмоқдаларки, уларни тингламоқ, олқишиламоқ жоиздир. Шундай ёшлиардан баҳмаллик Феруза Зокирова қатор кўрик-танловлар совриндори, “Ижодкор ўқитувчилар”, Республика ёш ижодкорлари Зомин анъанавий кўрик-семинари галибидир.

Зухра Мамадалиева ҳассос шоира, шеърлари ўқтам. Ёшлиар орасида ўз овозига эга қизларимиздан. Унинг “Ўриклисой қўшиқлари” тўплами яқинда “Ёзувчи” нашриётида чоп этилди. Латофат Неъматнинг “Истеъдол” рукни остида “Тонгти шабнам” шеърий тўплами ҳам “Ёзувчи” нашриётида босмадан чиқди.

Лола Эсонова, Маҳфузा Бозорова, Шоҳида Мўминова каби ёш қизларимиз ҳали мактаб партасиданоқ ўз мухлисларини топишга улгуринди.

Маълумки, беш йилдан бўён вилоятимизнинг гўзал Зомин гўшасида республика ёш ижодкорларининг семинар-танлови бўлиб ўтади. Бу танлов янги-янги овозларни кашф этишиб катта воқеликка айланмоқда. Сайёра Эргашева, Зебунисо Лапасова, Аъзамжон Эргашев, Баshoreт Сулаймонова каби ижодкорларимиз ilk оқ фотиҳани Зоминда, устозлардан олишга муваффақ бўлдилар.

Жиззах адабий муҳити бир дам тўхтаган эмас. У кундан кун ўсиб, янги-янги овозлар билан бойиб бормоқда.

**Шарофат БОТИРОВА,
Ўзбекистон Ёзувчилар уюшмаси
Жиззах вилоят бўлими масъул котиби**

БАХТ

Одамзод шул азал-азалдан
Бор нарсанинг қадрига етмас.
Доим унга нимадир керак,
Доим унга нимадир етмас.

Юксакларга чиққани сайин
Яна олис юлдуз кўзлайди.
Бахти бекам бўлса-да, яна
Олислардан бахтни излайди.

Ота-онанг бўлса соғ-омон,
Бошинг узра тинч турса осмон.
Дастурхонда бўлса ризқинг-нон,
Сен бахтлисан, эй азиз инсон!

Фарзандларнинг камолин кўрсанг,
Умр йўлдош ҳалолин кўрсанг,
Болаларинг боласин сўйсанг,
Бундан ортиқ бахт бўлмас, ишон!

*Баshoreт СУЛАЙМОНОВА,
Галлаорол*

ЖИЗЗАХ ИСТЕЬДОДЛАРИ

ҲАЁЛОТ

Ҳавасим келади жажки қушларга —
Осмонга бемалол парвоз қилади.
Ўхшагим келади жуда уларга,
Улардай дунёни кўргим келади.

Қанийди, қанотим бўлсайди менинг,
Узоқ-узоқларга парвоз қилардим.
Бу ёруғ оламнинг, гўзал дунёнинг
Кувонч-у, фамига шеърлар ёзайин.

Ахир миттигина ожиз қушча ҳам
Қўшади дунёнинг ҳуснига ҳусн.
Халқимни эъзозлаб куйлайин мен ҳам,
Шеърларим гуллардай безавол унсин.

*Олим БОЙҚОБИЛОВ,
таалаба*



Абулқосим Мамарасулов номини наср ихлосмандлари яхши билишади. Унинг 15 йил бурун чоп этилган "Суюнчи" ҳикоялар тўплами ўқувчиларда катта қизиқиши уйғотган эди. Шундан сўнг А. Мамарасуловнинг "Барлос қишлоғининг зумрад тонглари" туркум ҳикоялари "Ёшлик" журналида чоп этилди. Бу ҳикоялар ёзувчи ижодидаги бир поғона юксалишни кўрсатиб берди. Жиззахнинг Бўстон кўргонида яшаб ижод этаётган ижодкорнинг кўплаб асарлари Республика мизнинг деярли барча бадиий нашрларида зълон қилинган.

У Зарбдор туманида фермерлик иши билан бирга айни пайтда "Инсон ва қонун" газетасининг вилоят мухбирлиги вазифасини ҳам бажарапти. Биз бу сафар Абулқосим Мамарасуловнинг ҳали матбуот юзини кўрмаган икки ҳикоясини эътиборингизга ҳавола этаёттирмиз.

МУҲАББАТНИНГ ҚИРМИЗИ ОЛМАСИ

Ҳикоялар

ОЙСУЛУВНИНГ КЎЗ ЁШЛАРИ

— Уйинг куйсин уруш! Отинг ўчсин уруш! Қанотимни қайирдинг-ку! Султонимдан айирдинг-ку! Вой бола-а-м! Бола-а-м! Сен ўлганча мен ўлсам бўлмасмиди, болам!

Мухтор икки кўча ошса ҳамки, бу нидоли, қайгули, нафрлати овоз ҳалигача кулоғи остида эшитиляпти. Гўё ўқдай, юрагига санчилипти. Менинг ўғлим ўлиб кетди, қишлоқнинг ҳамма катта-кичиги урушла, сен бу ерда нима қилиб юрибсан, деяётгандай. Гўё ҳамма ўзига тикилаётгандай. Бир-бирига нуқтаб, Мухторни кўрсатаётгандай. Балки ўзига шундай туюлгандир. Балки бошқа сабаб...

Мухтор Маматкул билан бирга кўнгиллилар сафида жўнамоқчи эди. Бирга тайёрланишганди, кейин... Мухтор қолди. Маматкул, мана, ҳалок бўлибди. Ҳар кимнинг кўзидан, овозидан ваҳимага тушиб, қишлоқда бош кўтариб юргунча, ўзи ҳам ўша ёқларда ўққа учиб ўлгани яхши эди.

Мухтор хаёлан ўзини сўкарди-ю, аммо ҳозир ўз ўйларига ҳисоб бермасди. Бутун вужудини аламзадалик, уни маҳкам ушлаб турадиган доимий ваҳима чулғаб олганди. Мухтор урушга бормади. Маматкул билан йўлга чиқмоқчи бўлганда ҳам бор-йўғи тенгдошларидан айрилиб қолмаслик учун ариза берганди. Кейин орадан кўп гаплар ўтди. Нима бўлганди ўзи? Эҳ-ҳа, тарихи узоқ, Бунинг ўзи катта бир ҳикоя.

* * *

Мухтор Ойсулувни яхши кўрарди. Бир-икки марта Ойсулувнинг ўзига дил розини очмоқчи бўлди, аммо яқин борди дегунча, тили тутилади. Қалтирайверади. Тезроқ қочиб кетгиси келади. Четроққа ўтса яна ўзини ўзи койиди. Энди қайтиб борса, албатта гапиришни кўнглига тугади. Ойсулув билан бир бригадада ишлашади. Бирга ишга чиқиб, бирга қайтишади. Йўлда Ойсулув бир қараб кўйса, бўлди, кун бўйи щирин ўйлар оғушида тўлибтошиб юради. — Ойсулув! — Сулув бўлганда ҳам унчамунча сулувлардан эмас. Гўё ойдек нур сочади. Ота-онаси зап исм топиб кўйишган. Қани энди, орзулари амалга ошса-ю... Мухторга бошқа њеч нарса керак эмас... Қайси куни туш кўрибди. Тўй бўлаётганиши. Келин ҳовлиларига кираётган жойдаги икки алангани айланяпти. Мухторнинг отасига, онасига, ҳамма қариндош-уруғларига салом бераётганиши. Яхшилаб қараса, келин — Ойсулув! Мухторнинг ўзи четроқда, куёвнавкарлар орасида савлат тўкиб турибди. Бошда дўппи, устида бекасам тўн,

лабида табассум. Катталар, Мухтор билан Ойсулув узука күз күйгандай бир-бирига мос, умрлари узоқ бўлсин, қўша қаришсин, деб дуо қилишяпти. Дўстлари Мухторни табриклишяпти. Шу пайт қаёқдантир пайдо бўлиб қолган Маматкул Мухторнинг елкасига осилганча, “мен баҳтили бўлолмадим, сен баҳтили бўл, дўстим! Мен етолмаган Ойсулувга сен етдинг!..”, деб йиглаб-энграб, бош урятти. Кейин келин — Ойсулув бошини кўтариб, ёпинчигини олиб ташлади-да, уларга ўтирилди. Ойсулувнинг доим чақнаб турадиган кўзларини фам босган. Фам ҳам эмас, қандайдир нафратми-ей. Бу нафрат кимга аталган?.. Кўзлари бир тўқнаш келдио, одатдагидай, Мухторнинг бутун вужуди, оёқларигача қалтираб, кўзларини олиб қочди. Ойсулув улар томон келаверди. Кейин.. Мухтор уйғониб кетди. Ўшандан бери ҳаловати йўқ. Ойсулув ҳовлисига келин бўлиб тушганидан қувонса, кўзларини эслаб...

Маматкул билан Мухтор бирга ўсишган. Баъзан йигитлар йифилиб қолганда қизлар ҳақида гап кетади. Ҳамма Маматкул билан Ойсулувнинг қалинлигини билади. “Қиз”инг билан қандайсан?” деб сўрашади. Мухторнинг дами ичига тушиб, индамай ўтираверади. Қани энди, қандайдир куч пайдо бўлса-ю, Ойсулув Маматкулдан юз ўтириб, Мухтор билан... Баъзан Мухтор ўз ожизлигидан нафратланиб кетади. Бораману, ҳамма дардимни тўкиб соламан, деб қасд қиласди.

Маматкул эса Ойсулув жуда яхши қизлигини, минг шўх, минг ўйинқароқ бўлмасин, биронта йигитни ўзига яқинлаштирумаслигини, ҳатто Маматкул ҳам ёнида бир оз чўчиб, ҳисларини жиловлаб туришини айтади. Худди сеҳгар қизга ўхшайди, дейди баҳтиёр кулимсираб. Айнан шу гаплари Мухторнинг дилига ҳам мос тушади. “Ойсулув сеҳгар қиз!”

Тўғри, Мухтор Ойсулувни Маматкулдан тортиб олиб қўймаслик кераклигини билади. Ахир уларнинг муносадатлари ҳаммага аён. Ойсулувни тортиб олиш — йигитликка хиёнат. Мухтор бу тўғрида ўйларди, лекин бошқача ўйлари ҳам бор эди-да. Ахир Мухтор қачонлардан бери шу қизни деб ёнади. Қачонлардан бери дарди ичиди. У пайтлари Маматкул тарафла-бедод қилиб юарди. Буларнинг яқинлашуви бор-йўғи шу баҳордан бошланди. Бу томондан қараганда Мухторнинг баҳт қушини — Ойсулувни Маматкул тортиб олган бўлмайдими?

Ёз келди. Уруш бошланди! Биринчи кунларданоқ Барлоснинг бир қанча йигитлари қатори Маматкул билан Мухтор ҳам кўнгиллилардан бўлиб, ариза беришиди.

Эртага жўнаймиз, деган оқшом уйидан кузатувчилар аримади. Ярим кечага яқин одамлардан қўли бўшаб, чарчаб, энди ухлайман, деганда юрганини аллақандай норозилик кемираётганини пайқаб қолди. Аввал келди-кетди билан овора бўлиб, унча эътибор бермаган экан. Норозилик аломатини Мухторнинг ўзи яхши биларди. Ойсулувни кўргиси келаётган эди. Эл қатори урушга кетяпти. Энди боради. Энди Ойсулувга бор дардини, бир йилдан бери унинг ишқида куйиб юрганини, бир йилдан бери Ойсулув деб яшаётганини, неча марталаб дил рози ичиди қолиб кеттанини, кеча-кундуз уни ўйлашини тўкиб солади. Энди урушга кетаётганини ўлиб кетса, майли, агар эсон-омон қайтса, албатта Ойсулувга уйлашишини, жангга ҳам Ойсулув деб киришин айтади. Айтмай кетиши мумкин эмас. Мабодо жанг майдонида курбон бўлса, ўзи учун ўлганини билиб, йигласин.

Мухтор бир дақиқа ўзига аза тутиб, кўз ёш тўкаёт-

ган Ойсулувни тақаввур қилди. Сочлари ёйилган, бетлари юлинган. Олдида Мухторнинг ўлиги ётиби. Кўкраги қип-қизил қон. Ўқ кўкрагига теккан экан. Ойсулув ҳолсизланиб, юзини Мухторнинг жароҳатига қўйди. Кимдир келиб, Ойсулувни турғизди. Кўз ёшларидан Мухторнинг кўкрагидаги қон ивиб, Ойсулувнинг бетига чапланган, сочларигача қип-қизил қон. Кейин кўзларидан ҳам ёш ўрнига қон оқа бошлади...

Қирқ йил қирғин бўлса, ажали етган ўлади. Урушга эл қатори боради. Ўзи ариза бермаганди ҳам бари бир сал ўтмай, чақириб кетишарди. Бундан ташқари, ҳамма тенгдошлари “борамиз”, деб турганда Мухтор четга чиқолмасди. Ё ўлар, ё қолар, ким билсин, ҳали қаҳрамон бўлиб қайтадими? Кўкраги тўла орден-медаллар бўлса. Барлосликман деганинг бари кўчага чиқиб, уни кутиб олса. Душманни енгтан мана шу йигит деб олқишилашса. Мухтор ҳурсанд, ҳаммага қўл силкиб, кўча бўйлаб, шахдам одимлаб кетаверса... Кейин Ойсулув ховлиларидан югуриб чиқса. “Мухтор ака!”, — деб ўзини унинг бағрига отса. Қувончидан юм-юм йигласа. Мухтор ҳам қизни қаттиқ қучиб, елкаларини, сочларини силаса. Ойсулув йиглаб бўлгандан сўнг “мен сизни жуда интизорлик билан кутдим”, деса. Ҳазиллашиб, эркалаб, юзига аста шапатиласа. Кейин ўз қилиғидан уялиб, юзини унинг кўкрагига яширса. Энди Мухтор уялмайди, қалтирамайди. Кўзларини олиб қочмайди. Севган қизига соғинч билан тикилиб тураверади. “Ўҳ-ҳў, орденларингиз бунча кўп”, деса Ойсулув. “Ҳаммасини сен учун олганман. Доим сени деб урушга кирдим. Сени деб гермоннинг бўйинни синдиридим. Сени деб эсон-омон қайтиб келяпман, Ойсулув! Энди бир умрга баҳтили бўламиз. Ҳечам ажрамаймиз, хўпми?”, — деса Мухтор.

Ойсулув қувончдан чарақлаган кўзларини юмиди, бош иргайди. Иккисининг бир-бирига бўлган меҳру-муҳабатини кўриб, Барлос аҳли қўзига ёш олади. “Қишлоғимиздан чиқсан қаҳрамонга шон-шарафлар бўлсин!” деб кўлларига кўтариб, осмонга отишади. Шу ернинг ўзида Ойсулувга келинлик либосини кийгизишиади. Келин-куёв ўртала Мухторларнинг уйига йўл олишади. Қизлар ёр-ёр айтишиади...

... Мухтор ўз ўйларидан ширин энтишиб, Ойсулувларнинг уйи орқасида тўхтади. Бояги шашти бўйича, тўғри ичкарига кириб бормоқчи, агар ота-онаси билан ўтирган бўлса, “эртага мен урушга кетяпман, илтимос, бизни холи қолдиринг, қизингизга икки оғиз гапим бор, айтаману кетаман”, демоқчи эди. Аммо уй тўғрисига келганда... яна қалтирай бошлади. Қайтиб кетмоқчи бўлди-ю, бу фикридан фижинди. Нимани ўйлаяпти ўзи? Ё ҳозир гаплашади, ё ҳеч қаҷон! Ахир эртага жўнайти... Шуларни ўйларди-ю, ҳовлига тўғри кириб боролмаслигини ҳам жуда яхши англарди. Лекин қайтиб ҳам кетолмасди. Қандайдир натижа бўлиши керак.

Мухтор айланма йўллар билан томорқа тарафга ўтди. Ойсулувларнинг катта боғи бор. Ҳеч бўлмаса ўша томондан келиб, ҳовлига бир назар ташлашни истарди. Ким билсин, балки ўзи чиқиб қолар...

Боқقا тушмоқчи бўлаётган Мухторнинг қулогига аллақаердан йиги овози эшитилди. Аввалига бутун фикризикри ҳовлида бўлиб, эътибор бермади, кейин овозини таниди-ю, донг қотиб қолди. Ойсулув йиглаётганди! Уни кимдир овутарди. Улар боғнинг нариги бурчагида. Мухтор овутаётган йигит Маматкул эканлигини билдиу, ўтириб қолди. Аъзойи-бадани иложисизликдан титраб кет-

ди. Хўрлиги келиб, кўзларига ёш қалқиди.

Шу экан-да... Мухтор нималарни ўйлаб юрипти. Шунча ширин хаёлларни суриб келди. Дардини айтмоқчи бўлиди-я! Мухторнинг дардисиз ўзиники ўзига етиб ортаркан. Ана, Маматқулнинг пинжига кириб олган. Тўйиб-тўйиб қарайверсин. Яна нима истайди? Яна Мухторга нима керак? Ажаб бўлди, хўб бўлди. Урушда битта ўққа дуч келса, баридан қутулади-қўяди.

Мухтор орқаси билан тисариғанча, кўча бўйлаб анча юрди. Маматқул билан Ойсулувдан кўзларини узолмасди. Улар ўзлари билан ўзлари овора, Мухторнинг келганини ҳам, кетганини ҳам сезишмади. Мухтор эса узоқлашгандан кейин ўнгланиб, уйига юргурди. Нимага бундай қиласяпти, ўзи англамас, аммо вужуди уни шунга ундар, юрагидан нимадир тўлиб-тошиб келар, югурмаса, отилиб чиқиб кетадигандай эди. Xонасига кириб, ўзини ёстиққа ташлади ҳамки, у нарса отилиб чиқди. Бу — йиғи эди. Аламли йиғи эди. Қадрланмаган, топталган, хўрланган севги йигиси эди. Йиғи вужудининг ички қатламларидан тўлиб келар, уларни тўхтатиши асло мумкин эмас эди. Тўхтатишига ҳаракат ҳам қилмас, ўқсиб-ўқсиб йигларди. Чунки энг сўнгги умиди чил-парчин бўлган эди. Ариза бергандан бери бугун деб, эрта деб, ниҳоят охирги кундан умид қилганди. Жўнаш олдидан бор дардимни айтиб, урушга кетавераман, деб ўзини овутаётганди. Энди ҳеч қандай овутадиган нарса қолмади. Энди йигламоқдан ўзга чора йўқ.

Йиғини эшитиб, ота-онаси кириб келишиди. Онаси дарров кўшилиб йиглашга тушди. Йиғи аралаш Мухтор: “Эҳ! Ойсулув, Ойсулув!”, деб юборди. Бунга ўзи эътибор бермади, чунки эрта-индин ўлиб кетадиган одам. Онаси эътибор бермади, чунки ўз дарди ўзига етиб ортарди. Аммо отаси Мухтор нимага йиглаётганини билиб қолди. Отаси Мухторга разм солиб юрар, одамови бўлиб қолганини, қандайдир қизнинг дардидаги ўртанаётганини сезарди.

Эрталаб йигитлар тўрваларини кўтариб, жанггоҳга жўнаш учун станцияга боришиди. Жўнатилаётгандар сафода Мухторнинг номи чиқмади. Ҳайрон бўлиб, командирдан нега қолдиришаётганини сўраганда, “бор, бор, ишининг қил. Қишлоғингда кутиб туравер, навбатинг келса, ўзимиз чақирамиз”, дейишиди. Бу ерда қандайдир сир яширингандай. Қандай сир бўлиши мумкин? Ё отасининг ишимикан? Отасининг қўлидан келади. Танишлари, пули ҳам кўп. Наҳотки қолиб кетишида отасининг қўли бор? Шошма! Оқшом, худди бир сирни биладигандай, фалати кулимсираётган эди. Ўшанда, менинг устимдан куляпти, деб эътибор бермаган экан. Эрталаб ҳам фақат ўйдан хайрлашиб, “менинг ишим бор”, деб кетиб қолди. Бошқа ҳамма ота-оналар станцияга чиқишиди. Нега бунақа қиласи? Нега тенгдошларидан ажратиб қолдиради? Ойсулувни кўриб, ҳар куни бир ўлгандан, урушда биратюла ўлиб кетгани маъқул эмасми? Ҳамма дўстлари кетди. Маматқул ҳам... Маматқул ҳам кетди... Ойсулув қолди... Мухтор қолди... Йўқ, йўқ, бундай ўйлашнинг ўзи разиллик. Ойсулув ҳеч қаҷон Мухторни демайди. Бунга ишончи комил. Бунинг устига, Маматқуллар у ёққа бориб, қон кечиб юрса-ю, Мухтор бу ерда кўча кезадими? Ҳар ерда ўз тенгинг билан бўлганинг маъқул экан. Бир ўзи ажралиб, ўнгайсизланиб қолди. Худди тенгдошлари олдидаги айбдордай. Мухторни қолдиришганда улар ҳам ҳайратланиб, фалати-фалати қарашиб. Ҳа-а, ҳаммаси отасининг иши. Боласининг раҳмини еган. Жанггоҳга

борса ўлиб кетади, ундан кўра олиб қолай, юра турсин, деган. Отаси жуда ичидан пишган одам. Мухторнинг қолишини ҳатто онасига ҳам айтмаган. Майли, бирга бориб, бошқа ота-оналар қатори йиғлаб тураверсан, эл-юрт шубҳа қилмайди, деган... Шу қылганига отасига бир кўрсатиб қўйсин. Олиб қолганларига пушаймон есин.

Үйта келса, отаси йўқ... Отаси салобатли, умуман, ёнидаги кишилар ҳайқиби-роқ туришади. Шу туфайлими ё отаси бўлгани учун ҳамми, Мухтор отасидан чўчиб турарди. Балки бутун ҳам учрашганда салобати босиб, айтмоқчи бўлаётган гапини айттолмас. Ҳозир бу тўғрида ўйламасди. Юз берган ноҳақликка чидолмай, ҳақни талаб қилмоқ истаги билан ёнарди. Ишхонасига бориш учун кўчага чиқди. Туш бўлиб қолган, одамлар ишдан қайтаётганди. Йўлда шошиб кетаркан, даладан келаётган Ойсулувни кўрди. Бир зум довдираб, тўхтади. Узоқданоқ сезидики, қизнинг кўзлари сўник... Ҳақиқатни юзага чиқариш керак. Ойсулувнинг кўз ёшлари ҳаққи!. Отасини тезроқ топиш керак. — Мухтор шашт билан олдга йўналди. Ойсулувга салом тарзида бошини бир енгил силкиб ўтиб кетди. Ойсулув ўйланиб келаётган экан, уни кўди-ю, ҳайрон бўлганча тўхтаб қолди. “Нима гап? Нима бўлди? Маматқул ҳам қолдими?” — Қизнинг йигидан қизарган кўзларила ана шундай саволлар бор эди. Мухтор баттар азобланди. Энди ҳамма унга шундай кўз билан қарайверади. Энди Мухтор кўчага чиқолмайди.

Отаси ишхонасида ҳам йўқ экан. Яхшиям йўқ экан. Энди анча шаштидан тушиб қолди. Ҳатто отасининг йўқлигига хурсанд бўлди.

Бари бир чидолмади. Поездга чиқиб кетган тенгдошлари, Ойсулув кўз ўнгидаги тураверди. Кечқурун отаси келганди, аразлаб, ўз хонасига кириб кетди. Овқатга чақиришганда ҳам хўмрайиб, ерга қараб ўтириди. Онасининг кўзлари алант-жалант, югуриб-елиб хизмат қиласяпти. Кутимаган баҳтдан — ўғли ёнида қолганидан хурсанд бўлишини ҳам, хафа бўлишини ҳам билмайди. Бу ерда бир сир борлигини сезиб, тагига етолмай ҳайрон.

— Ҳа, йигит! — деди отаси киноя билан, — Бунча? Қовоғингдан қор ёғади?

Мухторнинг жон-пони чиқиб кетди. Ҳозир бор тўплаб юрганларини айтса бўлади, лекин қаршисида отаси ўтиради, салобати босарди. Шунинг учун “ўзим” деди-ю, бошини эгиб ўтираверди.

— Нима бўлди? — отаси яна кулимсираб сўради. Бу кулимсирашида: “сен гўдак, нимани ҳам биласан? Ниманинг фарқига борасан?”, деб ёш боланинг устидан кулганда бир оҳанг бор эди. Ана шу оҳанг Мухторнинг фашига тегди. Бунинг устига, кундузги шашти ҳам кўшилди-ю, портлади:

— Нимага мени олиб қолдингиз? — деди отасига тик қараб, кўзлари нафрата тўла эди.

Отаси ўзини яна аввалгидай тутмоқчи бўлди, аммо ўзининг кўзларидаги нафротдан нигоҳини олиб қочишга мажбур эди. Ҳонага жимлик чўқди.

— Ким айтди сенга, мени олиб қолди деб? — ниҳоят отаси аллақандай таҳдид аралаш сўради.

— Ўзим билдим.

— Ўзинг билдинг? — отасининг овозига яна киноя аралашди. — Унда ҳақиқатан йигит бўлиб қолибсан. — Отасининг бўлиб-бўлиб, салмоқлаб айтган гапи Мухторнинг шусиз ҳам тўлиб турган сабр косасини тошириб юборди.

— Йигит бўлганманми, йўқми, нима ишингиз бор?

Ҳамма тенгдошларим кетди. Энди мен бу ерда қандай бош күтариб юраман? — деди Мухтор паст овозда, аммо ўз навбатида отасига таҳдид билан. Бу гапи билан, сиз қайтарсангиз ҳам, бары бир, ўзим кетавераман, демоқчилигини яққол пайқагаң отаси ўйланиб қолди.

— Ҳай, ўғлим, нима деяпсан? Отантга шунақа гапирасанми? — деде онаси ўртага тушди.

Мухторнинг юраги ээзилиб кетди. Агар ҳозир яна биринки оғиз гапирса, онаси йиғелаб юборади. Онасининг кўнгли бўш. Жангтоҳга кетишини эшитиб, бир неча кундаёқ адойи-тамом бўлган.

— Ор қиляптиларми? Майли, унда кетаверинг. Марҳамат! — деди отаси анча жимликдан сўнг, кейин бирдан бақириб берди. — Ким ушлаб турибди сени бу ерда, аҳмоқ?! Ўша тенгдошларингга қўшилиб кетаверсанг бўлмасмиди? Нимага қайтиб келдинг? Шунақам орчил йигит экансан? Кет! Бор, ҳозир кет! Бир дақиқа ҳам ушлаб турмайман.

Мухторга алам қилди. Кетолмаслигини билади-да, шунинг учун аччиқ қилиб, гапираверади.

— Ҳеч бўлмаганда онангни ўйласанг бўларди, — деди отаси, яна бир оз жимликдан сўнг муросасоз, Мухторнинг ерга қараганини бўйсунгандикка йўйиб. — Урушга кетармиш, деган гап чиққандан бери қоқсуяқ бўлиб қолди-ку, бечора.

Рост, ҳеч эсига келмапти. Нуқул ўзини ўйлапти. Ойсулувни ўйлапти, Маматқулни ўйлапти...

— Урушни ўйинчоқ деб ўйлајсан, шекилли. — Отаси давом этди. — Сен билсанг экан, у ерда нималар бўлишини. Бош кўтариш мумкин эмас. Ўқлар физ-физ учади. Бу, мен финнлар урушида бўлгандаги гап. Ҳозиргисини у билан солиштириб ҳам бўлмайди. Немислар ҳамма томондан бостириб келяпти. Ота-онангни давлатида юрганинг жонингга тегибдида, а, нонкўр! Худди оромгоҳдан қолиб кетгандай ваҳима қиласан! Ўша тенгдошларинг ҳам эрта-индин ариза берганига минг пушаймон ейди. Йиглади ҳали. Худо билади, биринчи жангта киргандан омон чиқадими, йўқми?.. Ҳозирча мен эсон-омонманни, қўлимдан келибдими, олиб қолдим. Шунисига шукр. Шошмай тур. Ҳали сенга ҳам навбат келади. Ўшанда мен қайтаролмай қоламан. Бу уруш ҳазилакам уруш бўлаётгани йўқ. Ҳозирча менинг ўқ еб келганим иккимизга етади. Билдингми?! Ма, кўриб қўй, ўқ ейиш қанақа бўларкан! — Отаси гапининг охирода ўзини тутолмай бақириб берди ва кўйлагини ёқасидан тортиб, белигача йиришиб юборди. Отасининг елкасида катта жароҳат изи бор эди. Мухтор кўзларини олиб қочди. — Кучинг ичинингга сифмай бораётган бўлса, мана, онанг бор, биргалашиб, уйлантириб қўямиз, — деди отаси бир оздан кейин тинчланиб, дўстона кулимсиаркан. — Ҳў, ана, қўшнимизнинг қизи бор-ку, онаси, яхшигина бўлиб етилибдими?

— Қайси? Қайси? — онасининг юзига ранг кириб, оддинга сурилди.

— Бор-ку, анови, — отаси Мухторга қаради, сирдош жўралардай, ишшайиб, кўз қисди. — Ўзиям, ўғлинг ўшани деб қаҷонлардан бери ичини еб юриди.

Мухторнинг бутун вужудига роҳатбахш ҳарорат юргуди. Тўғриси, уялиб кетди. Отаси билармикан?

— Ойсулувми-ей, исми?.. — отаси давом этди.

Мухторнинг юзи оқарди, кейин қизарди. Кўзларини қаерга яширишни, кўзларини қаерга кўйишини билмай қолди. Ойсулувни тасаввур қилди. Ана, иккиси ёнма-ён

кетишияпти. У келинлик либосида. Қизлар ёр-ёр айтишияпти.

— Бўладими, ўшани олиб берсак? — отаси онасига қараб олди. — Ишқилиб, ҳеч кимдан кам жойимиз йўқ. Кипшлопда обрўйимиз ёмон эмас. Кимнинг эшигидан борсак — қайтармайди. Балки икковларинг бир-бирларингни яхши кўрарсизлар, а?

Мухтор хижолатга ботди. Отаси ҳаммасини билади. Мухтор яхши кўради-я, аммо у-чи? Ойсулув-чи? У Маматқулни хушлайди. Лекин отасининг қўлидан кўп иш келади. Олиб бераман деса, олиб бераверади ҳам.

— Ойсулувни олиб берамиз, юравер кейин, билганингни қилиб, — деде отаси бирдан жиддийлашди. — Аммо олдин бир ишни битириш шарт. Уруш жуда қаттиқ бўляпти. Ҳали менинг қўлимдан ҳам ҳеч нарса келмай қолиши мумкин. Шунинг учун ҳозирданchorасини кўриб қўйишимиз керак. Мен бугун, сўраган одамларга, “ўғлимиз касал экан, шунинг учун қайтиб юборишибди”, дедим. Энди ким сўраса, шундай деяверинглар. Эртадан бошлаб, сен Мухтор ҳеч ёққа чиқмай ётавер. Тушундингми? — Отасининг овозида яна таҳдид янгради. Мухтор эса ҳамон ширин хаёллар оғушидан чиқолмай, отасининг гапларига ҳайрон бўлиб турарди. — Мен бу ёғини гаплашганман. Бир таниш врач бор. Тўғрилаш мумкин деган. Биз у билан келишдик. Энди сен бир ҳафта уйда ётасан. Бир сонинги боғлаб ташлаймиз. Бирор сезмасин, ким сўраса, шишиб кетган, тушундингми? Қорасон бўлибди, деймизми, ишқилиб, бир касалнинг номини айтамиш-да. Ҳозир замон ёмон! — Отаси охирги гапларини ваҳшат билан айтса-да, дарҳол юмшади. — Ана, у ёғи тўғри бўлса, бу ёғини келиштирамиз. Касалхонадан сенга “ярамайди”, деган ҳужжат беришади, биз эса онанг билан Ойсулувнига дастурхонга кўтариб борамиз.

Отаси эътирозга ўрин қолдирмайдиган оҳангда гапиради. Мухторга бу сўзларнинг асл маъноси аста-аста бориб етди. Демак, урушдан қолади. Ҳаммаси қонуний бўлади. Кейин Ойсулувни олиб беришади.

... Бир йилда Мухтор “ярамайди” деган қофоз олди. “Инвалид” бўлиб, уйига қайтиди. Отаси айтган врачнинг ўзи “даволади”, кейин “операция” қилди. Сонининг бир тарафини олдин тиззасигача кесиб, гўштининг бир бўлагини олиб ташлади, кейин қайтадан тикиди. Ҳамма сирдан фақат ўзи, отаси ва врач воқиф бўлди.

Мухтор бу ишлар биттунча неча бор ўлиб-тирилди. Йўқ, операциянинг ўзи унча қийнамади. Гўё у қилаётган ишларни бошқалар кўриб тургандай. Кўз олдидан Маматқул кетмасди. Қўли билан Мухторни тенгдошларига кўрсатиб, нуқул: “Мухтор қўрқоқ”, — деяётгандай. Бир оқшом ҳам уйкусидаги ҳаловат бўлмади-ёв. Кўзлари уйкуга кетди дегунча Маматқулнинг нафратли нигоҳи еб қўйгудай қадалаверади: “Ҳа-а, сенмисан Ойсулувни оладиган? Ойсулув сенга тегармиди?” — дейди-ю, даҳшатли қаҳ-қаҳа уради. Кейин бирдан олайди. “Кўрқоқ”, дейдию, панжаларини бургутникидай ёзиб, чанг солмоқчи бўлаверади. Бошида айланаверади. Бир вақт қараса, Маматқул эмас, ҳақиқатан ҳам бургут човут солишга тайёрланяпти. Мухтор қўрқиб, қочишга ҳаракат қилади. Додлайди. Ўйғонса, туш... Бунағанги беором кечаларни озмунча ўтказдими? Нега ўша куни отасига руйхуш берди? Нега “кет” деганда тура солиб жўнамади? Ана, Маматқул орден олиби. Сурати газетага чиқди. Мухторнинг ўзи ҳам кўрди. Отаси “Ойсулув” деганда мойдай эриб, бошини кўтаролмай қолди. Соғ оёғини кесиб,

бошқатдан тикишди. Бир-икки марта қочиб ҳам кетмоқчи эди, лекин кўрқди, журъатсизлик қилди.

Кейин Ойсулувга совчилар боришиди. Ойсулув совчиларни ҳайдаб солибди. Кейин Ойсулув далада Мухторнинг ёнига келди. Нафрат билан қараб турди-турди-да, бор кучи билан бир тарсаки тушириди. “Аблаҳ!” деди-ю, ўкраб йиғлаганча, югуриб кетиб қолди. Мухтор оғзига талқон согландай, лол бўлиб тураверди. Кейин... Маматкулдан қора хат келди!

Мухтор ўзидан ўтганини ўзи билади. Касалхонада ётгандаёқ шунча яширишларига қарамай, қишлоқда ҳар хил миш-мишлар тарқалган экан. Албатта, бу гаплар Ойсуловнинг ҳам қулогига бориб етган...

Бунда-ай, ўзига келиб қараса, қишлоқнинг четига чиқиб қолибди. Бутун вужудида норозилик: ўзидан ҳам, ота-онасидан ҳам, Маматқул, Ойсуловдан ҳам, ҳамма-ҳаммасидан норози. Энди нима қиласди? Энди қаёққа боради? Маматқул йўқ, Ойсулув ўзига қолди. Хурсанд

бўлаверсин. Нега хурсанд бўлмаяпти?

Йўқ, Мухтор хурсанд бўлолмасди. Маматқулнинг қаршисида айбор эканини, унга хиёнат қилганини сезиб турарди. Балки четдан қараган одам Мухторга ҳеч қандай айб қўймас, аммо Мухторнинг ўзи ўзидан нафратланарди. Бу айни қандай ювиш мумкин? Қон биланми? Шунча қочиб юриб, энди урушга жўнасинми? Қишлоқда қолиб, нима қиласди? Мухтор яна нима истайди? Нима?... Бир қарорга келиш керак. Ноаниқлик, шубҳа, доимий қўрқув, ваҳима Мухторни еб қўйди.

Мухтор орқасига қайтди. Йўлда унга томон бир қиз келарди. — Ойсулув!

Ойсулув бошини кўтарди. Мухторни кўриб, бир зум қадами секинлашди, ҳў ўша, даладагидек, яна қаҳр билан тикилди-ю, йўлида давом этди. Кўзлари тўла ёш. Мухтор яна ўшандагидек қотиб қолди. “Уни сен ўлдиринг! Сен.. сен...”, — дерди Ойсуловнинг кўзлари.

ҚАРИБ-ҚУЮЛМАГАН МУҲАББАТ

Кишлоқда замонавий тўй. Столга чол-кампирларни ҳам таклиф этишиди. Кампирларнинг энг четига Ойхол ўтириди, қаторни чоллар давом эттиришиди. Тасодифми (ё тасодиф эмасми?), Ойхолнинг ёнгинасига Кулбой ўтириб қолди. Бир пас бир-бирлари билан иши бўлмаган кишидай, жим ўтиришиди. Тўй қизиб, бирор билан бирорвнинг иши бўлмай қолгандан сўнг Кулбой зимдан Ойхолни кузатди. Олтмишга бориб қўйсаям ҳали балодай. Бетлари қип-қизил. Чап ёноғидаги холи ҳалиям... Шу холни, шу юзни, шу қоматни деб Кулбой бир вақтлар... Эх! Бир даврлар бўлиб ўтган-да!

У даврларда “Кулбой чол” эмас, кимсан Кулбой полvon эди. Барлоғснинг раиси эди. Кишлоқни бир ўзи ётқизиб-турғизарди. Бир яшаб қўйган-да, Кулбой полvon!

Ойхол Ойхол кампир эмас, силкиллаган, диркиллаган келинчак эди. Ҳар қарашибари ҳар йигитларни ҳар кўйларга солардики, у ёғи-бу ёғи йўқ. Энди десанлиз кўчаларда бир юриб қўярди, бирам юриб қўярдики, байбай-бай! Қараган ҳам қараган, қарамаган ҳам қараган. Эрини — Эшимчани назарга илмас эмиш, деган гаплар юради қишлоқда. Ким билади, бўлса бордир. Ҳар қалай бошқа келинлар чилласи чиқиб, бир-икки болали бўлганча кўпам остона ҳатлаб кўчага чиқавермайдиган замонда Ойхол ўн кун ўтмай ўша замонларнинг замонавий келинчаги бўлиб, Эшимчани етаклаганча Самарқандга томошага бориб келди. Куппа-кундуз куни иккови кетиб боряпти. Эшимчана ерга қараган. Ойхолнинг кўзлари эса олма-кесак теради. Кулбой полvon идорадан чиқиб, қишлоқда ўзидан бошқа ҳеч ким ҳатто таъмини тотиб кўришин орзу қилолмайдиган сигаретани тутатиб турарди. Қандайдир таъқибни ҳис қилиб, Кулбой полvon ўтирилди. Эри билан кетиб бораётган Ойхолнинг нигоҳи унда эди. Бир дам раисларга хос салобат билан ўқрайиб турди. Ойхол дам урмади. Кўзлари шўх чақнаб келаверди. Анаман-манаман деганларнинг ҳам унча-мунчаси Кулбой полvonнинг қаршисида гапини ўқотиб қўярди. Бу... Кулбой полvonнинг қони қизиди. “Яхши нарса экан!” Кўзла-

рини сузиб, сал жилмайган киши бўлганди, Ойхол ўзини тутолмади. Уялган киши бўлиб, юзини ўгириди. Ўтиб кетишигандан кейин ҳам Ойхол икки-уч марта қайрилиб қараб, Кулбой полvonнинг кўнглидаги фулгулани кучайтириди: Ана қадди-қомат, ана олов кўзлар! Лопиллаб ўт оламан, дейди-я, тавба! Увол-а! Увол кетипти шундай ҳурилиқо! Ойхолнинг қаршисида Эшимча қора гўрдай бўлиб, пилдираб-пилдираб борарди.

Балки ўшанда илк бор шайтон Кулбой полvonнинг ниятини бузгандир. Эшимчанинг ота-онаси бечора одамлар. Бундай дуру-гавҳар қичимани қаердан топтийкин? Кейин билса, аллақандай қариндошлари бўларкан. Ойхол ўз қишлоғида бир йигит билан унча-мунча гап-сўз бўлган, шу орада Эшимчадан совчи бориб қолгану, Ойхолни зудлик билан бериб юборишган. Демак...

Шахсан колхоз раисининг бўйруги билан Ойхолни чилласи чиқар-чиқмас, фаол меҳнатта жалб қилишиди. Ойхол фаол меҳнат қучогида жавлон ура бошлаган кезларда эса Кулбой полvon ҳам ўйноқи саманининг жиловини тортиб, дала айланадиган бўлди. От минишни Кулбой полvonдан ўрганиш керак. Бир юради, бирам юриб қўярдики, мўйлови шопдай, кўзлари ўқдай. Биргадирман-сиргадирман, деганлар саманининг чангини кўргандан то саманининг чангига кўздан йўқолгунча итдай-битдай биқиниб кетарди.

Кейин... бригадир қамалди. Нимага қамалганини ҳеч ким билмай ҳам қолди. Ўрнига комсомол-ёшлар бригадаси тузилди. Оловқалб, шижаоткор, ишбилармон Ойхол янги бригадир бўлди. Ёш келинчак тез-тез мажлисларга қатнашадиган, уйига кеч қайтадиган бўлди. Бунга Эшимча тихирлик қилди. “Давлатингни ишини осиб қўйдим. Уйга вақтли қайт”, деди. Шунгача ҳеч ким билмаган экан, бу Эшимчадан деганлари халқ душмани чиқди: комсомол-ёшларни ҳақоратлапти, хотин-қизларга феодалларча муносабатда бўлипти, Совет давлатига тил теккизипти. Катта бир халқ отахон Сталин раҳбарлигига ўлиб-тирилиб социализмни мустаҳкамлаётган бир дам-

да Эшимчаларни ҳеч ким аямади: кетди, қулогини ушлаб, номи номаълум томонларга. Ана энди десангиз бу ёё...

— Нега менга бундай тикиласиз?

Кулбой чолнинг тани яйраб кетди. О, роҳатижон! Ҳали-ҳали ўша нозли қарашлари, ҳали-ҳали ўша нозли сўрашлари...

— Сени соғиниб қолипман!

— Хе ўлинг! Қарип қуолмаган сассиқ чол!

Кулбой чолнинг юраги жунбушга келди. Биринчи марта бирга бўлишганда ҳам худди шундай, қарғаб эркалаганди: “Хе, ўлинг ёмон экансиз! Энди сиз билан гаплашмайман!” Гаплашмайман, дейдию, кўзлари кулиб турипти. Гаплашмайман дейдию, ўзи Кулбой полвоннинг кўйнида, кўллари бўйнида. Гаплашмайман дейдию... Аҳ! Энди-и, у даврлар Кулбой полвоннинг қирчиллама даври эди. Ойхолни белидан бир сиқди, бирам сиқдикни, ўзиям йиглаб юборай деди-ёв. Полвонга ёпишиди-қолди. Шу ёпишгандан Эшимча қайтиб келганча ажрамади. Қилтириқ Эшимчанинг қўлида эркак қанақалигини билмай, хор бўлиб юрган экан-да. “Ёмонсиз! Шайтонсиз! Эшимча келсин, ҳаммасини айтиб бераман”, дерди эркаланиб. Эрини “хўжайн”, демасди, эр демасди, ҳатто Эшим ака ҳам демасди. Кулбой полвонга — жонажон севгилисига тақлидан Эшимча дерди. Бир қилиқлар қиларди, бирам қилиқлар қилардик, Кулбой полвон жўшгандан жўшиб кетаверарди. Ҳай-ҳай-ҳай! Энди би-ир...

Кулбой чол столнинг пастидан киши билмас Ойхол кампирни астагина туртди. Ойхол кампир “тек ўтиринг”, дегандай, унинг қўлига шапатилади. Кулбой чол қизиқди. Қўлини Ойхол кампирнинг оёғига узатганди, Ойхол кампир уни ўҳшатиб жазолади: чимчилади. Шундай чимчиладики, агар ҳозир икковлари тўйда эмас, ёлғиз уйда ўтирганларида битта одамга айланниб қолишарди.

— Соқолингиздан судраб, бир шарманда қиласман! — шивирлади Ойхол кампир.

— Ўзинг узун соchlарингни унутдингми?

Ойхолнинг қоп-қора, қалин, тақимига тушадиган икки ўрим сочи бўларди. Бу соchlарни Кулбой полвон арқондай қўлига ўраб, тортиб, Ойхолга “азоб” беришни ёқтиради. Шундай азобки, ҳар дақиқасини Ойхол мингта тотли дамга алиштирмасди.

Кулбой чол Ойхолнинг соchlарига қаради: икки ўрим сочга унча-мунча оқ-кўк оралаган бўлса-да, ҳамон қалин, ҳамон... Ол! Соchlар, бу хушбўй соchlар...

— Ке, сочингдан битта тортай.

— Анавини қаранглар! Қаерда ўтирибсиз, ё... Ё товба! Бунинг кўзларини... Ҳалиям... Кампирингиз ўлиб, жинни-пинни бўлиб қолганингиз йўқми, бо худо?

— Мен аввал-охир Ойхол деб жинни бўлиб келаман.

— Вой мен ўлақолай! Кирди-чиқди бўлиб қолиптику бу сассиқ чол! Вой шарманда! Ҳали мана бу келин-кўёвларга ўхшаб ўтирамиз, дерсиз?

— Нима қипти? Эшимчанг ўлиб кетган бўлса, худо раҳмати. Мен ҳам эсон-омон кампиримни Эшимчанинг орқасидан жўнатдим. Улар у ёқда бирга бўладио, биз қараб ўтирамизми? Сен бева, мен бева!

— Ҳо, қирилиб кетинг илойим!

— Бутун оқшом сени олиб қочаман!

— Ўлар-ов! Бир гап бўлдими? Иштонингиз торлик қилиб қолдими? Ўтиб кетди у даврларингиз. Ўслингиз уриб ўлдирап сизниям, мениям.

Демак, Ойхол кампирнинг ўзи ҳатто қочишга ҳам рози. Фақат “ўслингиз” деб... Ойхол билан Эшимчанинг тўнгичи ўғил. Эшимча қамоқдан қайтгандан сўнг Ойхол олти ойда ойдай ўғил туғиб берган. Бир бежагим бўлди, бирам бежагим бўлди-еъ бу ўғил, унақаси Эшимчанинг уруғида сира йўқ эди. Билганлар оғзини юмди, билмаганлар елка қисди. Каттариб, ҳалиги ўғилнинг юзикўзи нақ иккинчи Кулбой полвоннинг ўзи бўлди-кўйдида! Эшимчанинг дами ичиди. Баҳтига Сталин ўлиб, омономон замонлар бўлдию, бир йилда уйига қайтди. Шу қайттандан қайтиб хотинига “у қилдинг-бу қилдинг”, деб оғиз очмади. Ўлганча. Қанча дарди бўлса ичиди, ўзи билан олиб кетди Эшимча деганлари. Ойхолнинг кейинги фарзандларида ҳам Кулбой полвоннинг унча-мунча ҳиссаси бор. Буни энди Ойхолнинг ўзи ажрим қилмаса... Кулбой полвоннинг хотини ҳам Эшимчага ўҳшаш бечора эди, эрининг ишларини унча-мунча сезиб юрган бўлса-да, “ҳап” деб оғиз жуфтлаган эмас. Тўрт-беш йил давру-даврон суришди ўзиям. Кейин... кейин Ойхол болачага ўралашди. Одамларнинг унча-мунча қорни тўйиб, бош қўтариғидан, ор-номус деган нарсаларни эслайдиган бўлдию, Кулбой полвоннинг омади кетди. Аввал бригадирликка туширишди, сўнgra айбларини, еганларини бўйнига қўйиб, Эшимча кўриб келган томонларни “томуша” қилгани жўнатишиди. Билганлар “Эшимчанинг уруғ-аймоғи орият қилиб, Кулбой полвоннинг тагига сув қўиди”, дейишиди. Билмаганлар ҳар балони алжираф-валжираб кунини ўтказаверди.

Эшимча бир йил “ётган” бўлса, Кулбой полвон бунақа йилларнинг тўрттасини ўтказиб, шашти қайтиб, “полвон” номидан ажраб қайтди.

Кимдир келиб, Кулбой чолнинг елкасидан тутди. Ўз ўй-хаёлари билан банд бўлиб ўтирган Кулбой чол шошиб қўлини Ойхол кампирнинг тиззасидан тортди-да, ўгирилди. Қошида тўй раиси — Даврон муаллим ишшайгандан микрофон тутиб турарди.

— Барлос колхозининг асосчиларидан бири, ветеран, колхозга бир неча йил раислик қилиб, унинг равнақига равнақ қўшган хурматли отахонимиз Кулбой бободан ёшларимизга икки оғиз ширин тилаклар билдиришини илтимос қиламиз. Қарсаклар бўлсин, ўртоқлар!

Ўтирганлар қарсак чалишиди. Кулбой чол бир пас хижолат бўлиб, ўридан урди. “Қўлим Ойхолнинг тиззасида эканлигини билдими-йўқми?” — Унинг хаёлида шу савол айланарди. Даврон муаллим микрофонни Кулбой чолнинг қўлига тутди. Кулбой чол фикрини жамлаш учун бир-икки йўталди, “гапирираман деган дардинг бор экан, сал олдинроқ айтиб кўймайсанми?”, деб Даврон муаллимни уришиди. Ҳамма қулиб юборди.

Ҳар қалай Кулбой чол ўз вақтида ҳар-хил минбардан гапириб ўрганган эмасми, келин-кўёвни бинойидай табриклади, келиннинг ҳам, кўёвнинг ҳам ота-онасини “яхши одамлар” деб мақтади. Мақтов эса худога ёқибди. Қарсаклар бўлди. Унга сари Даврон муаллим “яна қарсаклар бўлсин, ўртоқлар!” деб талаб қилди.

— Қалай, гапни ўлдириб кўйдимми? — керилди Кулбой чол.

— А-ай, менга гап беришганда сиздан ҳам яхши гапирадим.

Ойхол кампир ҳали ҳам ўша-ўшанақа гаплар билан Кулбой полвонни жўшгандан жўштиради.

— Кенжатойингни қаҷон уйлантирасан?

— Менда ихтиёр борми? Ана, Чилматингиздан сўранг.
— Ойхол кампирнинг ранги бирдан ўчди.

Ойхол кампирнинг икки ўғли бор. Орадаги ҳаммаси қиз. Шунинг учун Қулбой полвон “Эшимчангни мазаси йўқ. Мен билан бўл, ўғил туғасан”, дегучи эди. Ҳар қалай ниҳоят Эшимчадан ҳам ўғил кўрди. Аммо шунақа бир ланж, лапашанг, бўшки, баъзан Ойхол ўғил тукқанига хафа бўлиб кетади. Чилмат эса отасига тортган. Шу Қулбойгина бирон марта Ойхолга қаттиқ гапирган эмас. Чилмат эса ўғил бўла туриб, икки гапнинг бирида онасини силкийди. Бугун ҳам Ойхол кампир келини билан озги нағижиллашган эди. Кечкурун у эрига чақибди. Эри — яъни Чилмат онасига ўқталди. Туртмадио — туртгандан баттар қилди, “ўл” демадио — уриб ўлдиргандан баттар қилди. Заҳар, бирам заҳар-эй! Балонинг барини билади. Отаси Эшимча эмас, Қулбой полвонлигини болалиги даёқ тушуниб етган. Тушуниб етгандан бошлаб Эшимча билан қалинлашиб, онасининг ашаддий душманига айланган. Чилмат уйда бўлса, Ойхол кампир юрагини ҳовчуб, қадамини ҳисоблаб босади.

— Нима гап? — сўради Қулбой чол Ойхол кампирни ўзига яқин олиб. — Чилмат, дейман, сени хафа қилияптими?

— Хафа қилиш ҳам гапми? Мен ўлмадим — Чилматингиз қутулмади.

— Ий-е, шунчаликми?

— Ҳе, ордона қолсин бари! Эртадан кечгача ўлибтирилиб Чилматнинг болаларига қарайман, шуларнинг хизматини қиласман. Тағин эру-хотин бир бўлиб, мени сиғдирмайди. Жонимдан тўйдим. Кетаман!

— Қаёқقا?

— Қаёқقا бўлса ўша ёқقا! Бир кунимни кўрарман. Кўролмасам, бўрилар еб кетсин мени. Бир иснодга қолсин Чилматингиз. — Ойхол кампир кўзига ёш олди.

— Кўй-кўй, унақа қилма. — Қулбой чол ҳазил-чин аралаш Ойхол кампирни юпатган бўлди. — Мен ўзим Чилмат билан гаплашман.

— Гаплашасиз-а, гаплашасиз. Сизга ўҳшаган гаплашадиганни тополмай юрипти ўзи. Бир оғиз гапиринг — сўяди.

— Ўз отасиния-?!

— Сиз Чилматга отамисиз? Эшимча боқсин, кийинтирсин, ўйлантирсин, энди сиз эгалик қиласман дейсизми? Ў-ў, сиз Чилматни билмайсиз, — деди Ойхол кампир фуур билан, бир зумда аразларини унутиб.

— Менинг пушти-камаримдан бўлган бўлса — эгалик қиласман. Янаям сен биласан... Мен Чилмат билан яҳши гаплашаман. Онангни менга бер дейман.

— Берид бўлти.

— Сиғдирмаётган бўлса, беради-да. Чилматга керак бўлмасанг — мана, менга кераксан. Ишлатмайман, невара-чевара қараттирмайман. Мастон кампир бўлиб, етти қават кўрпачада — ёнгинамда ёнбошлаб ўтирасан.

— Ҳа-ҳ, ёқмай ҳар бало бўлинг, илойим!

— Нима? Ёмонми? Шунча йил бир-биримизни яҳши кўрдик...

— Астароқ! — Ойхол кампир Қулбой чолнинг билагидан қисди. — Одамлар эшишиб қолади.

Қулбой чол атрофига қаради: Ойхолнинг нарёғидаги кампир янаям нарироқдаги кампирлар билан сухбатлашилти. Ўзининг ёнидаги чолларнинг ҳам ҳангомаси қуюқ. Иккови билан ҳеч кимсанинг иши йўқ.

— Керак бўлса, ҳозир Даврон муаллимни чақираман-да, микрофондан эълон қиласман. — Қулбой чол дадил тортди. — Мен Ойхолни севаман, дейман.

— Вой ўла-ай, тентак бўлганинг йўқми?

— Ҳеч бўлмаса қариганда орзумиз ушалсин, ахир! Сен бева — мен бева! Бола-чақаларимиз уйли-жойли бўлса. Битта кенжатоининг ўзим уйлаб кўяман, ғам ема, давлатим етади.

— Чилмат кўнмайди-да, — деди Ойхол кампир хиёл кулимсираб, хиёл ташвишланиб.

— Чилматдан сўраб ўтирасанми? Ҳозир тўғри Эшон бовога борамизда, никоҳ ўқиттирамиз. Вассалом! Ана ундан кейин Чилмат сени пишириб есин. Сенинг сифинди бўлиб ўтиришингта мен тоқат қилолмайман. Мен...

— Бўлди, бўлди, бўлди! — Ойхол кампир Қулбой чолни билагидан тутиб тинчлантириди.

Бахтни қарангки, шу пайт Қулбой чолнинг тўққизинчида ўқийдиган невараси столларнинг орасидан косатовоқ ташиб келиб қолди.

— Бу ёқقا кел.

Невара столнинг нарёғидан келди.

— Айланаб кел.

Невара айланаб келди.

— Уйга чопқиллаб бор-да, онангдан қалитни олиб, “Жигули”ни ҳайдаб кел.

— Онам бермаса-чи?

— Катта отам айтяпти, де. Чарчаб қолипти, бориб оп-келармишман, де, беради.

— Бўлти. — Невара кувониб кетди. Жўнамоқчи эди, Қулбой чол тўхтатди.

— Ўзингни машиналарнинг орасига урма. Тағин балога қолиб юрмайлик. Сал четроқда, Маматнинг томи га яқин тургин, ўша ерга борамиз.

— Шеригингиз ҳам борми, катта ота?

— Қанақа шерик?

— “Борамиз”, деяпсиз-ку!

— Бор, бор, каллани чалғитмай, айтганни қил.

Невара чопқиллаб кетди. “Жигули”ни олиб келади. Аниқ. Қулбой чолнинг гапини болалари икки қилган эмас. Унча-мунча яқин жойларга бориб келадиган бўлса, шу неварасини машинага ўтиргизади. Мелисалар тўхтатса ҳам Қулбой чолни танигандан кейин кўйиб юборади.

— Мана, иш пишиди. Худо хоҳласа эртага худди шундай ўтиришни биз қиласмиз. Тўрда ўтирамиз. Сени оппоқ кўйлакларга ўраб ташлайман.

— Буришган-тиришган юзимни кўрсатмаслик учуми?

— Нега буришиб-тиришаркансан? Мен учун сен яриаган ойсан, нур сочаётган қўёшсан! Асалсан, шакарсан, Ойхол!

Ойхол кампир эриди. Бир вақтлар Қулбой полвон шундай эркалар эди.

— Қўйинг шу гапларингизни, полвон, қариганда шарманда бўлиб ўтирайлик. — Ойхол Қулбой полвонни жуда яҳши кўриб кетган дамларда “полвон” дерди. — Билиб қолса, Чилмат нақ сўяди.

— Ўзинг менга тегишига розимисан ахир?!

— Мен-ку, майли-я, аммо...

— Ундай бўлса чиқ! Аста Маматнинг уйи томон ўт. Мен ҳам орқангдан бораман.

Ойхолнинг қаршисида ҳозир Қулбой чол эмас, Қулбой полвон ўтиради. Қулбой полвоннинг гапини Ой-

хол икки қилиб ўрганмаганди. Эшон бово кўзларини уқалаб чиқиб келди:

— Ҳа, Кулбой ака, ярим кечада нима қилиб юрибиз? Тинчликми?

— Бир савоб иш чиқиб қолганди, шуни битириб бerasizmi, деб олдингизга келганник.

— Хўш, хўш?! Тинчликми?

— Тинчлик, худога шукр, тинчлик! Бизларни ни-коҳлаб кўйсангиз...

— Кимни?! — Эшон бово қулоқларига ишонмай, бир Қулбой чолга, бир “Жигули”да ўтирган Ойхол кампирга назар ташлади. Лекин ажабланганини билдирамди.

— Қишлоқда бизни қирқ йилдан бери гийбат қилишади, — деди Қулбой чол бир оз ранжиган оҳангда. — Шунга биз... Ойхол билан маслаҳатлашиб, шаръий никоҳ ўқитсак, қолган умримизни бир ёстиққа бош қўйиб ўтқизишмизни халққа маълум қилсак, гап-сўзлар ўз-ўзидан тўхтайдими, деган яхши ниятда сизни безовта қилишга қарор қилдик.

— Машинада ўтирган Ойхол холами? — Эшон бово мийифида кулимсираётганини билдирамаслик учун бетини қашиган киши бўлди.

— Хола деманг, сиздан беш-олти ёш кичик. Ҳали олтмишгаям боргани йўқ. Ҳар қалай эски қадрдонмиз, эшон бово, вақтида бир майизни қирқ бўлиб еганмиз. Раислик давримда қўлимдан келганча сизларга қарашгандан.

— Кўп қарашгансиз, Қулбой ака. Отамни, қари чолни “дин тарғиботчиси”, деб қаматгансиз. Мени акангизнинг ўрнига урушга жўнатгансиз, — деди Эшон бова табассум билан, рангини ҳеч ўзгартирмай.

— Оббо Эшон бово-ей! Оббо Эшон бовоси тушмтур-эй! Таслимман Эшон бово, таслимман... Ўзингиз аста айтинг, шариат бизга никоҳ буюрадими?

— Калима қайтаришни биласизми?

— Худога шукр, ло илоҳо илло облоҳу...

— Эсингиздами, уйидан қочиб чиққан қизни ни-коҳлагани учун отамни...

— Бўлди Эшон бово, бўлди! Таслимман дедим-ку энди... — Қулбой чол йигитларга хос ҳаракат билан Эшон бовони қўлтиғидан олиб, четга тортди. — Ёш бўлганмиз, қизиққон бўлганмиз. У даврлар бошқача эди. Мана, Сталин айборд экан, газитларда ёзишяпти. Биз фақат бўйруқни бажарганимиз.

— Мен эмас, ўзингиз-ку, раислигимда қарашгандан, деган.

— Ҳа энди... нималар бўлмайди дейсиз. Қизиқ даврлар эди-ла! Ўзингиздан қолар гап йўқ, Эшон бово, хузурингизга бош эгиб келганмиз, нима десангиз сизники ўрол. Шу... би-ир.. бизни никоҳлаб жўнатинг, Эшон бово!

— Гувоҳларингиз йўқ-ку!

— Бор. Ана, неварам ўтириби.

— Ўн олти ёшга тўлмаган бўлса, буюрмайди.

— Хотин олса туғдирадиган бўлиб қолган, кўраверинг.

— Иккинчи гувоҳ-чи?

— Энди Эшон бово, ўзингиздан қолар гап йўқ, биз-

нинг ўғилча Чилмат...

— Чилмат сизнинг ўғлингизми?

— Оббо Эшон бово, бово Эшон бово-ей!. Ҳар бир гапга илмоқ топиб турасиз-а! Қўйинг энди... Шу десангиз Чилмат қарши... То у хабар топгунча — сиздан яшириб нима қилдик — никоҳ ўқитиб олсак. Мен бева, Ойхол бева.

— Шу ишни эртага қилсак бўлмайдими?

— Ҳаммасига ақлингиз етятти-я, Эшон бово!

— Бўлти. — Эшон бово юбормаслик учун ўёқ-бу ёққа ўтирилган киши бўлди. — Загс қофозингиз билан ўн сўм чиқаринг, ҳозир никоҳ ўқиб юбораман.

— Ўн сўм эмас, юз сўм десангиз ҳам берай, аммо загс қофозим йўқ-ку!

— Загсдан ўтмаганмисизлар ҳали?

— Загсга бало борми, Эшон бово! Қўйинг, бизларни калака қилманг! Ими-жимида ишқилиб, ишимизни битириб беринг.

— Загс қофози бўлмаса мен никоҳ ўқимайман. Аввали тераклидаги ўғилнинг онасини учқўргондан кўрсатаман, Эшон бово! Сиз гапга қулоқ солинг.

— Загс қофози бўлмаса мен билан гаплашиш бефойда!

— Эшон бово жўяли баҳона топилганидан хурсанд бўлиб, оёғини тираб туриб олди.

— Ҳай, ўша загсидан ўтармиз эртага! Мунча энди...

— Қулбой чол асабийлаши.

— Аввал ўтиб келинг.

— Ўтмасак, никоҳ қиймайсизми? — Қулбой чол ҳеч иш чиқара олмаслигини англагандан сўнг таҳдидга ўтди.

— Иложим йўқ, Қулбой ака.

— Майли Эшон бово, ўзингиз биласиз. Шунча йилдан бери сизсиз ҳам кунимиз ўтиб, ишимиз битиб келган. Яна бир иложини қиласмиз. Сиздан бошқаям мулла топилар...

— Кубой ака, келин безовта бўляпти, — деди Эшон бово.

Кулбой чол ўтирилди. Ойхол машинадан тушиб турарди.

— Ҳе онангни сани... Ўтирмайсанми жойингда.

Ойхол кампир жимгина машинага қайтиб ўтириди. Орқасидан Қулбой чолнинг ўзи ҳам кирдию, неварасига буюрди: “Ҳайда уйга!”

Невара катта отасиннг дўқидан, умуман бу машмашалардан ҳайрон бўлганча, келинга, кўёвга қарай-қарай, “Жигули”ни ҳайдаб келиб, дарвозанинг олдида тўхтатди.

— Туш! — буюрди Қулбой чол бир қадар келишимли оҳангда. Ойхол тушди. Энди буни уйга нима деб олиб кирапканман, деб турган эди, ичкаридан болта тутган Чилмат, орқасидан Қулбой чолнинг бола-чақалари чиқиб келди. Уларни кўриб, Чилмат “ҳа-ҳа-а”, деб айқирганча болтасини кўтариб, пешвуз югурди. Орқасидан келаётганлар етолмади. Чилмат юргурган кўйи “келин-куёв”нинг бошида болтани ҳаволатди...

Энди-и... бу ёғи нима бўлса бўлди. Мен айтмасликка сўз берганман. Жуда билишни истаганлар қишлоққа келсин, мендан бошқа ҳам айтиб берадиган кўп.





ТУШСИРКЭНДИ САВОИ...

ҮЗИМ БИЛМАЙ...

Кўзларимда қолдинг, болалик,
Дилдан чунон соғиндим, аммо
Тополмадим саҳролардан ҳам
Изинг тушган бир тош, бир гиёҳ...
Ё яхшироқ изламадимми?

Мен йўқотдим бутун умрга
Бор кувончим жам бўлган жомни,
Охир олдим бешафқат деган
Мангуликка дахлсиз номни...
Юракдан чин бўзламадимми?

Энди сени излаб юрибман
Сарсонликда Мажнундек, Лайлим.
Умр деган хасталик мени
Йикди охир эгиг юрагим.
Ё мен чин сўз сўзламадимми?

Ўзим билмай сенга не дейин?..

ТУРОНИМ

Баҳор чечагидай қайта унарсан,
Жонланиб мозийдан қайтиб келурсан,
Миллат омон бўлса мангу қолурсан,
Қайта тирилганим — дилда иймоним,
Асрларга тенгдош кўхна Туроним!

Сени шоирларини битик қилганлар,
Сен деб Темурларинг жангга кирганлар,
Сени жондек азиз Ватан билганлар,
Умид узолмайин берган қурбоним,
Йўқотиб топганим азиз Туроним!

Хайрулло СИДДИҚОВ

УМР ЎРТАСИДАГИ СЎРОВЛАР

(настрий назм)

Тоғлар бунча яқин, қўл узатсан етгудай...

Қирлар шунча паст эдими?

Олмазор! Қайси қишига ўтин бўлиб кетдинг, Оқ гулзор?!

Юрагимдан сизиб ўтган Ҳижрон,
Пешонамдан чизиб ўтган Ҳижрон,
Қай лаҳзадан исминг бўлди Армон?

Жарлик, бизлар қўрқув, ваҳимада юрак ҳовучлаб
қарайдиган жарлик, қай фурсатдин бундай ариқдайгина бўлиб қолдинг?

Куйларимни, юрагимни ўйган ўйларимни айтсан, бир зумга тўхтаб тинглармикинсан, Дарё?..

Энам! Ў... энажоним-а!.. Кимни кута-кута бунчалар чўкиб, кичрайиб кетдинг?

Қачон маккорлар мағлубу ҳақлар ғолиб келади, Донишлар?

Нега аввал яхшиларни териб-териб олиб, яшириб қўйяпсан, Қабристон?..

БОЛАЛИКНИ ҚЎМСАШ

Кулгулари шарқираган шалоладай,
Ифорлари гулу-райхон, тоғ лоладай,
Эрка тили бунча ширин бир ҳолвадай,
Болаликка қайтгим келди бир зумгина.

Бирни бузиб, мингни қурав гоҳ бунёдкор,
Қадамини “той-той” босган эҳтиёткор,
Бир қарасанг шоҳу, баъзан итоаткор,
Болаликка қайтгим келди, болаликка.

Капалакдек қувнаб, боғу тоғда чопар,
Дунёда бор янгиликни ўйлаб топар,
Тол баргаклар тақиб, лойдан кулча ёпар,
Болаликка қайтгим келди бир зумгина.

Қора кўзи юлдуздайин порлагувчи,
Катталарни яшаш учун чорлагувчи,
Бир қўшиқ бор юрагимда зорлангувчи
Болаликка қайтгим келди, болаликка.

Фақат ўйнар, ўзга билан иши бўлмас,
Бир хилқатки, гийбат нима, хуши бўлмас
Катталардек бир-бирига “мушти” бўлмас,
Болаликка қайтгим келди бир зумгина.

Турли юмуш ё “миш-мишлар” ҳоритганда,
Юрагимни бир ғаламис оғритганда
Йифламоқни кўнгил ўзга ор этганда
БОЛАЛИККА ҚАЙТГИМ КЕЛДИ, БОЛАЛИККА!

Гулчехра ШАҲОБИДДИН ҚИЗИ



Зулфия КУРОЛБОЙ қизи

МУЖАББАТ ВА НАФРАТ

Хикоя



Январнинг охирларида бирдан ҳаво айниб, кун со-
вуб кетди. Бу йил қишиш бўлмайди-ёв, деб бемалол юр-
ган одамлар шошиб қолишиди. Икки кун гупиллатиб қор
ёғди. Куни билан ҳовлини тўлдириб, қий-чув қилиб
ўйнайдиган болалар ҳам уй-ўйларига кириб кетишиди.
Катталар иш юзасидангина кўчага отланишган, совуқ-
дан ҳамманинг туси ўзгарган, юз-кўзларида ҳоргин
ифода акс этиб турарди. Шаҳар одамлари шунақа, со-
вуққа чидамсиз бўлишади; иш бўлмаса, бўйнимга ол-
ган мажбурият бўлмаганида эди, иссиққина уйда, юм-
шоқ диванга ястанганча қаҳва ичиб ўтирадим, деб
ўйлашади улар. Дарвоқе, уйга нима етсин. Каталакдек
бўлсаям ўз уйинг бўлса, ғам-андуҳга не ҳожат...

Беш қаватли уйнинг бешинчи қаватидаги хонадон-
ларнинг бирида муздай дераза ойнасига бошини тираб
хомуш ўтирган қиз шуларни хаёлидан ўтказди. Бундан
ён йил мұқаддам у “ўқийман” деб шаҳарга келиб қол-
ганди. Тақдир кулиб боқиб, институтга қабул қилин-
ган, тиришиб-тирмашиб беш йилни бир амаллаб ўтказ-
ган қиз қишлоққа қайтиб боришдан бош тортган, ақли-
ни танигандан бўён у шаҳарда яшашни орзу қиласди.
Шу боис кетгиси келмади. “Бу ерда яшаш осон, — деб
ўйлаганди у ўшанда. — Бир амаллаб уй олсан, гап ме-
ниги. Эр топиш қийинмас”.

Йўлланма бўйича ишга жойлашиб олиб, “прописка”
деган балодан ўтиб олганида ўзининг омадли экан-
нига яна бир карра ишонди. Жон-жаҳди билан ишлашга,
пул топишга ҳаракат қилди. Бироқ олган маоши у
ойдан бу ойгача озиқ-овқатига базур етарди. Кийим-
кечакка йўл бўлсин. Яхшиям ота-онаси ҳар замонда
бўлсаям пул бериб турари. Ҳар доим улардан ёрдам

сўрашга қизнинг юзи чидамайди. Ахир ундан ташқари
яна саккизта жон ота-онанинг қарамоғида. Ёнингарчи-
лик кунлари лой бўлиб кетган туфлисини иссиқ сувда
ювмайди, елими кўчиб кетиши мумкин. Шунчалик
авайлласа ҳам бир марта ишдан шошиб келаётганда бир
пой туфлисининг пошнаси тушиб кетиб, ўтган-кетган-
дан жуда уялиб қолғанди...

Ҳамон ойнага тирагиб турган пешонасидан совуқ
ўтган қиз бирдан ўзини тортди. Пешонасини ушлаган-
ча дераза олдидан узоқлашди. Ошхонага ўтар-ўтмас
эшик кўнгироги устма-уст қаттиқ жиринглаб, чўчитиб
юборди. Эҳтиёт юзасидан “глазок”дан қаради. Эшик ор-
тида пешонасини пушти шарфи билан танғиб олган аёл-
ни кўриб юраги шув этди. Уй эгаси! Ижара ҳақини сўраб
келган. Эшикни очмасликка қарор қилиб, нафас чи-
қармай тураверди. Ташқаридан аёлнинг шанғиллаган
овози эшитилди:

— Эшикни очинг, Дилдора! Очинг деяпман. Била-
ман, уйдасиз. Ҳалигина балконда турганингизни
кўргандим.

“Оббо, куйдирғи-ей, — деб ўйлади қиз. — Каламушга
ўхшаб, ҳамма ёқдан ҳид олиб юради-я”.

Ноилож эшикни очди.

— Вой, Мавжуда опа, сизмидингиз? Китоб ўқиб ётиб
кўзим илиниби.

— Ижара пулинни сўраб келди, деб атайин очмадин-
гиз-ку. Нима қиласиз яшириб? — деди Мавжуда опа
шартакилик қилиб. Овозидан унинг ҳазиллаштегани-
ни ҳам, жаҳли чиққанини ҳам билиб бўлмасди.

— Чиндан ухлаб...

Дилдоранинг гапи чала қолди. Мавжуда опа унинг

таклифини ҳам кутмасдан остона ҳатлаб, ичкарига кирди. Кира солиб уй ичини бирма-бир кўздан кечира бошлади. Энгашиб кўрсатгич бармоғи билан плинтуснинг чангини артиб кўрди.

— Бир пайтлар мен бу уйни тилим билан ялардим, — дея ҳар доим айтавериб ёд бўлиб кетган гапларини тақрорлади у. — Уйимни озода тутишингизга ишониб, сизни ижарага қўйганман.

Мавжуда опанинг қизиқ одати бор эди. Гапираётганда ёнидаги кишини юзига қарамас, ундан гапига яраша жавоб ҳам кутмас, шангиллаганча хаёлига келган нарсалар ҳақида тинмай сўзлар, фақат навбат ижарага ҳақиға келганидагина кўзларини лўқ қилганча тикилиб тураверарди.

— Эртага берсам майлими? Илтимос, яна бир кунгина...

— Инсоф сайин барака деганлар, Дилдора. Ахир уч ойдан бери тўламаяпсиз-ку.

— Биламан, ҳисоблаб юрибман, — деди Дилдора, ўқитувчиси олдиди имтиҳон топшираётган талабадек юрак ҳовчулаб. — Пулим тугаб қолди. Бугун, мана ишга ҳам беролмадим. Этигимнинг пошнаси тушиб қолиб... — Дилдора шоша-пиша эшик ортида турган этигининг бир пойини кўрсатди. — Кечга яқин бир танишимдан сўраб кўрмоқчиман.

— Ҳа, сўранг танишингиздан. Сўппайиб, қуруқ қўл билан келиб-кетиб юраверадими?

Дилдоранинг юзидан иссиги чиқиб кетди. “Вой, қаламуш-еў, ундан ҳеч нарсани яшириб бўлмайди-я?”

Мавжуда опа ошхонага ўтиб, дераза тагидаги стулга ўтиаркан, газ устида турган қозонга ишора қилиб деди:

— Ёнингизда бир мири йўғ-у, нима қиласардиниз унинг учун овқат қилиби.

— Ҳа, энди... — дея чайналди Дилдора. — Йўқдан қўра...

— Ошми?

— Ҳа, сабзи ўрнига карам, гўшт ўрнига бир дона тухум солиб қилдим.

Мавжуда опа илкис-илкис гоҳ ундан, гоҳ бундан савол бериб, қизни гапга тутаркан, зимдан унга синовчан тикиларди. Кўзларида тушкунсиз бир маъно бор эди: — ҳайратми, ҳайронликми?

— Ҳа, майли, шунчаси ўтган яна бир кун ўтар, — деди у охирида ўрнидан тураркан. — Билиб қўйинг, бир кундан ортиқ котолмайман.

Эшик салтина зарда билан тарақлаб ёпилди. Дилдора эркин нафас олди. Бир неча сония йўлак деворига сунянганча хаёлга толиб турди-да, сўнг ўзидан икки қадам нарида турган телефон олдига борди. Гўшакни ушланга, бир пас иккиланди, кейин таниш номерни тера бошлади.

— Абдуллани чақирворинг, — деди у гўшакни олган кишига. Анчадан кейин у томондан “Абдулла йўқ?” деган жавобни олиб, тепа сочи тикка бўлди. “Аблаҳ, Яна эски хунарини бошлади”. У ошиғич тарзда эшик ортида турган эски туфлисини қўлига олиб, у ёқ-бу ёғини кўздан кечирди. “Кийса бўлади. — деган қарорга келди. — Қорлар эрий бошлагандир”. Йўлак деворига осилган узунчоқ кўзгу олдиди туриб нақ ярим соат пардоз-андоз қилди. Гоҳ узоқдан, гоҳ яқиндан кўзгу олдига келиб, ўзига тикиларкан, шу туришида ҳар қандай эр-

какни лол қилиб қўйишига ўзида ишонч ҳосил қилди.

* * *

“Қочиб, қаерга бораркан, — деди қиз ичиди кимнидир яниб. — Ерни тагидан бўлсаям суғуриб оламан”. У эшик олдиди бир нафас тўхтаб, плаши чўнтағидаги чақаларни ҳисоблаб кўрди. Трамвайда бориб келишига бемалол етади. Қиз зиналардан эҳтиёткорлик билан тушди. Биринчи қаватда Мавжуда опа яшайди. Унинг кўзига кўринишдан, саволларига жавоб беришдан юраги беziллайди. Уч ойдан бўён ижара пулини тўламагани учун еб юборгудек бўлиб юрибди. Уззу-кун Дилдорани кузатади. Худди у бир кечада кўч-кўронини ортиб, кўчиб кетадигандек ортидан пойлагани-пойлаган. Уч йилдан бўён уйимда турибди. Нега унга ишонмайман, деб ўйлашаёлига ҳам келмаса керак. Ҳозир ҳам аллақайси тирқишидан мўралаб, уни кўриб тургандир.

Дилдора бир амаллаб зиналардан тушиб, ҳовлига чиқиб олди-ю, елкасидан тоғ қулагандек енгил тортиди. Аммо Мавжуда опанинг чигиртканикидек бир бурда юзи ҳеч кўз олдидан нари кетмасди. “Бойлик, баҳт ҳусн танламас экан, — дея ўйлади у трамвайдаги кетаётуби. — Омади бор аёлнинг бошига кўнавераркан”. У навбатдаги бекатлардан бирида тушиб, юргурганча йўлнинг нариги бетига ўтиб олди. Иккала тарафдан физиллаб келаётган машиналарнинг “бобиллаб” берган сигналларига парво ҳам қилмади. Шундоққина йўл ёқасидаги тепасига “Сартарошхона” деб ёзилган ойнаванд бинонинг эшигини очиб, ичкарига қадам босиши билан аввойи ҳидлар қўшилмасидан ҳосил бўлган бўғиқ ҳаво димогига урилиб, нафасини қайтарди. У ҳеч иккиланмай эркаклар бўлмаси томон юрди. Ичкарида калта оқ ҳалат кийиб олган икки йигит икки кишининг сочини тўғрилашаётганди. Учинчи кресло бўш. Демак у йўқ.

— Абдулла ака бугун ишга келмади, дедим-ку сизга, — деди йигитлардан бири унга қараб.

— Нега келмайди? Ахир бугун иш куни-ю...

— Қизчаси касал экан. Дўхтирга олиб бораман деганди.

Дилдоранинг энсаси қотди. Йигитнинг гапига ишонмаганлигини билдириш учун қошлиарини чимирди.

— Ҳа, майли, кеч бўлсаям келиб қолар. Кутиб турман, — деди у ва йўлакка чиқиб, шу ерга қўйилган ўриндиклардан бирига ўтириди.

— У бугун умуман келмаса керак, — деди ҳалиги йигит овозини сал баландлатиб. Қизиқсиниб Дилдора томон қараётган мижозни бошини тўғирлаб, рўпарасидаги кўзгуга қаратиб қўйди.

Дилдора унинг сўзларини эшитмагандек, бепарво ўтган-кетганни кузатиб ўтириди. “Ҳаммасининг тили бир, — дея ўйлади қиз. — Ҳали трамвайдан тушган заҳотим у ойнадан кўрган-у, жуфтакни ростлаган”. У йўлакдаги ўриндиқда уч соатдан кўпроқ ўтириди. Бироқ Абдулладан ҳамон дарак йўқ. Биринчи смена тугаб, иккинчи смена бошланди. Ҳалиги сартарош йигит ҳам халатини ечиб, кийимларини алмаштира бошлади. Дилдора унинг кетиши тарафдудини кўраётганини сезиб, ўрнидан турди.

— Илтимос, унга айтиб қўйинг. Бугун кечкурун уйимга ўтсин. Агар яна қочиб юрадиган бўлса уйига бориб шарманласини чиқараман, — деди у қатъий қилиб.

Йигит индамади. На “хўп” деди, на “йўқ”. “Хўп”

деса Абдулла билан тили бирлигини сездириб кўяди. “Йўқ” дейишга Дилдорадан ҳайиқди. Икки йилдан бўён Абдулла билан жиқиллашиб юрганидан хабардор. Бир неча марта Дилдоранинг шаллақилик қилиб, Абдуллани юлма талаганини ҳам қўриб қолганди. Шу боис миқ этмади.

Дилдора ташқарига чиқиб, трамвай бекати томон йўл олди. Унинг ранг-кути ўчган, ич-ичидан ғалати бир титроқ турганди. “Аблаҳ, — деди у ҳар галгидек бутун газабию нафратини шу сўзга жамлаб. — Энди бунақасини ўйлаб топибди-да. Агар озгинагина, жуда кам бўлсаям маблагим бўлганида ҳеч қачон унинг ортидан қидириб юрмасдим”. Бешинчи курсда ўқиб юрганида сочини кестириш учун шу сартарошхонага келиб, аёллар бўлмаси томондаги йўлакда навбат кутиб турганида Абдулла билан танишиб қолганди. Ўшанда у қизни навбатсиз ичкарига олиб кириб, таниши сартарош аёлдан қизнинг сочини чиройли қилиб, энг сўнгги моддада кесиб қўйишини илтимос қылганди. Кейинги сафар, орадан икки ой-ўтиб, у яна шу сартарошхонага келганида тағин шу йигитга йўлиқди. Кейинги учрашув институтда юз берди. Бу гал Абдулла уни йўқлаб борганди. Кейин эса ... улар жуда қалинлашиб кетди. Абдулла чиройли йигит эди. Қадди-қомати келишган, қош-кўзлари қоп-қора, юзи худди тарашланган тошдек силлиқ. Дилдора бу кўркам йигитга қандай қилиб ихтиёрини бериб қўйганини сезмай қолди. У икки йил ҳеч нарсани ўйламай Абдулла билан учрашиб юраверди. Биринчи бўлиб Абдулла “ўйин”ни бузмаганида ҳаёти ҳалига довур илгаридек давом этаверган бўлармиди. Афсуски, Абдулла бирдан ўзгариб қолди. Уни-буни баҳона қилиб учрашувлардан бош торта бошлади. Ҳар замонда бир кўришган вақтларида ҳам ўй суришдан нарига ўтмасди. Кейинчалик умуман йўқламай қўйди. У йигитнинг хотини, биттами-иккитами (анифини билмасди) боласи борлигини биларди. Азбаройи уни яхши кўргани учун бу масала қизни кўп ҳам қийнамасди. Тўгри, Абдулла уйига кетган вақтлари рашк ўти юрагини куйдирган онлар ҳам бўлганди. Бироқ у кўнглини кенг қилишга ҳаракат қилас, мени деб болаларидан воз кечишини истамайман, деда ўзини ўзи ишонтиromoқчи бўларди. Бунга эришарди ҳам. Эр-хотинлик муносабатлари янги бошланган пайтларда Абдулла: “Ўй олиб бераман, никоҳимга оламан” деб кўп ваъдалар берганди. Муносабатлари қалинлашиб боргани сайин у йигитнинг чўнтағида ортиқча ҳемириси ўқлигини билиб олганди. Аммо негадир фаши келмаганди. Аксинча, беш-ён сўм орттирган вақтлари билдиримай Абдулланинг чўнтағига солиб қўярди. Нарх-наво кўтарилиб, унинг аҳволи танг бўлавергани сайин, Абдулла ҳам ўлганни устига тепган қилиб, алоқасини узишга ҳаракат қилиб қолди. Устма-уст телефон қилавериб, безорини чиқазган чоғлардагина истар-истамай қизниги келар, юз-кўзидан, гап-сўзларидан уни кўришга зор эмаслиги мундоққина сезилиб турарди. Ана шундан кейингина Дилдоранинг бурнига сув кирди.

— Ие, бу қанақаси бўлди? — деда қичқирди у кутилмаганда. — Ҳаётимни барбод қилиб, қочиб қолмоқчи мисиз? Ўй олиб бераман, дегандингиз? Никоҳимга оламан, дегандингиз? Қани, ўша ваъдалар? Қани?

Унинг жазаваси тутган, кўзларидан ўт чақнар, бу-

тун вужуди иситма тутгандек титрарди. Абдулла миқ этмасди. Ерга қараган кўйи, оғир-оғир хўрсиниб ўтираверарди. Кейинчалик, муносабатлари сал илиқлашган пайтлари у гап орасида болалари кўпайганини, хотини пул топмаяпсан деб жанжал қилаётганини қистириб ўтарди. Дилдоранинг фарибина уйини, юпунгина кийинган хотини-ю, болаларини кўз олдига келтириб кўнгли бўшади, йифлагиси келарди.

Ҳаммасига чидайман, — деда у пичирлаганди ўшанда Абдуллани кучоқлаб. — Ҳаммасига чидайман. Фақат мени ташлаб кетмасликка сўз беринг.

Абдулла овоз чиқарип бир нарса демади. Кўзларини юмган кўйи, бош иргади холос. Ҳақиқатан ҳам Дилдорага ҳеч нарса керак эмасди. Абдулла ёнида бўлса бас! Аммо йигит шуни ҳам эпламади. Борган сайин узоқлашиб кетаверди. Охирида қочиб қолиш пайига тушди. Дилдора уч ойдан бўён уни тутолмай гаранг.

Трамвай келиб қолиб, қизнинг хаёли бўлинди. У туртниб-суртиниб, трамвайга чиқиб олди. Бўш ўриндиқлардан бирига ўтириди. Унинг рўпарасидаги ўриндиқда қорачадан келган йигит ўтиради. Дилдорага кўзи тушгани ҳамон эски танишлардек бош иргаб салом берди. Дилдора юзини ўғириб, ойна томонга қараб олди. Кетакетгунча йигит ундан кўз узмади. Дилдора трамвайдан тушганида йигит ҳам тушиб, изма-из келаверди. Қиз уни ўғри гумон қилиб, юрагини ваҳм босди. Қадамини тезлатди. Таниш ўй олдига келиб, ортига ўғирилганда беш-олти қадам нарида турган йигитни кўриб дод деворишига сал қолди. Сўмкасини бағрига босганча, югуриб зиналардан тепага кўтарилиди. Кўрққанидан аъзойибадани қалтиради. Титроқ кўллари билан эшикни очаркан, пастандан эрқак кишининг оғир-оғир қадам товушини эшитиб, баттар юраги ёрилди. Уйга кириб, титроғи босилгач секин “глазок”дан қаради. Ҳеч ким йўқ. “Ўгри изимга тушди, уйимни кўриб олди. Энди мени тинч қўймайди”, — деган хаёл миясини пармалай бошлади. У ошхонага ўтиб стол устидаги чойнакдан чой қуйиб ичди. Юраги ҳамон кузги япроқдай титраб турарди. “Шуниси етмай турувди, — деда ўйлай бошлади у. — Ҳали ўй эгасига нима дейман?” Ҳалиги кўркув устига ижара пули ваҳимаси қўшилиб қизнинг юрагини эзи. У ўзининг ночор аҳволда қолганидан хўрлиги келиб, йиглаб юборди. Ўқсиб-ўқсиб узоқ йиглади. “Энди мен керак бўлмай қолдимми. Жанжал қилавериб, сени ўйдан бездирган ёмон хотининг энди яхши бўлиб қолдими? — Дилдора қаршисида Абдулла тургандай йифи аралаш кўнглидагини тўкиб сола бошлади. — Энди нима қиламан? Қандай яшайман? Ота-онамга нима дейман? Мавжуда опани қандай қилиб тинчтаман?”

* * *

Шу оқшом у юрак ҳовучлаб тонг оттириди. Мавжуда опа кечқурун негадир чиқмади. Уйига меҳмон келиб қолганими? Эри аллақайси идоранинг бошлиғи деб эшитганди. Тез-тез уйларига меҳмон келиб туради. Дилдора уч йил бадалида Мавжуда опанинг эрини уч ёки тўрт марта кўрди-ёв. Қачон қарамасин ишда бўлади. Аммо-лекин хотинини, болаларини таъминлаб кўйган. Қўша-қўша уйлари, машиналари бор. У курсдош дугонаси орқали шу уйни ижарага олганди. Дугонаси Мавжуда опанинг жияни бўлади. У аллақачон эрга тегиб,

бала-чақали бўлиб кетди. Ижара ҳаққини тўлаш ва муддати ўтиб кетган вақтларда Мавжуда опа йўлини пойлавериб, безор қилар, бўлар-бўлмас, заҳар-закқум гапларни гапириб таъбини тирриқ қилар, аммо бирон марта уйдан чиқиб кет деб дўқ урмасди. Балки ўша жияни нинг юзини қилар, балки шу йўсин одамгарчилик қилаяпман деб ўйлар, бу ёғи Дилдорага номаълум.

Эрталаб музлатгични (унинг бирдан-бир бойлиги) очиб кўриб, нонуштага арзигулик ҳеч вақо йўқлигини кўриб, таъби хира бўлди. Бир муддат музлатгичга тикилиб хаёл сурис турди. Сўнг бир қарорга келди шекили, апил-тапил кийина бошлади. “Бугун дам олиш куни, — деб ўйлади қиз. — Ўйига бостириб бораман...” У ҳам меҳмонхона, ҳам ётоқхона вазифасини ўтовчи (бир хонали уй бўлса!) каттагина хонага кириб, каровати тагидан оғиргина чемоданини тортиб чиқарди. Кийилавериб анча униқан кийимлари орасидан салафанга ўралган бир жуфт сочиқни олди. Ўтган йили онаси берган эди. Ишлатишга кўзи қиймай, чамадонига солиб кўйганди. Ўша сочиқларни Мавжудга опага кўрсатиш учун қўлтиғига қисиб, уйдан чиқди.

— Мана буларни сотмоқчи эдим. Балки оларсиз... — деди у минг истиҳола билан.

Мавжуда опа салафани очиб, сочиқларни ёйиб кўрди.

— Алмисоқдан қолганми, нима бало?

— Йўғ-е, ўтган йили онам берганди. Асраб юрувдим...

— Қанча берай?

— Билмадим... ўзингиз биласиз...

Мавжуда опа ичкарига кириб кетди. Бир оздан сўнг қўлида пул билан қайтиб чиқди.

— Рози бўлинг, — деди у хушламайгина.

Дилдора пулни санаб ҳам кўрмади. Чопқиллаб ҳовлига чиқиб кетди. Мавжуда опа унинг ортидан узоқ тикилиб қолди. Ҳар доим қаҳр билан беписанд бокувчи қўзларida шафқат туйғуси ўйғонгандек эди...

Эшикни ўттиз-ўттиз беш ёшлардаги аёл очди. У оқсариқдан келган, истараси иссиқ эди. Кийиниши ҳам ёмонмас, ҳар қалай Дилдора ўйлаганчалик юпун эмасди. Аёл Абдулланинг хотини эканлигини у дарров фаҳмади.

— Келинг, — деди аёл ҳайрон бўлиб, унга бошдан-оёқ тикилганча.

— Абдулла... ака... уйдами? — дея олди Дилдора базур. Негадир саросималанаётганди. Бояги ботирлиги қаёқча йўқолди?

— Ҳа, уйда, келинг. Ичкарига киринг, — аёл уни эрининг мижозларидан деб ўйлади шекилли, мулозимат қила бошлади. — Остонада турмай, ўйга киринг. Ҳозир чиқиб қоладилар?

Дилдора таваккал қилиб, ичкарига қадам босди. Шу пайт ванна томондан “Ким келди, Мавлуда” деган таниш овоз эшигилди. Зум ўтмай елкасига сочиқ ташлаб олган майкачан Абдулла пайдо бўлди. Остонада турган Дилдорага кўзи тушган заҳоти тошдек қотиб қолди.

— Дадаси, сизни сўраб келдилар, — деди Мавжуда гоҳ эрига, гоҳ Дилдорага қараб кўяркан.

— Мен уйда соч олмайман, — деди Абдулла дарҳол ўзини ўнглаб. Дилдора тушунсин деб овозига сирли тус берди. Аммо Дилдора унга парво қилмади. Қариндоши-

нинг уйига келгандек бафуржа оёқ кийимини ечиб, йўлакнинг чап тарафида эшиги ланг очиқ меҳмонхона га кириб, уй ичини кузата бошлади.

— Кимсиз ўзи? Уйимизга нега келдингиз. — деди Мавлуда унинг ортидан изма-из юаркан. Кутилмаган ташриф уни довдиратиб кўйганди.

— Ўҳ-ҳӯ, — Дилдора аёлнинг саволларини эшигтмандек унга қиё ҳам боқмади. — Хотиним уйимда қўлга илингулик нарса ўйқ деб жанжал қиласди, дегандингиз. Мана булар нима? Рангли телевизор, диван-кресло, германский гиламлар...

— Бас қилинг, — дея қичқирди Абдулла. — Эшик очиқ, чиқиб кетинг?

— Нега чиқиб кетарканман? — деди Дилдора бамайлихотир. — Бу уй менинг ҳам уйим.

— Абдулла ака, у нима деяпти? — Кўзлари ёшга тўлган Мавлуда эри томон юзланди. Абдулла унга жавоб бермади бироқ кўзларини олиб қочди. Дилдора тўла фалабага эришгандек эр-хотинга голибона қараб турарди.

— Мен уни танимайман, — деди ўзига келган Абдулла. У энди ўзини тутиб олган, юз-кўзларидан кинояли табассум ўйнарди. — Ҳозир шунаقا аёллар чиқсан деб эшигтандим. Тинч ўтирган оиласарга бориб, мен эрингни ўйнашиман деб туриб олишаркан. Балога қолган эр ҳалигини тинчтиш учун пул билан оғзига урапкан.

Дилдоранинг устидан бир чеълак совуқ сув қуйиб юборишгандек, бутун вужуди музлаб кетди. Томирларида қон юришмаётгандек, оёқ-қўллари жимиirlab, увишашётгандек туюлиб, ўзини ташлаб юборишга сал қолди.

— Вой ярамас, ҳали шундай қилиб нон топиб еб юрибман, де. Ота-онант биладими? — дея бобиллай кетди Мавлуда эшичмага қўшимча бўлиб. — Уйингда ... қисиб ўтирганингда тенгингни топиб кетардинг-ку, жалаб.

Дилдора чидаб туролмади. Ҳамон қўлтиғида қисиб турган сумкасини Мавлуда томон улоқтириди.

— Ифлос, аглаҳ, бунчаликка борасан деб ўйламандим, — дея изиллаб йифлади Дилдора ва эшик томон йўналаётганди, юзи шилинган Мавлуда йўлини тўсди.

— Жавобини олиб кетмайсанми? — деди-ю, Дилдорага ташланди.

Кий-чув тўполон бошланди. Бири бирини юлган, бири бирининг сочига чанг соглан. Бақиришган, додвой қилишган...

Абдулла базур ularни ажратди.

— Мавлуда, йўқол, кўзимга кўринма, — дея аввал у хотинига бақирди. Сўнг Дилдорага юзланиб деди: — Мана, ўйлаган ниятингизга етдингиз. Энди жавоб!

— Бу уй, бу эр менини, иккинчи қадамингни босма, — деб бақирди Мавлуда унинг ортидан.

Дилдора ит қувган гадойдек абгор ҳолда уйдан чиқаркан, бор кучини, бор нафратини тўплаб шундай деди:

— Ҳали қўрамиз, кимни кўлишини...

Бир оздан сўнг эшик қарсилаб ёпилди.

Сочлари тўзғиган, юзлари тилинган, ёқа вайрон қиз кимсасиз кўчада қаёқча юришини, нима қилишини билмай анча вақт туриб қолди. Қалби ҳувиллаб, ўзини ёлғиз

хис этди. Шу пайтгача у Абдулла мени севади деб ўйларди. Шу умид, шу ишонч унинг дардига малҳам, кўнглига қувонч бағишлиарди. Тақдир уни шугина баҳтдан ҳам бенасиб этди. Ёлғиз қандай яшайди?

Қиз оғир хўрсиниб, ҳалигина келган йўли бўйлаб, бекат томон бир-бир босиб юриб кетди. Кун кеч бўлиб қолган, йўллар музлаб, изғиринли шамол эсади. Автобуслар тирбанд. Бир бекатда тўхташса, наригисидан физиллаб ўтиб кетарди. Бекатда туравериб, совуқ жонидан ўтиб кетди. Плаш чўнтакларига қўлини солаётиб бирдан ёнида сумкаси йўқлигини билиб қолди. Юраги шув этди. Сочиқнинг пули сумкада эди...

* * *

Кеча кечқурун базўр етиб келган қиз эртасига тонг аzonда анча бардам уйғонди. Балконга чиқиб, ойнадан ёришиб келаётган тонгни кузатди. Кечаги воқеалар эсидан чиқмай, кўнглига соя ташлаб турган бўлса-да, тиниқиб ухлаганиданми руҳи анча тетик эди.

Кейин музлатгичда борини дастурхонга кўйиб, ноңушта қилди. У ўзини ўзи қувноқ кўрсатишга, кайфиятини кўтаришга ҳаракат қилди. Ахир, яна ярим сотадан кейин ишга бориш керак. Кечаги кайфияти билан ишлаб бўлмайди. “Сумкани қолиб кетгани ёмон бўлдида, — дея ўйлади у. — Шуни баҳона қилиб ортимдан чиқса бўларди. Яхшиям майда пулларни чўнтағимга солиб кўйган эканман. Бўлмаса ҳолимга маймунлар йигларди”.

Шу пайт эшик қўнғироги жиринглаб, унинг хаёли бўлинди. Ким экан? Қизнинг юраги тез-тез уриб кетди. Абдулламикин? Сумкани баҳона қилиб... Ё Мавлуда опами?.. Эшик олдига боргунча минг хил хаёл бошидан ўтди. Одатдагидек “глазок”дан қаради. Қандайдир эркак киши орқа ўгириб турарди. Дилдора иккиланиа-иккиланда охири эшикни очди.

— Салом, — деди эшик олдида турган йигит ва оstonада хуши бошидан учиб, қотиб қолган қизга кулимсираб қаради. — Мени танимадингиз-а?

Қиз зўрға бош иргади.

— Трамвайдга учрашгандик, эсингиздами?

Дилдора яна бош иргади. Унинг тили танглайига ёпишиб қолгандек, ҳеч айланмасди. Йигитнинг юзидағи табассум бирдан йўқолиб, ўрнини жиддийлик эгаллади.

— Бостириб келганим учун...узр. Бошқа... ҳеч иложини қиломадим, — деди у тутилиб-тутилиб. Бояги ўткамлиги йўқолиб, ўзини нокулай сезаётганди.

— Мен ишга боришим керак, кечирасиз, — деди ниҳоят ўзига келган Дилдора ва эшикни ёпиб олди. Ҳаяжонланганиданми ё қўрқаниданми бутун вужуди дир-дир титрарди. У деворга беҳол суюнди. Бу қанақаси бўлди? Ким ўзи? Нега келади? Боши қотган қиз икки ўт орасида қолганди. У секин бориб яна “глазок”дан қаради. Ҳалиги йигит ҳамон эшик ортида турар, “глазок”дан кўз узмасди. У ўттиз беш-ўттиз олтиларга борган, баланд бўйли, кенг елкали, соchlари қалин ва маллага мойил эди. Ёноқ суюклари туртиб чиқиб, юзини кенг, бесўнақай кўрсатар, аммо қош-қўзининг қоралиги, бурнининг бежиримлиги унинг бу қусурини ёпиб кетарди. Лаблари устидаги кичкина мўйлови ҳам ўзига ярашган эди. Аммо кўзлари аллақандай эҳтиросли изтироб билан боқарди. Юзидаги жиддийлик уни хотир-

жамдек кўрсатса-да, кўзларидаги дардли ифода сирини фош қилиб кўйган эди. Қалин лабларида акс этган ним табассум унинг ҳолатига, турқи-тароватига ҳеч ҳам мос тушмаган эди.

Дилдора йўлакдаги кўзгу олдига келиб, бесаранжом, нигоҳи сал хотиржам ҳолатга келгунча тикилиб турди. “Эшикни очишга мажбурман, — дея пичирлади лаблари. — ишга бориш керак...” Бир оздан сўнг у ўқтам аёл қиёфасига кирди. Ва шахт билан эшикни очиб, шитоб билан йигитнинг ёнидан ўтиб кетди. Довдираб қолган йигит шошиб қизни ортидан эргашди.

— Сизга икки оғиз... гап... гапим бор эди, — деди у қизга етиб олиб, ёнма-ён шитоб билан кетаркан.

— Сиз билан ҳам, бошқалар билан гаплашишни истамайман, — деди қиз, унинг юзига қайрилиб ҳам қарамасдан.

— Бир киши ишончингизни оқламаса, бошқалар ҳам айбдор бўладими?

Йигит билиб айтдими, билмай айтдими, қизнинг жон еридан тутган эди. Дилдора таққа юришдан тўхтаб, йигитга синчковлик билан тикилди. Унинг кўзларидаги изтироб юзига кўчган, лаблари, бутун вужуди титраётгандек, бироқ йигит зўр бериб бу титроқни сездирмасликка тиришаётгандек туюлди Дилдорага.

— Ваҳоланки, сиз кўп нарсадан хабардор экансиз, шуни ҳам алоҳида билиб қўйишингизни истардимки...

— Йигит унинг узундан-узун жумлаларини эътибор билан тинглаётганини кўриб қиз шарақлаб кулиб юборди. Кула-кула, охири гапининг давомини айтди: — Мен жуда қиммат тураман!

Қиз гапираётганида кулганида, йигит унга ҳайрат билан тикилиб қолганди. У гапини тутатганда ва шарақлаб кулиб юборганида чўчиб тушди. Қиз жиддий айтятпими ё ҳазиллашдими, фарқига бориб ўтирмади. Бурилиб, кетишга чоғланаётгандек қизнинг йўлини тўсди.

— Тиллами, жавоҳирми, нимани ҳоҳлайсан? Тилағингни айт, — деди у овози титраб. Ва бирдан сенсирашга ўтганини ўзи ҳам сезмай қолди. — Фақат мени ҳайдаб солма!

Дилдора нима дейишини билмай, гарантсиб қолди. Сўнг ўта жиддий оҳангда деди:

— Мен ишга боришим керак. Кечикяпман...

— Шест секунд, — деди йигит кулимсираб, кўрсатгич бармоғини лабига босди. Ва тез-тез юриб катта йўлга чиқди. У ёқ-бу ёққа физиллаб ўтаётган таксилардан бирини тўхтатиб, қизнинг ёнига келди.

— Кетдик!

Дилдора бир зум иккиланди. Вақт зиқ эди. Кўп ўйлаб ўтирмади. Таваккал қилиб, йигитга эргашди...

Ўшандан бўён йигит ҳар куни келиб, эшик олдида уни кутиб турар, ишга кузатиб қўяр, кечки соат 5-6 ларда уйга олиб келиб қўяр, эшик олдида хайрлашиб кетарди. Дилдора унинг исми Пўлат эканлигини биларди холос. “Қанақа одам у?” — деган савол қизни ўйлантирас, юрак ютиб сўрашга эса ботинолмасди. Бир неча куннинг ўзидаётқ ўйигитга анча ўрганиб қолганди. Бироқ аччиқ тажриба кўнглини қаттиқ қилиб кўйган, йигит олдида сира сир берай демасди.

Бир куни эрталаб Мавжуда опа шанғиллаганча ижара ҳаққини сўраб чиқди.

— Яна озгина сабр қилинг, илтимос, — деди Дил-

дора астагина. Чунки Пўлат келиб уни олиб кетадиган вақт бўлиб қолганди. Мавжуда опа атай қилгандек сира паст тушай демасди.

— Ёмонга салом бериб, товонга қоласан деганлари шу-да, — дей дийдиё қилди у. — Тўрт ойдан буён сабр қилиб юрган мен аҳмоқман ўзи. Ҳе, яхшиликни билмаган...

Мавжуда опа қарғай-қарғай зиналардан тушиб кетаётib, бирдан Пўлат билан тўқнаш келди. Ҳали келаётib, унинг овозини эшиштган Пўлат тўртингчи қаватда туриб, борган гапни билиб олганди. Опа учинчи қаватга тушгунча кутиб турди-да, сўнг ҳамон оstonада тошдек қотиб қолган Дилдорага “ҳозир келаман” дегандек ишора қилиб, пастга тушиб кетди.

— Бўлди, у энди сизни безовта қилмайди, — деди бир оздан сўнг қайтиб чиқиб.

Дилдора унинг кўнгли учун жилмайди. Қалбини аввалгидан ҳам оғирроқ, залворли бир юк эзаётган, юрагини фижимлаётган эди. Унинг мижжаларига ёш қалқиди. Бир дақиқагина йигит олдида ўқтамлиги, совуқ-қонлиги йўқолиб, асл қиёфасига қайтгандек бўлди. Бир лаҳзагина холос... Кейин яна аввалги ҳолатига қайтди. У ҳеч нарсани ўйламасликка, эсламасликка қарор қилди. Туну-кун қайғу-ҳасратда яшагандан кўра шўр қисматни афзал билди. У Пўлат билан ёнма-ён кетаркан, алланималар ҳақида тинмай гапирав, кулар, баъзида арзимас майда-чуйдалар ҳақида фам-фуссага ботиб сўзларкан, ич-ичидан ҳақиқий андуҳи қалб тўрида унсиз фарёд чекаётганини ҳис этиб турарди. Аёл кишининг ўз соғлигини сақлаб қолиши энг мураккаб иш эканлигини қайта-қайта эътироф этарди...

Одатдагидек кечки маҳал Пўлат билан ишдан қайтаркан уй эшиги олдида Абдулла кутиб турганини кўриб, юраги орқасига тортиб кетди. Абдулланинг қўлидаги селофан сеткада нимадир бор эди. Дилдора унинг тунов куни уйда қолиб кетган сумкасини олиб келганини ички бир туйғу билан сезди. Плаш этакларини шилдиратганча унинг ёнидан беътибор ўтиб кетди. Бамайлихотир чўнтагидан уй қалитини олиб, қулфни бурай бошлади. Пўлат билан Абдулла еб юборгудек бўлиб бир-бирига сўсиз тикилиб қолишганди. Вазиятдан чиқиши учун қиз овозига қувноқ тус бериб, деди:

— Пўлат ака, уйга... Вой худойим-ей, бўлақолинг...

Бунақа таклифни кутмаган Пўлатнинг юраги ширин орзиқди. Бир зум иккисанча Дилдора эшикни ёпиб қўядигандек шошилиб ичкарига қадам қўйди. Абдулла ундан кўз узмасди. Пўлат ечиниб, меҳмонхонага ўтгунча қиз кутиб турди. Сўнг эшикни ёпиш баҳонасида ташқарига чиқди. Ҳамон бир қарорга келолмай, эшик ортида турган йигитнинг қўлидан сеткани юлиб олиб, илондай вишиллади:

— Бу ерда энди қорангизни кўрмай!

— Ўйлаб иш қил, Дилдора, — дей жон ҳолатда эшик тутқичига ёпиши Абдулла. — Менга ҳам осон тутма. Бир қарорга келолмаяпман.

— Мен бир қарорга келиб бўлдим, — деди Дилдора қатъий қилиб... Ва куч билан эшикни тортиб, ёпиб олди. Бир оздан сўнг қаҳва дамлаб, меҳмонхонага олиб кирди. Пўлат эшикка термилиб ўтирган эди. Қизни қўриши билан нигоҳини олиб қочди. Дилдора қаҳва қуйиб узатганида ҳам юзига қарамади. Ўртага нокулагай жим-

лик тушди. Йигитнинг юраги ўртанди. Негадир ўз-ўзидан жаҳли чиқиб кетаётганди. Қаҳвани отиб юборгиси келди унинг. Аммо истиҳола зўр келиб ўзини босди. Бироқ юзи гезариб кетганди. Дилдорага қараб, кулмоқчи бўлди, лекин қаттиқ қимтилган лаблари тушункисиз ва ўринсиз табассумдан қийшайиб қолди. Қиз ҳеч нарсадан бехабардек, бафуржа ўтиради. Қаҳва хўплаётуб, йигит уни зимдан кузатаётганини сезиб қолди. Ўзича кулимсиради. Ниманидир яшиromoқчи бўлгандай кулимсиради, бироқ уддасидан чиқолмади.

— Истасангиз кетишингиз мумкин, — деди у бирдан йигитга тик қараб. Унинг юзида мамнунлик, кўзларида кибр акс этарди. — Ҳозир нимани ўйлаётган бўлсангиз, ҳаммаси тўғри. Айтмасангиз ҳам юз-кўзларингиздан билиниб туриди ва ... ва мен бунга чида туролмайман. Кетинг!..

Қиз иситма тутгандай титрарди, қаттиқ ҳаяжонга тушганлигини билдирамаслик ва йиқилиб тушмаслик учун стол қиррасига маҳкам ёпишиб олди. Бутун кучини, имкониятини тўплаб, йигитдан жавоб кутарди, баайни ўлимга маҳкум этилган одам ҳукм ўқилишини кутгандай...

Пўлат индамай ўрнидан турди. Унинг чехрасига ифода қилиб бўлмас бир изтироб соя солган, кўзлари мъяс ва фамгин боқарди. У эс-хушини йўқотгандай гандираклаганича столни айланниб ўтиб, Дилдоранинг қаршиисига келди. Келаётуб бўш турган стулга қоқилиб кетди. Юраги қинидан чиққудек потирлаб уради...

— Сизда гуноҳ йўқ, — деди у аллақандай ҳазин товушда. — Ҳаммасига мен айборман. Мен...

Қизнинг юзидан қон қочиб, ҳаддан ташқари оқариб кетди. Пўлатнинг сўзлари олисдан, жуда-жуда олисдан эшитилаётгандек эди...

* * *

— Менинг тақдирим сеникidan ҳам чигал ва мъянисиз, — дей гап бошлади Пўлат. Тун ярмидан оққан, улар ҳамон ўша стол атрофида ўтиришарди. — Йигирма ёшимда отам аммамнинг қизига уйлантририб қўйди. Ҳамма кўргулик шундан кейин бошланди. Хотинимга кўнглим йўқ эди. У меҳнаткаш, камсуқум, тортинчоқ қиз эди. Худди ота-онамнинг кўнгилдагидек! Эртадан кечгача ҳовлида ивирсиб юради. Онам унга кўп иш буюради. “Келинлигимдан то ҳозиргача қўлим касов, сочим супурги” бўлиб келдим. Келин олдимми, энди қўлимни совуқ сувга ҳам урмайман”, деб кўп тақрорларди. Пайт пойлаб туриб, хотинимни уйга имласам, у уялиб кетарди. Ўзини олиб қочарди. Кечаси ҳамма ёқни саранжомлаб, уйга киарди ва ўша ернинг ўзида халатини ечиб, шартиллатиб чангини бир-икки қоқардиди, яна эгнига илиб оларди... Хуллас, уйдан қочиб кетдим. Отам излаб келиб, топиб олди. Уйга қайт, деди. Үрди. Сўқди. “Оқ қиламан”, деди. Кўнмадим. Ҳаёт ҳақида менинг ҳам ўз ўйим, ўз фикрим бор эди. Бироқ ҳеч ким мен билан ҳисоблашмасди... Яхши кўрган қизим бор эди. Лекин у онамга ёқмади. “У бизга ҳақ бермайди, — дерди онам ҳар доим. — Бизга оёқ-қўли чаққон, меҳнатдан тап тортмайдиган келин керак”.

Отам учинчи марта келганида умидини узиб қайтди. Бу ерда озми-кўпми танишлар орттирдим. Икки марта қамалиб чиқдим. Қисқа муддатга...

Шу ерга келгандың күзлари чақчайиб кетди, үзини босиб туролмади.

— Нега? Нега қамашади? — деди у ранг-кути үчиб.

— Сұрама ҳеч нарсани, сүрайверсанг, алдай бошлайман. Одатим шунақа, — деди йигит. У оғир юқдан халос бўлгандек енгил тортиб қолганди. Кайфияти кўтарилиб, қизга тегишиди: — Манави кроватта иккимиз сифатимиз?

Дилдора қип-қизарип кетди...

Улар бирга яшай бошладилар. Пўлат рўзгорниң кундалик ташвишларини ўз бўйнига олди, бутлади. Мавжуда опага ҳам олдиндан бир неча ойлик ижара ҳаққини бериб кўйди. Йигит бу каби муаммоларни ўз ихтиёри билан ҳал этар, Дилдорани аралаштирумасди. У жуда баҳтили эди. Ўзини чексиз баҳтиёр деб ҳис қиласди. Бўш қолди дегунча, бутун вужуди нигоҳга айланиб, Дилдорага тикилар, ундан кўзларини узолмасди. “Гўзал, у жудаям гўзал”, — деб тинмай ичиди такрорларди. Сиртдан қараганда, Дилдора ҳам баҳтиёр эди. Аммо кўнглидаги бир тутун ёнига иккинчиси кўшилганди. “Нега у қамалаган? Бунча пулни қаердан оляпти?” деган саволлар хаёлида тинимсиз чарх уриб, тинчлик бермасди.

Бир куни у ишдан келаётib, йўл устида Абдуллани учратди.

— Сизниги келаётгандим, — деди у. Силлиқ юзида аллақандай безовталик сезилар, нимадандир саросималаниб турарди. Қўлида қофозга ўроғлиқ шиша бор эди.

Дилдора уни кўрмасликка олиб, ўтиб кетмоқчи эди. Аммо йигит илдамлик билан йўлини тўсиб, ялинчоқ товушда деди:

— Дилдора, гаплашиб олайлик, азизим...

Дилдора унинг бесаранжом юзига тикилиб туриб, киноя билан деди:

— “Азизим” десам эриб кетади деяпсизми? — Бир вақтлар, эсим оғиб юрганда “Белый аист”ни яхши кўраман, деганим эсингизга тушиб қолдими? Яна аввалгинек апоқ-чапоқ бўламиз деган ниятда келдингизми?

Абдулланинг ҳуши бошидан учуб, довдираб қолди. Қўлидаги шишани қаёққа кўйишини, нима қилишини билмай, гарантисиб турди-да, беихтиёр ён тарафдаги ариқчага улоқтириди. Дилдора уни беписанд нигоҳ билан бошлан-оёқ кузатаркан, яна оғиз жуфтлаган эди, Абдулла чидаб туролмади.

— Ҳа, мен абраҳман, — деди у қичқириб. Унинг юзи кумдек учган, лаблари, лабларига кўшилиб, бутун вужуди титрар эди. — Абраҳман қилдим. Лекин ҳали бир қарорга келганим йўқ-ку.

— Сиз бир қарорга кегунингизча, хотинингиз ҳаҳрамон она бўлади, шекилли, — деда узиб олди Дилдора. У жиддийлашган, хомуш ва паришон бўлиб қолганди.

Абдулланинг юзига қизиллик югуриб, кўзларини олиб қочди.

— Уни тинч кўйинг, аралаштируманг, — деди у ўзини тутиб олиб. — Мен сиз билан гаплашмоқчи эдим.

— Нимани гаплашмоқчи эдингиз, гапиринг, — Дилдоранинг юзига кинояли табассум ёйилди. У шу туришида Абдуллани эрмак қилиб, чарчамайдиганга ўҳшарди.

— Жуда ўзгариб кетибсиз, афсус, — деди Абдулла ҳафсаласи пир бўлиб.

Дилдора шу гапни кутиб тургандай, бирдан портла-

ди:

— Сиз ҳеч қачон мендан кечолмайди, деб ўйлагансиз. Шундайми? Унга ҳеч нарса керак эмас, у ҳеч нарсани ўйламайди, деган хаёлда юргансиз. Шундайми, жавоб беринг, — деди жазавага тушиб, Дилдора. — Фаришта деб ўйлагансиз. Аслида кимлигимни билмагансиз. Сиз ҳеч нарсасиз яшай олишингиз мумкин. Аммо аёлсиз яшай олмайсиз. Мен эрсиз яшашим мумкин, лекин ҳеч нарсасиз яшай олмайман. Кейин... яна мен жуда ҳам қасдкаш ва кекчиман. Шуни ҳам билиб кўйинг. Бироннинг ёмонлигини бир умр эслаб юраман. Яхшиси, мендан нарироқ юринг. Хотинингизни олдида айтган гапларингиз ҳали қулоғимдан кетгани йўқ.

Абдулла шамдек қотиб қолди. У адойи-тамом бўлганди.

— Яна шуни ҳам билиб кўйингки, Сиз мен учун ягона эркак эмассиз! Дараҳт силкитсам, эркак ёғидали, — деди Дилдора ва йигитга кибр ва мазах билан бир неча сония тикилиб турди-да, уйи томон тез-тез юриб кетди.

Абдулла унинг ортидан тикилиб қолди ва алам билан тишини гижирлатди...

— Дилдора, сен билан бир нарсани маслаҳатлашмоқчи эдим, — деди Пўлат бир куни. У одатдагидан кўра безовтароқ қўринди Дилдорага. — Менинг уйимга кўчиб ўтсанг...

Дилдора ялт этиб, йигитга қаради. Унинг нигоҳида бир олам ҳайрат, бир олам қувонч бор эди.

— Наҳотки... уйингиз борми? Нега аввалроқ айтмадингиз?

— Кўчиб ўт, дебми

— Йўқ. Уйингиз борлиги ҳақида нега аввалроқ гапирмагандингиз? Ахир, бу...

— Бахт, демоқчимисан? . Пўлат кулимсиради. У ўйчан боқарди. — Бошида, шу уйни олмасимдан бурун, эҳ-ҳе, нималарни ўйламаганман? Нималарни орзу қилмаганман? Уй олсан унақа, уй олсан бунақа деган ўй хаёлимдан нари кетмасди. Охири шу даражага бориб етдики, уй олган куним ўлиб қолсан керак деб ўйлагандим.

Пўлат жимиб қолди.

— Кейинчи, кейин нима бўлди? — деди интиқлик билан Дилдора

— Кейинми.. кейин... ҳеч нарса! Худди аввалдан шу уйда яшаб юргандек, оддийгина қабул қилдим.

— Кўйинг-е, — Дилдоранинг ҳафсаласи пир бўлиб, нари кетди.

— Кўчасанми? — Пўлат унинг ортидан борди. — Хўп дессанг, эртагаёқ...

— Кейин мени ҳеч қачон ҳайдаб юбормайсизми? Тўғри хотин бўлишимга ишонасизми?

— Ўзимга ишонгандай...

Дилдоранинг қалбидаги хавотир тугуни ечилиб, майин жилмайди. Эртаси куни у ишга бормади. Пўлат аллақаёқдан юқ машинасини олиб келди. Улар кула-кула Дилдоранинг “кўч-кўрони”ни ортишиди. Кейин Мавжуда опаникига кириб, уй қалитини топширди, хайрлашиди. Чинданми ё кўнгил учунми, Мавжуда опа кўзига ёш олди.

— Йигламанг, — деди Дилдора хазин товушда. — Мен йиглаб хайрлашишга арзимайман. Адресни ёзиб

кўйдим. Бориб туринг.

...Тўқиз қаватли уйнинг, учинчи қаватидаги янги уй Дилдорага жуда ёқди. Уч-тўрт кун ичидаги ўқ-бу ёғини таъмирилаб ҳам олишди. (Албатта, Дилдоранинг таклифи билан). Тўрт йилдан бўён ремонт қилиш хаёллумга ҳам келмабди, — деб ўйлади Пўлат ичидаги. — Аёл барибир аёлда...

— Уй сеники, — деди бир куни Пўлат дабдурустдан, — ҳар қандай шароитда ҳам ... сеники!

У негадир шошиб гапириди. Юзида оғир изтиробли бир ифода пайдо бўлганди. Афтидан, ҳали танишганимга уч ой бўлар-бўлмас, бу аёлга ишонишем шартмикин, деган хаёл кўнглининг кўчасига ҳам келмайтганди. У яна нимадир демоқчи, ниманидир тайниламоқчи эди. Аммо айттолмади, Дилдорани чўчитиб юборишдан кўрқди. Кейнги куни у азонда чиқиб кетган куйи кечкурун қайтиб келмади. Кутиш азобини обдон татиган аёл биринчи оқшомни тишини-тишига кўйиб ўтказди. Иккичи кун ҳам ундан дарак бўлмади. Дилдоранинг кўнглига шайтон ғулфула сола бошлади. “Наҳотки, у мени ташлаб кетган бўлса, — деган ўй келди хаёлига! — Шунинг учун “уй сеники” деган экан-да... Йўғ-е...” Ўз ўйидан ўзи кўрқиб кетди. Ишхонада ҳам, уйда ҳам кунини тиқ этса эшикка қараб ўтказди. Учинчи куни эрталаб эшик кўнгироги жиринглади. Дилдора ўринда хаёл суриб ётганди, апил-тапил кийина солиб, эшик томон отилди.

Остонада Абдулла турарди!

— Кутмаганимдингиз? — деди у заҳархандали жилмайиб. — Тополмайди деб ўйлагансиз...

— Нега энди? Сиздан буни кутса бўлади, — деди Дилдора ҳам киноя билан.

— Кирсанм бўладими? Ахир ташқарида туриш нокулай...

— Йўқ, — деди Дилдора ва шартта эшикни ёпиб, унга суняди. — Эрим уйда йўқ. Бор пайтида киарсиз.

— Ўҳ-хў, эрим... — Абдулла ўзини хотиржам тутсада, ранги докадек оқариб кетганди. — Эрингизни кимлигини биласизми ўзи? — У муҳим янгиликни айтиши билан Дилдорани янчиб ташлайдигандек бирдан кайфияти кўтарилид. Юз-кўзлари ғалаба, нашидасидан ялъял ёнарди. — Мен суриштириб билдим. Эрингиз ўғрибоши экан. Уч-тўртта йигит билан қароқчилик қилишаркан.

Дилдоранинг оёқ-кўлидан жон кетиб, ўзини беҳол сезаётган бўлса-да сир бой бермади.

— Бу ёғи мени қизиқтирмайди.

— Унақаларни умри қисқа бўлади.

— Бу ҳақда тул бўлиб қолганимдин кейин гаплашармиз.

— Демоқчиманки, ҳозир ортга қайтишнинг иложи бор. Ҳали ҳам кеч эмас...

— Ортга қайтиш... — Дилдора қаҳ-қаҳ уриб кулиб юборди. — Кеч эмас эмиш... Ҳа-ҳа-ҳа... Кўнгиллари яна нима тусяиди? Сен абраҳам, абраҳилларингча қопсан, — деди у бирдан сенсираб. Абдулланинг саросималаниб қолганини кўриб, яна шарақлаб кулиб юборди. — Яна ўйнашинг бўлишимни хоҳлаяпсанми? Овора бўласан. Ҳеч қачон сен мени ўйламагансан. Хотинингдаң безган пайтингда менинг олдимга келардинг. Чарчаган вақтингда мен керак эдим. Хотининг чўнтагинг-

ни қоқиб олиб, йўл кирага ҳам пулинг қолмаганида мени эслардинг. Кейин...кейин қумга синтган томчилик йўқ бўлиб кетардинг. Мен шурлик юрак-багрим қон бўлиб сени кутаб яшадим. Эшик кўнгироги жиринг этса юрагим қинидан чиқиб кетай дерди. Балки кута-кута ухлаб қолганимда келиб, қўнгироқни жиринглатса эшикмагандирман деб ўзимни ўзим ёмон кўриб кетардим. Уй эгасидан яширинча калит ясатмоқчи бўлиб юргандим. Мени яна шу кўйга солмоқчимисан? Оввора бўласан!

Темир эшик шарақлаб ёпилди. Абдулла чўчиб тушди. Фазабдан дир-дир титрарди. У бундай муомалани кутмаганди. Айниқса, Пўлат ҳақидаги “янгилик” аёлни довдиратиб қўйса керак, деб ўйлаганди. Шунда у темирни қизифида босмоқчи, яъни ўйлаган режасини амалга ошироқчи эди. Бу режа ангчадан бўён унинг хаёлини банд этганди. Пайт пойлаб юрганди. “Лоп” этиб орадан Пўлат чиқиб қолди-ю, иши ортга сурилди. “Абраҳам, бандит, қизнинг кўнглини олишга улгурибди, — деб ўйлади Абдулла зиналардан бир-бир босиб пастга тушиб кетаркан. Кўз олдида Пўлатнинг асабий тарзда, сурбетларча тиржайиб туриши гавдаланди. Жунжикиб кетди, — Соғ одамга ўҳшамайди у.” Ўйлаган режаси амалга ошимаганидан кўнгли фаш тортид. Кўчага чиқиб, қаёққа юришини билмай, ўйланиб қолди. Бу ердан кетгиси келмайтанини ич-ичидан ҳис этди. Чукур хўрсинди. Дилдора уйига бориб, жанжал қилиб кетгандан кейин хотини унга гоҳ ишониб, гоҳ ишонмай юради. Ишга вакътироқ кетса ҳам, ё аксинча, кечроқ уйга келса ҳам пичинг қиласвериб жонига тегиб кетди. Шу пичинг сўзлар сабаб бўлдими яқинда эр-хотин қаттиқ уришиб қолишиди. “Мен сизга ишонмайман, ўша хотин ўйга бекорга келмади”, — дерди Мавлуда ҳадеб. Охири Абдулла деворда осиғлиқ турган “Куръон”ни қўлига олди. Уч-тўрт йил бурун бир таниши: “Куръони”ни қўлингга олиб, қасам ичсанг, аёллар лаққа ишонишади, — деган эди. Шу усулни қўллашга мажбур бўлди. Мавлуда найдан тараляётган куйга сеҳрланган илондай қотди-қолди. Ҳар қалай битта ташвишдан қутилдим, деди ўзига-ўзи Абдулла, фавқулодда енгил тортиб. Энди аввалгисидан ҳам мушкуроқ ташвиш ҳали олдинда эканлигини ўйлаб, анча вақт юраги зириллаб юрди. Бу ҳақда Дилдорага айтишига кўрқди. У кўнмайди, деган андиша юрагини фаш қилиб турарди. Ўртадан Пўлат чиқиб қолмаганида ҳали ҳам бир қарорга келолмай юрармиди. Дастрлаб, уни Пўлат билан кўрганида “мени куйдирмоқчи” деган хаёлга бориб, сир бермасликка ҳаракат қилганди. Ҳали яхши танимagan одамга ўзини топшириб, унинг этагидан тутиши, бир кунда ҳе йўқ, бе йўқ кўчиб кетиши йигитнинг хаёлига ҳам келмаганди. Ўйлайвериб, жинни бўлиб қолаёди. Ўзича бир неча кун аразлаб ҳам юрди. Ҳар қалай, шунча йил эр-хотинде бўлиб... Оқибат шу бўлдими? Қизнинг бу қилиғи иззат-нафсига тегди. Йўқолган пичноқнинг сопи олтин қабилида иш тутди. Орқаваротдан аввал Пўлатни сўраб суриштириди. Сўнг Дилдоранинг изига тушди. Яқингинада ундан қочиб юрган, тасодифан кўришиб қолишганда юраги зириллаб, унинг тезроқ кетишини сабрсизлик билан истаган одам энди аёлни топиш илинжида оромини йўқотган эди. “Майли, мен сенга ўйланаман, — демоқчи эди у аёлга бениҳоя карам кўрсатаётгандек виқор билан. —

Фақат бир шарт билан. Бу ҳақда ҳеч кимга, ҳатто отонангга ҳам айтмайсан. Фарзанд, деб ҳам очмайсан!” Бола туғилиши аёлнинг ҳуқуқларини бир неча погонага кўтариб юборишини у жуда яхши фаҳмларди. Ошдан чиққан тошдек бирдан Пўлат пайдо бўлиб қолмаганида Дилдоранинг рози бўлиши турган гап эди. Хурсандлиғидан йиглаб ҳам юборармиди. Бутун келиб кўрдик, у хато ўйлади. Ҳалигина унга заҳрини сочган, мазах қилган аламзада, кибрли аёл кечагина бўйнига осилиб: “...ҳаммасига чидайман, фақат мени ташлаб кетманг”, деб ялинган қизга сира-сира ўхшамасди.

* * *

Тун ярмидан оғиб, одамлар ширин уйкуда ётган маҳал темир эшикни кимdir секин тақиљлатди. Уйкуси ўчиб, алам устида ўтирган Дилдора эшик олдига учиб борди. “Ким?” деди астагина. Қаттикроқ нафас олишгда кўрқди.

— Мен, Дилдор, мен, — деди кимdir паст овозда. Дилдора овоз эгаси Пўлат эканлигини дарҳол англади. Бироқ эшикни очишга шошилмади. Тутқични ушлаган кўллари титраб турарди.

— Биламан, мендан хафасан, — деди Пўлат яна паст овозда. — Сенга айтишим керак эди. Кечир мени.

— Очмайман, — деди Дилдора йигламсираб. — Тўрт кундан бўён ўлиб қолай дедим-ку. Қаерда юрган бўлсангиз, ўша ерга боринг.

— Дилдор, мени кечир. Эшикни очмасанг шу ерда ўтиравераман.

— Ўтираверинг... Мени ким ўйлајпиз? Бир оғиз айтиб қўйсангиз, ҳаққингиз кетармиди. Нега мен бошқалардан эшитишим керак? Уйимни бериб қўйиб, катта мурувват қилдим, деяпсизми? Ҳозироқ чиқиб кетишими мумкин. Тўрт томоним қибла менинг. Этагимни бошимга ёпаман-у...

— Дилдора бўлди...

— Очмайман барибир эшикни...

— Шу ерда ўтиравераман, эшикни очмагунингча. Ҳеч қаёққа кетмайман.

— Ўтираверинг!..

Орадан чамаси икки соатча вақт ўтди. Иккаласи ҳам ҳамон эшик олдиди туришарди. Бутун вужудлари қулоққа айланиб, бир-бирларининг ҳатти-ҳаракатини эшитишга уринишарди. “Йиглайпти шекилли, — деда ўйларди Пўлат. — Ҳақиқатан ҳам ноинсофлик қилдим”. “Ана, эшикка суюниб ўтириб олди, — деб ўйлади Дилдора. — Совуқ ўтиб кетмасайди. Чекаяпти... “Уҳ” тортиди”...

Бир оздан сўнг “ширқ” этиб эшик калити буралгани эшитилди. Пўлат иргиб ўрнидан турди. Ярми чекилган сигаретни шоша-пиша улоқтириди.

— Сенга ким хабар берганини биламан, -деди у ичкарига кирган заҳоти. — Сен ... боя ... айтганингда ... Бирдан хаёлимга келди. Ўша! Аниқ, ўша!

Дилдоранинг қовоқлари қизариб, шишиб кетгани боис кўзлари қисилиб қолганди. Йигитнинг юзига қараёлмади. Ваннага кириб, совуқ сувга юзини чайди, қовоқлари устига юмшоқ сочиқни хўллаб босиб, бир неча сония турди. Сал ўзини босиб, аввалги ҳолига келгандан кейингина Пўлатнинг ёнига ўтди...

— Тунов куни айтганидим уйдан қочиб кетганим-

ни, — деда гап бошлади Пўлат. У жуда асабий эди. Ҳали уйга кириб келганидан бўён тинимсиз, устма-уст сигарет тутатар, бирини чекиб бўлар-бўлмас иккинчисини бошлар, кичкинагина шиша кулдон бир пасда сигарет қолди билан тўлган эди. — иш йўқ, турар-жой йўқ. Бир қанча вақт вокзалда ётиб юрдим. Қаерга иш сўраб борсам, прописка сўрашади. Оддий таксисчиликка ҳам олишмади. Правам бор бўлмаса. Пропискани тўғрилаб келинг, кейин гаплашамиз, дейишиди. Уйдан бир оз пул билан чиққандим. Тўрт ойга базўр етказдим. Кастиюмимни сотишга мажбур бўлдим. Кейин соатмини... Охирида сотишга арзигулик ҳеч вақом қолмади. Қорни оч одамни ҳар мақомга йўргалатиш мумкинлигига ўша пайтларда амин бўлдим. Шу... шу... йўлга кирганимни ўзим ҳам билмай қолдим. Аввалига вақтингчалик, деб ўйладим. Ҳадисини олгач, ташлагим келмади. Аммо биринчи марта қўлга тушганимда жуда кўрқиб кетганман ва йиглаганман. Ҳа, ҳа, йиглаганман. Қамоқхона деганда кўз олдимда даҳшатли манзаралар гавдаланарди, — Пўлат бирдан гапиришдан тўхтаб, ўрнидан турди. Унинг юзи шу қадар ўзгариб кетганди, Дилдора кўрқиб кетди. Устма-уст чекиб, сал ўзини босиб олгунча бир оз вақт ўтди. У жойига қайтиб ўтирганда юзидағи кўрқинчли ифода батамом йўқолган, ўрнини сурбетлик эгаллаган, кўзлари тақаббурлик билан боқарди. Аммо сўзлар бўғиздан базўр отилиб чиқарди. — Қамоқхонага тикиб қўйиб, ўзларича тарбияладик деб ўйлашади-да, — У бирорни мазах қилаётгандек, совуқ тиржайиб қўйди. Ҳалигина босиқдик билан равон сўзлаётган одам бирдан алаҳсираётгандек узук-юлуқ, гапира бошлади. — Ақлини киритиб қўйдик,.. хуллас.. нима десам экан... энди бу ишни қилмайди деб ўйлашади. Аммо... Лекин адашишади. Жуда қаттиқ адашишади. Мен қамоқхонада... 10 тийин уриб қолгани учун қамалиб кетиб, у ердан қилини қирқ ёрадиган ўғри бўлиб чиққан одамни биламан. Лекин яхши томони ҳам борки, буни ҳеч нарса билан тенгглаштириб бўлмайди. Ҳа.ҳа. бор... Яхши томон шундаки... қандай тушунтиурсам экан?... Кўйиб берсанг бир-бирини гажиб ташлашга тайёр, асабий, жулдурақи маҳбуслар ичиди тепадаги ис босган туйнукдан тушаётган бир тутам нурга тикилиб ўтириб озодликни соғинасан. Юрагинг эзилади. Эркинликнинг қадрига етасан. Қанча муддат олганигни эслайсан.. ва қанча қолганини ҳисоблашга ҳаракат қиласан. Бошда бир оз қўйин бўлади, худди вақт ўтмаётгандек туюлади. Кейин ... кунлар ўтавергани сайин... ҳисоблаш ҳам осонлашади. Ўзингга ўхшаган маҳбуслар ёқалашиб, бошингни ёриб қўйишса, ҳам унчалик алам қилмайди. Бироқ, сени одам ўрнида кўрмай, бирорта ҳайвон... ёки... ёки жирканч маҳлуққа қарагандай муомала қиласан. Сал саркашлиқ қилсанг аямасдан дўппослайдиган қоровулларни бир умрга ёмон кўриб қоласан.. Нега рангинг оқариб кетди? Қўрқяпсанми? Шунинг учун сенга гапиргим келмаганди-да. Ҳозир... оз қолди, тугатаман. Биттаси бор эди. Юзидан заҳар томиб турарди. Жуда берарҳам ва бешафқат эди. Қамоқхона унинг маҳрига тушгандай тутарди ўзини. Кўп ёмас-у... шу ... бир-икки марта менинг ҳам ёмон таъзиримни берган. Ўзим ўлар ҳолатда ётибман-у, ҳадеб: “Шу ердан эсон-омон чиқиб кетсан бир-кунмас бир кун бўғизлаб кетаман?” деда қасам ичганим ҳеч ёдимдан чиқмайди. Уч-тўрт ой

бурун шу ишни ташлайман деб, ўзимга ўзим сўз бергандим. Аммо ўзимни тутолмасдим. Тўрт кун аввал яна бир ишга қўл урдим. азбаройи.. сени деб. Сени хурсанд қилмоқчийдим. Афсуски, бир, шеригим чув тушириб қўйди. Яқинда бизга қўшилганди. Биринчи марта чиқиши эди... Унинг касри уриб, иккита шеригим қўлга тушиб қолишиди. Қаёққа гумдан бўлди у? Билмайман.. Уч кун ўшани изладим. Осмонга чиқдими, ерга кириб кетдими... Билмайман.. билмадим... — Пўлат бошини чангалилаган кўйи, хаёлга толди.

Дилдора адойи тамом бўлган, стулга михланиб қолгандек қўмир этмасди.

— Энди мендан воз кечасан, шундайми? — деди Пўлат титроқ овозда.

— Нега энди? — саволга савол билан жавоб берди Дилдора. У аллақачон бир қарорга келиб қўйгандек, ҳеч иккиланмасдан гапирди. — Ўрини севиб бўлмайдими? Ўрида юрак йўқми?

— Бор, жонидан, бор... — дея қичқириб юборди бирдан руҳи кўтарилиган Пўлат. У Дилдорани даст кўтариб, чир айлантира бошлади.

— Мендан ор қилмайсанми? — деди бор овози билан Пўлат чир айланаркан.

— Йўқ. Ҳеч қачон.. Ҳеч қачон.. Энди ҳеч нарсани ўйламайман... Ҳеч нарсага куймайман.. Фақат яшайман.. яшайман!

Улар қий-чув қилишганча гир-гир айланишар, бақиришар, кулишар, ўзларидан бўлак ҳаммани, ҳамма нарсани унтишганди. Ташқарида эса минг азоб билан осмон ёришиб, жимгина тонг ота бошлаганди...

Орадан бир ҳафта ўтди. Бу вақт ичиди Абдулла яна икки марта келди. Дилдора билан гаплашишга ҳаракат қилди. Охирги келганида Дилдора уни қувиб солди. Шундан кейин у анча вақтгача кўринмай қолди. Дилдора унинг феълини яхши билгани учун, негадир кўнгли фаш бўлиб юрди. “Писмиқ... Пайт пойлаб юргандир-да”, — дея ўйларди у ҳадиксираб. Нимадан ҳадиксираяпти? Ўзи ҳам буни аниқ билмасди.

— Бугун изимга тушишиди, — деди бир куни Пўлат дабдурустдан. Унинг юзи ҳорғин ва ташвишли эди. — Тасодифан сезиб қолдим.

Тунов кунги сухбатдан кейин Дилдора шундай бўлишини фаҳмлаган, қачондир, бир йилдан кейинми, ёинки бир ойдан кейин, шундай бўлишини сезган ва бунга ўзини тайёрлаб ҳам келаётганди. Шундай бўлсада юраги орқасига тортиб кетди.

— Кўзингизга шундай кўрингардир-да, — дея олди зўрга.

— Кўзимга кўрингани йўқ. Аниқ биламан... Яхшиси бу ерга вақтинча келмай тураман. Сен хавотирланма, вақт топиб хабар оламан. Айтгандай, мен унинг олдига бордим...

— Кимнинг? — деб юборди Дилдора ва бирдан гап ким ҳақида кетаётганини англаб, қизариб кетди.

— У энди сени безовта қилмайди. Эркакчасига гап-

лашиб олдик, — деди Пўлат. Чўнтагидан қоғозга ўроғлик алланима чиқариб, стол устига қўйди. — Кийимларимни алмаштириб олмоқчиман. Дазмол босганимисан?

— Ҳа, — деди Дилдора ва қоғозга ўроғлик нарсага ишора қилди. — Бу нима?

— Унинг қайчиси... Соч кесадиган... Ойнасини олдида турган экан. Билдирилмасдан олиб қўйдим. Керак бўлиб қолар...

Пўлат маъноли қараб қўйди. Дилдора унинг қарашини тушунди. Бироқ индамади. Пўлатнинг ҳозиргина ечган кийимларини ўфишишириб олиб, ювиш учун ванаҳонага кириб кетди. Пўлат унинг кўнгли оғриди, деган хаёлга борди. Рашки қўзиб, жаҳли чиқди. Аммо ўзини босди. Дилдора нотўғри хаёлга бориб, мендан нафратланиб юрмасин, деган ўйда у аёлнинг ортидан борди ва оғринган алфозда деди:

— Мени шумлик қилипти деб юрма тағин. Шунчаки... олгандим. Аммо шуни яхши билиб қўй, мен унга ишонмайман.

Дилдора миқ этмади. Ваннага энгашган кўйи кирювишда давом этди. У ўйларди. Бошидан ўтган воқеаларни ўйлар, ўзича мулоҳаза қилар, ҳаммаси айқашуиқаш бўлиб кетган пароканда хаёлларини тартибга келтиролмай хуноби ошарди. Ўйлаб ўйининг тагига етолмасди. “Шундай бир иш қилиш керак-ки...” — дерди у ҳадеб ўзига ўзи. Аёл бир қарорга келганда тонг бўзарип қолганди.

Кўни-қўшниларга кўринмаслик учун тезроқ чиқиб кетишга чоғланаётган Пўлатни саволга тутди:

— Анави шеригингиз топилдими? Қочиб кетган бору...

— А, ҳа, йўқ, — дея шошиб жавоб берди Пўлат.

— Мабодо... жуда зарур бўлиб қолганида... бошқа бирорнинг номини айтиб юборсангиз бўладими? Далил исбот кўлингизда...

Пўлат ялт этиб Дилдорага қаради. Аёл ундан кўз узмай, тик қараб турарди. Пўлат унинг кўзларида куйган, ўртанган, топталган, аламзода юрак аксини кўргандек бўлди. Шу билан бирга чеки-чегараси йўқ, бепоён бир нафратланиш ҳам мужассам эдики, Пўлат дош беролмади. Индамай чиқиб кетди...

У шу кетганича қайтаб келмади. Анча вақтдан кейин ёшгина бир йигитча келиб, унинг қўлга тушиб қолганини айтди. Яна бир неча кун ўтгач, ўша йигитча Дилдорага яқинда Пўлатнинг устидан олиб борилган тергов ишлари тугаб, иши судга оширилганини, у билан Абдулла деган «шериги» ҳам бирга эканлигини айтди. Кетар чоғида яна келиб хабар олишини, мабодо жуда зарур бўлиб қолганда уни қаердан қидириб топиш мумкинлигини айтиб, хайрлашди. Дилдора меҳмон кетгач, у ўтирган стул устида бели боғланган бир даста пул ва бир парча қофоз турганини кўриб қолди. Юраги ҳапқириб қофозни қўлига олди. Хат Пўлатдан эди. Унда шундай сўзлар ёзилганди: “Мени кут, азизим...”

Муаллиф ҳақида: Зулфия Қуролбой қизи (Йўлдошева) 1967 йили Жizzах туманида туғилган. Жizzах давлат педагогика институтининг тил-адабиёт факультетини тамомлаган. Айни кунларда Сирғали туманидаги 317-мактабда ўқитувчи бўлиб ишлайди.



БУ БЎСТОН САҲНИДА ГУЛ КЎП, ЧАМАН КЎП



Дунё, дунё чиройли,
Қора кўзли жайрона.
Қора кўзнинг зулми кўп,
Кўнгил уйи вайрона.

Вайрон, вайрон, вайрона,
Бойкушига томоша.
Дунё қиласар эҳсона
Кўтири-кўтири жомашов.

Дунё, дунё чиройли
Тош майдалар бошимда.
Бўлиқ бўлар буғдойи
Кўздан оқсан ёшимга.

Дунё, дунё чиройли,
Билинмайди тиртифи.
Кўйлагига қизил гул
Юрагимнинг йиртифи.

Дунё, дунё жайрона,
Ташлаб кетгим келмайди.
Билса бўлар ҳайрона,
Севишими билмайди.

САДОҚАТ

Бу йўнинг эшиги сабрдан,
Бу ўйдан армонлар анқииди.
Дераза йўлларга термулган
Согинчнинг қабоғи салқииди.

Деворга осилган патир нон
Вужуди тош қотган тоза руҳ.
Ранглари оқарган тўрт девор
Бемажол жовдираб тортар уҳ.

Бу йўнинг гуллари заъфарон,
Ҳар тонгда кўз ёши тўқади.
Гоҳ мудраб қолишиша бардошлар
Хотира чокини сўқади.

Чувалаб кетади хотира,
Сабрдан садоқат ясайди.
Бу уйда тенги йўқ бир хилқат —
Қанотсиз фаришта яшайди.

Мехринисо АБДУРАҲМОНОВА

Муаллиф ҳақида: Зомин туманида туғилган. Шеърлари республика матбуотида эълон қилинган. «Эшик олди гулхайри» китоби муаллифи. Республика ижодкор ўқитувчилари IV семинар кенгаши ғолиби.

КОМРОН МИРЗО ФАЗАЛИГА МУХАММАС

Бугун тунни ўтказиб, бедор йиғлай,
Нигоримни зулмидан ошкор йиғлай,
Оҳлар чекиб маст-у телбavor йиғлай,
Кел эй қонли ашким-ки, бир зор йиғлай.
Килаи васлини ёд-у, бисёр йиғлай.

Субҳидам оstonага бош қўйиб, орий
Кўнгулда бор дардни айласам, ошкорий,
Нигоримга етарми оҳи наҳорий,
Чекиб нола андоқки абри баҳорий,
Фигонлар қилиб ҳолима зор йиғлай.

Парвона сифат ўзни мен ўтга урсам,
Жамолининг васфин ой-ю, юлдуздан сўрсам.
Лайло эрсанг-у, мен фақир Мажнун эрсам,
Чаманда қаён сарви нозеки кўрсам,
Согиниб ўшал қадду рафтор йиғлай.

Туну кун айлаб аффон, чора тополмай,
Ёнди-ку ҳижронда жон, ичра тополмай
Зухро бўлубтур ҳайрон, чора тополмай,
Қатиқ дардима Комрон, чора тополмай,
Бўлуб чорасиз энди ночор йиғлай.

НЕ УЧУН

Не учун келдинг жаҳонга,
Дилда имон бўлмаса.
Тилда бир эзгу калом-у,
Қўлда имкон бўлмаса.

Ёлғон эрур бу дунёда
Инсонман деб юрганинг.
Юракни ишқ-у муҳаббат
Оташи ёндирамаса.

Кимгадир баҳт этган бойлик,
Кимга-чи хусну чирой
Барчаси бекор, агарким,
Бахтинг бир бор кулмаса.

Зухро, шоирликни даъво
Килганинг айни хатодир.
Шеъринг юракларга камон
Ўқидек санчилмаса.

Зухра МАМАДАЛИЕВА

Муаллиф ҳақида: 1977 йилда Жиззах шаҳрида туғилган. Жиззах Давлат педагогика институтида таҳсил олган. Шеърлари Республика матбуотида эълон қилинган.

Исақ Исмоилов

ДАШТААГИ ҲИШЛОҚ

Ҳикоялар

ДАРДИСАР

Чинор хола тонг саҳарда оғилхонага кириб қараса сигири туғиб боласини ялаётган экан. Бироқ хола ҳайратдан ёқа ушлади. Не кўз билан кўрсинги, бузоқнинг иккита калласи бор. Бу хабарни кўшилирига етказиб уларни олдига солиб келгунча қўёш ҳам чиқди.

Келганлар бузоқни ҳовлига олиб чиқиб обдон томоша қила бошлашди. Ўзиям томоша қилишга арзигуллик махлук: бир калласи оппоқ, иккинчиси сариқ. Росмана каллалар. Ҳар бирининг ўзига яраша бўйиниям бор. Бўйинлар бирлашган жой сал йўғонроқ, аммо одатдагидай, биз кўриб-билиб юрган бузоқларни дай оддийгина. Ранги ола-була.

— Аслида эгизак бўлган-ов, — деди кимдир. — Нотўғри ривожланиб, икки гавда бирлашиб шунақа бўлиб қолган.

— Олимларни чақиритиш керак, — деган хуло-сага келишди қўшилар.

— Нега? — ҳайрон бўлиб сўради Чинор хола.

— Нега бўларди, текширишади улар, парвариш қилишади.

— Йўғ-э, — деди хола. — Шунгаям энди етганимда... Энаси ўзи икки йилдан бери бола ташлаб кўяётувди, бузоқ ололмасам, сут-қатиқ йўқ...

— Кўрқманг, пул тўлашади. Барибир сиз буни мол қиломайсиз, қаранг, бечоранинг гавдаси иккита каллани тутиб туришга қийналаяпти чоги, ҳалим ям ўрнидан кўзғалгиси келмаяпти. Ўлиб қолса нима қиласиз?

Аммо шу ўлимдан гап очилган пайти гўё буни бузоқ тушунгандек у ёқ бу ёққа бир-икки уриниб интилди-ю, сакраб ўрнидан турди. Гандираклаб юра бошлади. Ўтирганлар қувонгандаридан чапак чалиб юборишиди.

— Бир гап бўлар, ўзим боқиб оларман молимни, — деди Чинор хола бузоқнинг каллаларини бирин-кетин силай туриб. — Яратганинг кўзи ўнг бўлсин ишқилиб. Садағангиз кетай ҳамсоялар, олим чақиритириб юрманглар тагин, майлими?

Холанинг шу гапи билан гувоҳлар ўзаро масла-ҳатлашиб олимларни безовта қилмасликка келишишиди.

Ҳар куни Чинор хола ўзининг “зотли” сигирини

подага қўшиб келади. Кейин бузоқни суйиб-суйиб ҳовлига-ҳаводор, кўздан панароқ жойга бойлаб қўяди. Ниҳоятда антиқа бузоқча. Ҳар бир бўйнига алоҳида алоҳида кўзмунчоқлар тақиб кўйилган. Арқонча ҳам аввалига қозиқдан битта бўлиб келади-да, сўнг иккига ажралади, учлари бузоқнинг бўйинларига бориб бойланган. Каллалар бир-бирига бирам меҳрибон, аҳил-тотув. Бири эгилиб жўрасининг томогини яласа, буниси унисининг пешонасини ялаб туради. Униси чап елкасига кўнган итчивинни ҳайдаса, буниси ўнг елкасидагисини ҳайдайди. Энасини соғинишиганидаям навбат-навбати билан бўкиришади. Агар уйқу элитса, бири ухлайди, униси чивинларни ҳайдаб туради, кейин униси ухлайди, буниси уйғониб кўриқчиликка ўтади.

Кечкурун пода қайтади. Чинор хола сигирини бойлаб қўйиб боласини арқондан бўшатиб юборади. Иккала калла энаси томон пойга қўйишади. Иккови учун ҳам гавда ва оёқлар умумийлиги сабабли ҳар сафар бир пайтда етиб қолишади. Елинга ташланишади. Боласи эма бошлаганда сигир жуда нокулав аҳволда қолади. Нукул қайрилиб бутининг орасига қарайверади. Кўпинча ҳайрон бўлиб ўйланниб қолади. Ўйланмай-чи, ёнига битта бузоқ югуриб келса-ю, елинни иккита бўлиб эма кетишса ҳар қандай сигир ҳам ҳайрон бўлади-да. Йўқ, эгаси сут соғишга ўтирганда ёнида бойланган бузоқчани кўриб барисига тушуниб олади. Кўнгли тинчиди. Кўзларини сузид боласини ялаб-юлқашга тушади.

Кунлар ўтди. Чинор хола бузогига нон ейишни ўргатди. Иккала каллям бу хунарни эгасини кўп қийнамай, дарров, бирдек уқиб олишиди. Бора-бора ўт ейишгаям ўтишиди. Ҳаммаси рисоладагидек кетаётуди, лекин охирида бари бирам бир чатоқлик чиқиб қолди-да. Бузоқ сут эмайтган пайтда каллалар ўзаро елинни талашиб қоладиган одат чиқаришиди. Сабаби уларнинг анча улғайиб қолишгани эди, албатта. Бири сут эмайтган пайти иккинчиси эммай қараб туришга тўғри келарди. Тумшуғини чўзгани билан елинга етмасди, чунки иккинчи калла халақит қилиб буниси тор жойда тиқилиб қоларди. Айланниб ўтиб нариги томонидан эмай деса бунинг ҳеч иложи йўқ. Негадир ораларидағи тотувлик ҳам барҳам топди. Бири иккинчисига навбатни берай демасди.

Дастлабки пайтларда Чинор холанинг аралашуви билан иш битиб юрди-ю, кейинчалик... Бузоқ яна бироз улғайгач каллалар холага куч бермай қўйишиди. Шундан кейин эгасиям уларни ўз ҳолига ташлаб қўйди.

Бир каллани эмётганда бошқаси уни ўқрайиб кузатиб туради. Тамшаниб, сабр-тоқати тугагандан сўнг ёнга тисланади-да жўрасининг тумшуғи томон калла қўяди. Зарбадан иккинчи калланинг боши айланиб кўзларидан ўт чиқиб кетади, тумшуғини елиндан юлиб олади. Униси эма бошлайди, кейин бор кучини тўплаб бу каллям маҳоратини кўрсатади.

Бундан сигир ташвиш чекиб ўта тушкунликка тушиб кетди. Ҳаммасиям майли-я, энг ёмони, бузоқнинг каллалари бир-бирини сузишда адашиб мўлжални нотўғри олган пайтлари зарба сигирнинг қорнига, орқа сонига келиб тушарди. Бошқа қаерга-ям тушсин. Чидаб юрди-юрди, охири иродаси синди. Боласини эмизишдан бутунлай воз кечди. Яқинлашса қарсллатиб тепар эди.

Чинор хола жуда хафа бўлди. Куну-тун сигирни, бузоқни, унинг каллаларини қарғаб юарди.

Бузоқ очофатлиги орқасидан сутдан барвақт жудо бўлди. Чинор холага кўп ташвишлар келди. Нимжон, чирик бўлиб ўсмаслиги учун энди бузогига алоҳида тарбия, кунт талаб этиларди.

На чора, хола бунисигаям кўнди. Лойдан чиройли охур ясади. Охурга уйда мавжуд емишнинг энг сарасини соларди, пақирда илиқ сув, тоғорада кўмач ё пўчоқ, кунжара ё ивтилган бўлканон ҳамиша муҳайё эди.

Афсус, каллалар ёмон ёвлашган экан, шундай мўл-кўлчиликка қаноат қилишмасди. Бир-бири билан сира келишолмас, овқат талашиб сузишгани-сузишган эди. Шу сабаб бузоқ жуда секин ўсар, озиб-тўзиб борарди. Оддинига пайт пойлаб, бир-бирининг кўзини шамғалат қилиб оз-оздан еб-ичиб туришиди, кейинчалик эса буям йўқ бўлди. Шоҳлашиш, бир-бирига панд бериш бобида шунақаям тажрибалари ошиб кетдики, энди бирортаси бундоқ бузоқга ўхшаб оғзини тўлдириб овқат ямлаёлмасди. Оқибатда гавда бутунлай ўсишдан тўхтади. Эти устихонига ёпишиб нимжон бўлиб қолди. Ичига умуман оҳор

кирмай қўйди.

Барча қилган амаллари беҳуда кетган Чинор хола яна қўшниларини чақириб келишга мажбур бўлди. Ҳамсоялар йиғилаб келишгач хола бузоқни кўрсатиб бўлган воқеаларни айтиб берди. “Нима қилас, маслаҳат беринглар”, деди. Қўшнилардан бири ҳовли ўртасида қалтираб, аранг оёғида турган қоқсуюқ маҳлукқа ҳайрат ичра тикилганча:

— Бошида мен шуни томдек бир мол бўлиб етишар деб ўйлагандим, — деди. — Икки оғизлаб овқатни тушураверганидан кейин семириб, гўштга тиқилиб кетса керак деб тусмол қилибман.

— Каллалари ишлайдими ўзи бунинг? — гапни илиб кетди бошқа қўшни. — Нега талашишади ахир? Ўзи оз-оздан еса тўяди-қўяди. Иккаловига битта қорин бўлса...

Яна бошқа бир киши:

— Кўйинглар, эндиниси бефойда, — деди. Сўнг Чинор холага гап қотди: — Ўшанда айтдик. Олимларга сотиб юборинг дедик. Қўнмадингиз.

— Мен қайдан билибман, — йигламсиради Чинор хола. — Бўлмаса ҳалиям бериб юборақолинглар ўшаларга. Текинга олсаям розиман, уволига қолгунча бу ер юткурнинг.

— Энди улар бошига уришармиди бу арвоҳни, — деди кимдир.

— Унда қассобга сўйдириб юборақолайлик?

— Сўйдирганда шундан барака топармиди биров. Суяқ қайнатиб ичганга одамнинг ичи чиқмаса... Аввалоси қассоб ҳам кўнмас. Умрида ҳеч қачон икки бошли мол сўймаган у.

Ҳамсоялар алламаҳалгача ўзаро маслаҳатлашиб ўтиришиди. Сўнгра бир тўхтамга келолмай тарқалишиди.

Чинор хола эртаси куни оғилхонага кириб қараса бузоқ қўзилиб ётган экан. Оёқлари ҳар томонга узалган. Мана-мана ўлмоқчи. Оқ калласи сариқ калласига қараб ўқрайганча: “Сен биринчи ўласан”, деяётганга ўхшайди, сариқ калла ҳам ўз навбатида ҳеч паст келмай оқ каллага қарат: “Йўқ, сен биринчи ўласан”, деяётганга ўхшайди. Ҳайтовур, Чинор холага шундай туюлди. Ҳарқалай бу борада Чинор хола бошқача ўйларди, албатта. У ҳар икки каллям бир пайтда ўлса керак, деган фикрда эди.

ИМОРАТ

Тунда ёмғир тиниб булутлар яна олга ўтиб кетди. Қаторасига икки кун кўринмagan қўёш ҳайрият, бугун чиқди. Ана, осмонга осилиб турибди, ёмғирнинг қилиб кетган ишларидан хабари йўқ, тоғларни, қишлоқни чиройли қилдим, деб ўзича мамнун.

Кеча айниқса қаттиқ ёғди. Сойдан сел кетди. Сел дегани жуда даҳшатли нарса бўлар экан-да. Бўлмасам у Йўлдош полвоннинг сой бўйидаги оғир-оғир ёғочларини худди арзимас чўпдек оқизиб икки-уч чақримча наридаги Қамбар аканинг қулғагига тикиб ташлармиди. Эътиборга молик талофатлардан яна бири Эргашнинг ҳовлисида кечди. Янги иморат қурилиши учун тўрт ойдан бери не азоблар билан қўйилиб келинаётган тўрт мингдан ортиқ фиштнинг ярмидан кўпроғи ёмғирдан

сўнг ўзининг фишт шаклини йўқотиб гувалак қиёфасини олди. Гувалакнинг ҳам шундай турики, уни ердан кўпориб олган одам икки-уч мўрт кесакка эга бўлади, холос. Эргашнинг хотинига айтган фикрича бундай хом ашёнинг икки мингидан ихчамроқ бир товуқхона куриб олса бўлар эмиш.

Қолган фиштлар эса яхшилаб қуритилгани, тахлангани ва усти ёпилганилиги учун омон қолди.

Ёмғир ёққан кунлари Эргаш уйда йўқ эди-да. Олиш шаҳардаги тутинган укасинига қидириб кетганди. Умуман уйда ҳеч ким йўқ эди. Эргаш хотини, бола-чақасиниам ўша ёққа эргаштириб кетганди. Йўқса иложи топиларди балки. Кечкурун қайтиб келишса шу ахвол. Ташқарида фишт ивиган, уйдан чакки томаяпти. Ташқари-

да ёмғир, уйда ёмғир. У ерга пақир, бу ерга тогора қўйиб тонг оттириши.

— Суриб-суриб тиромога опкелувдингиз, ана энди тамом қутулдингиз, — деди хотини эрталаб, — кўрасиз, бу йил қишида том қулайди.

— Қўй-э, — деди Эргаш сесканиб, — нафасингни иссиқ қылсангт-чи. Тўхтаб тур, ҳали худонинг ўзи бир йўл кўрсатиб қолар.

Кейин у бекорчи гап-сўз болалаб хотини билан уришиб қолмаслик учун:

— Хўш, мен томди тепалайин энди, — деб “қочиб” қолди.

Томга чиқиб бир чеккадан ҳали ҳалаз тортмаган лой қатламини тепалаб зичлай бошлади. Бир маҳал оёғи бир жойга чукурроқ ботгандек, сўнг алланарса қирсиллагандек бўлди (фалокат ёлғиз келмайди-ку, ахир). Пастга тушиб уйга киргач, ўша жойни тусмоллаб аста қараса бўлардан кўндалангига дарз кетиб ёрилибди. Девор ҳам салпал олдинга оғандек, сал-пал энгашгандек.

— Хў-ўш, бўлмасам, бир иш бошласам, — деди у бақрайиб қолган хотинига қараб иложи борича ўзини хотиржам тутишга тириширкан. — Бориб би-ир Мухторга маслаҳат солсам. Таваккал деб иморатни бошлаб юборсан.

— Фишт етмайди-ку!

— Борича кўтараверайлар ҳамоиҳа, бир ёқдан гиштимиям қуяверамиз. Мухтор ёрдам беради. Ҳалиям кечмас. Қишигача эҳ-хе...

Эргаш сойнинг нариги бетида турадиган қиёматлик жўрасиникига йўл олди. Ташвиш ичра йўл-йўлакай ўй суриб бораракан, ўзи даставвал бир хатоликка йўл очмаганида бу фалокатларни четлаб ўтиши мумкинлигини тушуниб етди. У ҳам бўлса уй ичиси билан шаҳарга қидириб кетаётганини бир оғиз Мухторга айтиб қўймагани. Жин урсин. Эҳтимол у бирон чорасини топарди.

Ховлида Мухторнинг кичик ўғли пишиллаганча ўтмас болта билан қуриган шох-шаббаларни майдалаш билан овора эди.

— Ҳорма, улим! — деди Эргаш яқинлашиб. — Ўтин қилаляпсанми?

— Аҳа, — Борот келиб кўришди.

— Балли улим, отанг уйдами?

— Уйда, юринг, отам ётибди.

— Қарибди-да, — деди Эргаш даҳлизга кириб бораракан. — Уйғотсак уришмайдими?

— Уйғоқ, касал-да.

— Касал?! (Фалокат ёлғиз келмайди-да).

Эргаш эшиги очиқ уйга кириб ҳақиқатан кўрпа-ёс蒂қ қилиб ётган Мухторни кўрди. Бошини оқ белбоғ билан танғиб олибди. Хотини пекканинг у ёқ-бу ёғини қоқишириб ўт ёқишига чоғланаяпти. Уй ичи чанг.

— Ассалому алайкум.

— Ваалай... келинг, — деди Мухтор ўрнидан қўзғалди.

— И-и, ётаверинг, қўзғалманг майли, манг қўлни.

Ҳа, не бўлди ўзи? — Эргаш кўришиб кўрпачага чўккалади.

— Иҳ, билмайман, — деди Мухтор жойидан азоб билан туриб ўтириб. — Ёмон олди. Бош-кўзим, оёғимам оғриб қолди. Кўнглим ағдарилади. Зардоб қусаман.

— Ў-ў, шамоллагансиз-да, кечаги ёмғирди совуғи об-ҳавони бирдан айнитиб...

— Билмай қолдим ишқилиб. Аввалги тунда ғалати-ғалати тушлар кўрдим. Эртаси турай десам гир-гир бoshим айланади. Ҳозирал...

— Э, ётаверинг, ётинг!

— Қўяверинг. Ҳеч мундай оғримасдим. Кунам совуқ-

дай. Хотинга ўт ёқ, дедим.

— Ёқсин-ёқсин. Оқ ош ичинг. Иссиқ-иссиқ чой ичинг. Адрасмон тутатишсин. Мабодо дўхтир чақирсагам, дориям берар.

— Қалай, их, ўзингиз яхши қидириб келдингизми?

— Ҳа, яхши, ие, эшитувдингизми?

Тўлқиной дастурхон ёзиб чой келтириди.

Мухтор тўшакка ўнгланиб чалқанча ётишга тараффудланди. Сўнг баланд терилган ёстиққа бошини қўйиб кўзларини юмди. Чуқур тин олди. Ихраши ҳам пасайгандек эди.

— Сизни кўриб, гап бериб, гап олиб пича енгилашдим, — деди у.

— Шундай денг, хайрият, — Эргаш чойни қайтарди.

— Икки оқшом ҳовлингизда чироқ ёнмади, шундан билдим қидирганингизни, — деди Мухтор. — Ҳў бирда ўзингиз ҳам айтувдингиз.

— Узр энди жўра, сизгаям юринг демай... Чойдан ичинг.

— Э, қўйинг бу гапни, худо кўнглингизга солгандир, ўша ёқда оғриб қолсан не бўларди.

— Ҳай энди... Бордик. Ука кўп салом айтди. Давлатнинг уйида турар экан. Рўпарасида магазин, унинг орқасида бир катта ҳовуз, мошин кўп, гиж-гиж одам...

Эргаш борган-кўрган жойларининг обдон таърифи-ни келтиргач тутишга чоғланди. Лекин Мухтор қатъий:

— Ўтиринг ҳани пича, — деди. — Менинг аҳволими кўриб гапингизни айтмай кетмоқчисиз чоғи. Сезиб ўтирибман.

— Йўғ-э, шундай кўргани келувдим.

— Қўйинг, тобим, қочганини билмасдингиз. Айтаверинг гапингизни, — у ҳамон чалқанча ётар, кўзларини-ям очмасди.

Печкада чирсиллаб ўт ёна бошлади. Хонани сийрак тутун босди. Таппининг ҳиди чиқди. Эргаш ликопчадан бир шингил қора узум олиб ўйланиб қолди. Битта-битта ея бошлади... Сўнг:

— Сел кетгани ёмон бўлибди, — деди. — Полвоннинг ёғочларини Қамбарнинг қулғагига опкеб айқаш-уйқаш қип тиқиб ташлабди. Боя келаётсам полвон сойди ёқасида ўйланиб ўтириби.

— Эргаш! — деди Мухтор савол оҳангиди. — Ҳў-у бирда ҳисоблаб кўрганимизда иморатингизга ёғоч етишмасмиди? Тўрттамиди?

— Ҳая.

— Пул бўлса пулга, бўлмаса насиягами, полвонди ёғочларидан олсак. Икки-уч киши бўлиб сойдан опчи-қиб қўйиларди, яқин. Полвонгаям қулай, уйига ташиб юрмайди. Кўнади.

— Маъқул, — деди Эргаш шартта, — эса тезроқ бе-риб полвонга айтай, ташиб кетиб қолмасин.

— Шайтинг.

Эргаш дастурхонга омин қилиб, жўрасига сиҳат ти-лаб чиқиб кетди.

Мухтор ичидаги гуриллаб ўт ёнаётган пеккага узоқ ти-килиб қолди. Иссиқдан тани яйради. Уйга Тўлқиной кирган эди, унга:

— Айтольмади, — деди.

— Ҳая, сизди бу ётишингизни кўриб...

— Бемалолхўжа-да. Бўлмаса неччи марта айтдим. Фиштимайди, дейди. Турғизаверайлар, ҳисоби чиқар у ёғига, дедим. Йўқ, ёзди ўтказдига-а, хуллас. Билсам-билмасам кечаги ёмғирда гиштлари расво бўлган, бариси ёйилиб ётвуди. Ана энди оёғи кўйган товуққа ўхшаб... Эндиниси не бўларди.

— Ростданам иморатни турғизайлик деб келган дей-

сизми? — деб сўради Тўлқиной.

— Шунга келган. Бир ҳисобга ҳалиям кечмаску-я, лекин дард... Бир-икки кунда туриб кетармиканман, ё? Фиштлари тамом ивимаган бўлса-ку...

Мухтор кечаси кўп алаҳсиради. Жўрасининг иморатиниям тилга олди. Исимаси кўтарилиди. Тонгта яқин батамом уйкуси қочди. Инқиллади, ҳатто оҳ-воҳ қилди. Тўлқиной анча кўркди. Унга биргина нарса тасалли берарди, холос. Уям бўлса ўзи ичи тор, оз-моз ваҳимачи, меҳнаткаш, кўнгилчан эрининг дардга юқалиги.

Тонг отгач, исимаси тушиб тинчланди. Кун илиқ бўлса-да эгнига пўстинини илиб ташқарига чиқди. Тол шоҳида мусича кукуларди. Эл уйғонган, ҳали күёш юз кўрсатганий ўйқ. Мухтор қишлоқнинг нариги бетига юзланди. Боши айланганидан жўрасининг олисадаги уйи ҳар томонга лишиллаб қочиб ҳадеганда унинг нигоҳига тутқич беравермади. Бир маҳал тутқич берди. Жўраси ҳовлида фимирилаб юргандек туюлди, сўнг ҳовли дарров яна қочди.

Қайтиб кириб жойига чўзилгач, ўғлини чақириди. “Эргаш бовонгникига бор, — деди. — Қара, нима қилаяпти, лой қилаётган бўлса қарашиб. Мен боролмайман. Аҳволини кўриб кел қани, менга айтасан”.

Борот ликонглаб кетиб, кўп ўтмай қайтиб келди.

— Ҳа?! — деди Мухтор.

— Лой қипти. Фишт термоқчи.

— Сен нега келдинг?

— Кетавер деди.

— Нега?

— Отанг бекор юборибди, майиб бўласан, деди.

— Кимлар бор ўзи?

— Эргаш бово, Акбар, Сидик...

— Акбар, Сидик майиб бўлмайдимикан?

— Билмасам, Бешболадан жиянлар келди, ўшалар қарашишади, сен кетавер, деди.

— Фиштлари бутунми, кўрдингми?

— Бутун.

Мухтор индамай ёстиқ тўғрилади. Девор томонга ўтирилиб ётиб эснади.

Бу дард деганининг дуч келган одамга — сен оила бошлиғисанми, сен чақалоқсанми, сен сўққабошсанми, стимсанми, есирсанми-суриншириб ўтирасдан канадай ёпишиб олгани ёмон-да. Ҳамма нарсани унутиб кўпроқ танангнинг фамини еб қоласан. Жонинг кўзингнинг олдиди туради. Каллангта нуқул файласуфона ўйлар, фикрлар келаверади. Кундалик майда ташвишларни, икирчикирларни илгари, тананг соғлиғида қандай қилиб кўнглингга сифидириб юрганинга ҳайрон бўласан. Бироқ барибири атрофингда юрган соғлом одамларга қараб ҳавасинг ортади. Тезроқ тузалгинг келиб қолади. Мухтор ҳам тўрт кун ўтса-да ўнгланмаётганидан ташвиш чекиб охири дўхтири чақиришига рози бўлди. Дўхтири келиб уни укол қилди... Еб ётинг деб ёстигининг ёнига ялтироқ қофозларга ёпиширилган ранг-баранг дорилардан бир дастасини ташлаб чиқиб кетди. Тушга яқин Мухтор анча дорини қофозларидан сиқиб олди-да бир ҳовуч қилиб еб юборди. Хотини: “Нима қиласяпсиз, битта-иккитадан емайсизми, овқатмиди”, — деган эди, Мухтор: “Жим-э, битта-иккитаси не бўларди бунинг”, — деди. Қолган бир ҳовучини кечқурон еб тутгади.

Эрталаб анча енгил тортиб ўрнидан турди. Ташқарида юриб жўрасининг ҳовлисига бирров кўз югуртирган эди, ҳайрон қолди. Иморат девори одам бўйи кўтарилиб қолибди. Турди-турди, сўнг Тўлқинойни чақириди.

— Қара! — деди Эргашнинг ҳовлиси томон имо қилиб.

— Фиштлари соғ қолган экан-ов, бир бало қилиб тикляяпти.

— Жиянлари бор экан ишқилиб, кун очилиб турса битиб қолар, — деди Тўлқиной.

— Битиб қолармиш?! Ўҳ жонидан, осон экан-да. Деворни қийшиқ уриб қўймасайди ҳали булар. Жоним бўлганида ўтардим. Хў-ўш, хотин! Битта ош қилиб ўзинг ўтиб келағой! Қўриб кел қони...

Тушга яқин Тўлқиной Эргашнинг уйига ош қилиб ўтди. Кечқурон қайтиди. “Ҳеч хавотир олмай тузалаверар экансиз, жўрангиз айтди, — деди у. — Девор тўғри чиқаётганимиш. Жиянлари ҳам тетик, қорувли йигитлар экан, бир ёғи фишт ҳам қуяётишганмиш. Керак бўлганда ўзим ўтаман, — деди”.

Орадан икки кун ўтгач Мухтор ҳовлидан туриб жўрасининг иморати батамом тикланганини кўрди. Дили ёришиб хушчақчақ бўлиб қолди. Кечқурон уйдагиларга гап бериб ўтириди. Дарди ҳам аригандек эди. Эргаш тўғрисида Тўлқинойга:

— Бўлар экан-ку, — деди. — Кўрдинг, зўр келса.. Ҳафтада битирди-кўйди. Кўз қўрқоқ, қўл ботир дейишиди. Қилса ўзига-да. Ҳузурини кўрап. Туриб кетсан бир ўтиб...

Бироқ яна уч-тўрт кун уйдан чиқмай тўшакда ётишга тўғри келди. Дард ўз оти билан дард-да. Бу вақт ичиди у жўрасининг олисадаги иморати сувоқдан чиқарилганини, эшик-деразалар ўрнатилганини, ҳатто деворнинг томи ҳам оқланганини кўрди. Танига дармон олиб тўшакдан турган куниёқ хотинига:

— Дастанхон қил, Эргашнига ўтамиз, — деди. — Тоза уят бўлди. Кўчиб кириб ҳам оғандир аввалоси...

Мухторнинг хотини билан дастанхон қилиб “уй куллуқ бўлсин”га Эргашнига ўтганини кўрганлар ҳам анчагина. Ўшалар ва умуман қишлоқ аҳли ҳозир буни антиқа бир табассум билан эслайдилар.

Шу жойда ҳикоя ҳам тугайди.

Айтганча, бу жўнгина воқеа не учун одамлар ёдида қолиб кетгани бировларни ажаблантириши мумкин, албатта. Гап шундаки Мухтор бориб кўрса унинг наздида жўраси бир-икки кунда кўчиб кириши керак бўлган иморат биргина олдинги девордан иборат эмиш. Қолган деворлар эса Эргашнинг фикрича, дунё тинч турса қишигача аста-секин... Қолаверса, Бешболадан келган қорувли, ишбилармон жиянлар ҳам аслида келмаган бўлиб қиқди.

Қишлоқда айримлар Эргашнинг бу қилигини кўриб: “Ўзи афандироқ одам-да, хў-ў бирда ҳали пишмаган йўнгичкасини ўрайтганининг маънисини сўраганимизда, одамлар бир кунда ўрган пичанни мен икки кунда ўраман деганди”, дейишиди. Айримлар эса буни айрича доноликка ўйишиди. “Бемор ётган жўрасининг тинчини кўзлаган”, деган хулоса чиқаришиди. Яна бошқа тоифадагилар эса: “Бу гирт беманилик” деб айтишиди.

Энди, янаям ким билади...

Исоқ Исмоилов 1960 йил Фаллаорол туманидаги Ўгат қишлоғида туғилган. Ҳарбий хизмат-дан сўнг Тошкент Гидрометеорология техникумидаги ўқиди. Ҳозир Кўйтош-Ўгат конида ишчи бўлиб ишламоқда. Ҳикоялари “Ёшлиқ” журналининг бир неча сонларида чоп этилган.



ДЕМОКРАТИЯ ВА ТЕРРОРИЗМ

2001 йилнинг 11 сентябрининг Нью-Йорк ва Вашингтон шаҳарларида содир этилган террорчилик ҳаракатлари бутун тинчликсевар инсониятни қаттиқларзага солиб, афкор-омманинг қаҳр-ғазабини кўзгади. Натижада аксарият давлатлар терроризмга қарши биргаликда курашга отланди. Шу боис терроризмга алоқадор сабабларни илмий тадқиқ этиш эҳтиёжи табиий равишда туғилаёт.

Маълумки, ҳозирги жаҳон сиёсатининг характерловчи хусусиятларидан бири, бу демократик жараёнларнинг кучайиши билан террорчилик ҳаракатларининг оммавийлашиб бораётганилигидар. Акс ҳолда жаҳоннинг энг ривожланган, демократиянинг тимсолига айланган АҚШда бундай ҳаракат содир этилмаган бўлар эди. Бундан демократия ва терроризм бир-бирини тақозо этувчи ижтимоий ҳодисалар эканда, деган нотўғри тасаввур келиб чиқмаслиги лозим. Аммо бу демократия ва терроризм ўртасида ѡч қандай алоқа, муносабат йўқ дегани ҳам эмас. Хўш, бундай бир-бирини моҳиятан инкор этувчи ҳодисаларнинг ёнма-ён мавжуд бўлишининг асосий сабаблари нимада?

Бизнинг фикримизча, улар қўйидагича:

Биринчидан, террорчилик ҳаракатлари олиб бораётган кучларнинг бирлашиши. Ҳозирги пайтда дунёда 500 дан ортиқ террорчилик ташкилотлари мавжуд. Улар 60 та давлат ҳудудида 84 та давлат ва уларнинг фуқароларига қарши террорчилик ҳаракатларини олиб боришмоқда. Аммо ҳалқаро ҳамжамият террорчилик ташкилотларининг жаҳон хавфсизлигига, демократия, инсон ҳукуқларига таҳдид эканлигини эътироф этган ҳолда унга нисбатан муносаб қаршилик кўрсата олмадилар. Ислом Каримовнинг Бирлашган Миллалар Ташкилотини ислоҳ қилиш, Европада Хавфсизлик ва Ҳамкорлик Ташкилотининг 1999 йил саммитида БМТ шафेълигига ҳалқаро терроризмга қарши кураш марказини тузиш тўғрисидаги чақириқларига етарли даражада эътибор қаратилмади. Агар ўз пайтида терроризмга қарши кураш ҳалқаро ҳарбий марази ташкил этилиб, ҳалқаро ҳамжамият бирлашиб терроризмга қарши ҳарбий, сиёсий, дипломатик, молиявий, иқтисодий ва ҳар қандай ҳалқаро ҳуқуқ доирасидаги чора-тадбирларни ишга согланида балки 11 сентябрдаги АҚШ фожиаси содир этилмаган бўлар эди.

Иккинчидан, айрим дунё мамлакатларидаги сиёсий бекарорлик сақланиб қолганлиги, террорчилик ҳаракатлари ортида турган маълум бир сиёсий манфаатларни кўзлаган шахсларнинг жиной жавобгарликдан холи қолганлигидар. Яқин Шарқда — Фаластин-Исройл зиддия-

ти, Афғонистон, Чеченистон каби мамлакатларда сиёсий бекарорлик ҳукм суроётгани ҳамда “жаҳоннинг биринчи рақамли террорчиси” номи билан машҳур шахс Усома бин Ладен ва унинг “Ал-Қоида” ташкилоти аъзоларининг озодликда бемалол фаразли мақсадларни амалга ошираётгани фикримизнинг яққол далилидир.

Ҳозирги кунда ушбу ҳодиса ўзининг ечимини кутаётган жаҳоннинг долзарб муаммолардан биридир.

Учинчидан, террорчилик ҳаракатлари кўллаб-кувватлаётган молиявий манбалар ҳамда улардан манфаатдор бўлган сиёсий кучларнинг мавжудлигидир.

Ушбу ҳодисанинг географияси Фарбдан — Шарққа, Шимолдан-Жанубгача, Шимолий Европадан — Жанубий Африкагача, Америка қўтъясидан — Тинч океан-Осиё минтақасигача тарқалган.

АҚШ Президенти Ж.Буш террорчилдик гуруҳларига тегишли АҚШдаги 30 та, Европадаги 20 та ҳисоб рақами ёпилганилиги ва бу жараён давом этишини таъкидлаши бежиз эмасдир.

Тўртинчидан, жаҳондаги “мафкуравий кураш”, “манфаатлар тўқнашуви”нинг янги шаклларда, бошқача, ноанъанавий усуллар билан олиб борилаётганилиги ва маълум давлатлар манфаатларининг умумбашарий манфаатлардан устун кўйилаётганилигидир.

Ушбу ҳодисанинг амалий ифодасини “жамиятни мафкурасизлаштириш” ҳақидаги тарғибот ва ташвиқотдан, сиёсатни динийлаштириш, Ислом Республикаси бошқарув шаклини идеаллаштириш, ядро қуроли — хавфсизликнинг кафолатидир каби қарашларда кўриш мумкин.

Юқоридаги фикрлардан қўйидагича хулосаларни келтириб чиқариш мумкин:

— Терроризм демократия кушандасидир. Терроризмга қарши кураш демократия учун кураш демакдир. Ўзбекистон Президенти И.Каримов тўғри таъкидлаганидек “Терроризм — аср вабосидир. Унга қарши барча кишилар курашиши лозим”. Шундай экан, терроризм, у қаерда илдиз отиши ёки содир этилишидан қатъий назар, жаҳон тинчликсевар ҳалқларининг қаршилигига дуч келиши лозим.

— Терроризм ҳалқаро муаммо сифатида чукур илмий-тадқиқот предметига айланиши ва ўзининг илмий ечимига эга бўлиши керак.

— Терроризмни вужудга келтириши мумкин бўлган ижтимоий-сиёсий, мафкуравий сабаблар бартараф этилиши ҳамда гоясизлантирилиши даркор.

**Шавкатбек МАМАДАЛИЕВ,
фалсафа фанлари номзоди**

МУШОУРӢ ҶИ҆ДИ ҶАДВОӢ...



ЧОРЛОВ

Кўнгир сочларима кўнмасдан қиров,
Хаёлимдан сизни кувмасдан бирор,
Сизга бир илтиҳо, сиздан бир сўров,
Осмонимда ойдек тўлгани келинг.

Сиз кўнглим эркаси, ҳам тотли озор,
Борлиғимсиз менинг, дилимдаги зор,
Кузакларга кўнгил бермай бу баҳор
Фақат менинг, менинг бўлгали келинг...

Феруза ЗОКИРОВА

БИР КУЛГИН

Бир кулгин,
лаблари гунча, кул.
Дил парвоз айласин фалакка,
Қаршимда сен турсанг мисли гул,
Қайрилмам ўзга бир малакка.

Бир кулгин,
юзлари гулгуним,
Кулгиндан бошларим айлансан,
Саҳродай қақроқдир бу дилим,
Кул, унга бир гулзор жойлансан.

Бир кулгин,
кўзлари нарғизим,
Сочингни киприк-ла тарайин.
Порласин менинг ҳам юлдузим,
Мен унга суқланиб қарайин.

Бир кулгин,
лек, ҳануз қулмайсан,
Ўзимнинг бағримни тиглайман.
Сен мени билмайсан, билмайсан,
Мен сени кул дея, йиглайман.

Бир кулгин!..

*Абдухалил САТТОРОВ,
Жиззах тумани*

ЗУЛФИЯХОНИМГА

Ҳар тонг сабо сизни сўраб келади,
Мадҳингиз гулларга ўраб келади.
Гулларнинг ифорин туюб шеърларга,
Энг тоза саломлар йўллаб келади.




Мудом шеърларингиз ишқдан сўзлайди,
Вафони куйлади, ҳижрон бўзлайди.
Қалбининг куйдирган оташ муҳаббат,
Ҳамон суюклисин, ёрин излайди.

Вақт учқур отида, учади елдек,
Йўлида ҳеч кимга қўлмайди вафо.
Аммо сиздан бизга, фақат шеър эмас,
Абад, мерос қолди, садоқат-вафот.

*Санобар ҚОСИМОВА,
Дўстлик тумани*

ЮРТИМ

Тугилдим, вояга етдим бағрингда
Анҳор сувларидай кўпиреб, тошиб.



Ҳаётга қадамим кўйдим илк бора
Гоҳида қоқилиб, гоҳи адашиб.

Пурвиқор тоғларинг кўзим яшнатди
Айниқса, сочимни ўпгандা баҳор.
Бахмалдек боғларинг кўнглим яйратди
Энг баҳтли фарзанддай туйдим ифтихор.

*Азиза ИСРОИЛОВА,
Янгиобод*

ҲАМИД ОЛИМЖОН ХОТИРАСИГА

Мен чақмоққа айлансан бир зум,
Томчи бўлиб Ерга кирсан ҳам.
Ниҳол бўлиб қайтадан унгум,
Бўй чўзарман келажак томон.

Туйгуларим шўх бутоқлардай,
Лаҳза сайин тўлишиб борар.
Макр, алдоқ, кўрқинч — заҳарни,
Тан олмасдан шиддат-ла ўсар.

Шошиламан кўкка ва Ерга,
Дардин айтай томирларимнинг.
Ҳаёт берган мендек ниҳолга,
Онам дея ўпай гардларин.



*Абрам ЭШОНҚУЛОВ,
Зарбдор тумани.*

КЕТДИМ БУ ЕРДАН

Ҳижрон деган юкни ўртага ташлаб,
Сени деб куйган бу юракни фашлаб,
Сенга ёзган шеърим кўнглимга жойлаб,
Азиз дўст, мен кетдим, кетдим бу ердан.

Гарчи кўзларингда севги оташи,
Лекин юрагингда савол талоши,
Не қилас тутади сабру бардошим,
Азиз дўст, мен кетдим, кетдим бу ердан.

Биламан сен менга насиб этмассан,
Мен ҳам висолингга асло етмасман,
Энди бу жойларга қайтиб келмасман,
Азиз дўст, хайр энди, кетдим бу ердан.

Нетай йўлларингни кутмоқлик гуноҳ,
Кўзларингта тўйиб боқмоқлик гуноҳ,
Ишқимдан бўлмасдан бегона огоҳ,
Азиз дўст, мен кетдим, кетдим бу ердан.

Қизлар сенга қараб хушомад қилар,
Юрагимни азоб ханжари тилар,
Юзимни армоннинг ёшлари ювар,
Азиз дўст, мен кетдим буткул бу ердан.

Армонлар бағрига ўт кўйиб кетдим,
Ёлғон экан дунё, мен тўйиб кетдим,
Исминг дил кўзига мен ўйиб кетдим,
Азиз дўст, хайр энди, кетдим бу ердан.

Узокдан борлиғинг билиб турсам бас,
Менга бу ҳижронлар асло писандмас,



Маҳшаргача исмингни дилим тарк этмас
Хайр энди, азиз дўст, кетдим бу ердан.

Гулчехра УСМОНОВА

СИЗ КЕЛАРМИШСИЗ...

Бугун ташвишдаман, қалбимда титроқ,
Олислардан йўқлаб қолар эмишсиз.
Дилингиз қийноққа солдими фироқ,
Ногоҳ бизни йўқлаб йўлга тушибисиз.

Йўлингизга аввал чиқар шамоллар,
Софинчларим сўйлаб қаршилар Сизни.
Йўллардаги кушлар қўшиғим куйлар,
Севинчга тўлдириб зор қалбингизни.

Гуллар ҳам бош эгиб турар таъзимда,
Сизга тутар улар гулчисин меҳрин.
Сўнг ўзим чиқарман улар изидан
Ҳаяжон, соғинчлар дилда яширин.

Сиз келар эмишсиз, баҳтиёргигим,
Олқишиларим айтай бугун тақдирга.
Сиз келар эмишсиз, демак шодлигим,
Қувончларим келар Сиз билан бирга.

Бугун ташвишдаман, қалбимда титроқ...

**Шарофат АЛИҚУЛОВА,
Зарбдор тумани**



ШАРОФ РАШИДОВ ХОТИРАСИГА

Қарогим сойида мунг қотиб қолса,
Юрагим азобдан хун бўлиб толса,
Айтмоқ бўлган сўзим номардлар олса,
Шароф ота, сиздан мадад сўрадим.
Дардимни билмади хешу-акрабо,
Найимдан таралар бир ҳазин наво,
Сиз ёмон, ким яхши бўлди, ажабо?
Ота, руҳингиздан мадад сўрадим.

Дунё шундай экан, олчоқлари кўп,
Индамас, лек ҳақдан огоҳлари кўп,
Туҳмат тошин отар қочоқлари кўп,
Фақат ўзингиздан мадад сўрадим.

Ҳақиқат бор, абад сўнмагай күёш,
Халқим деганларга етмай синар тош.
Чаманларда бўлса Наргизлар талаш,
Доно сўзингиздан мадад сўрадим.

Номингиз тикланди, ёриши олам,
Энди дилимизга қўнмайди алам.
Руҳингиз ёр бўлсин Латофатга ҳам,
Шароф ота, Сиздан мадад сўрадим.

Латофат НЕЙМАТ

* * *

Ой балдоғин яширган тун ой бўлмадим осмонингга,
Мен қўнмадим сароблардан яралган минг гумонингга.
Кўлинг етмай қолар бўлди биттагина ёмонингга,
Сўнгра, жоним, борар ерим миттигина осмон бўлди,
Сенинг дарду фамларингдан яралган шу жон бўлди.

Юрагимнинг дарчасида ҳилпирайди ишқ рўмоли,
Биламан, мен, муҳаббатнинг келмагайдир ҳеч малоли.
Эсар бўлса тушларida хиёнатнинг оқ шамоли,
Мен ҳам унда биргалашиб олисларга кетар бўлдим,
Ишқнинг қийғос гулларидан ул ерларга экар бўлдим.

Кўй, куйинма, фамгин тилак, ўпармиз рашик гулларини,
Улар очди иккимизга озодликнинг йўлларини.
Сўнг сўраймиз биргалашиб садоқатнинг қўлларини,
Сен йиглама, бошинг узра юраккинам осмон бўлди,
Ёрнинг ҳажру фироқидан яралган шу жон бўлди.

Бир кун аста эшик очиб кирап бўлсан даргоҳига,
Тўклишишиб йиглагаймиз маҳзун чечак нигоҳига.
Айланармиз иккаламиз икки тақдир гуноҳига,
Мен ҳам унда ёр демайн, олисларга кетар бўлдим,
Ишқнинг қийғос гулларидан ул ерларга экар бўлдим.

Кетар бўлдим Ойбарчинлар орзулаган бир ерларга,
Ёр билмас бошим уриб йиглай яна қаерларга?
Сўнг айланниб қолай мен ҳам садоқатдай зўр шеърларга,
Шундагина борар ерим ой балдоқли осмон бўлди,
Ёрнинг дарду фироқидан яралган шу жон бўлди.

Зебунисо ЛАПАСОВА

ШАҲАР

Шовқинга ўрганиб қоларкан
Одам яшайберса шаҳарда.
Кўнмасдан илож йўқ, кўнаркан
Уммонга шўнгиркан саҳарда.

Шаҳарда егулик нарса мўл,
Чўнтаккинанг чидаб берса бас.
Чор тарафга сени элтар йўл,
Шаҳар денгиз, сен эса бир хас.

Бирор хушлаб келинг демайди,
Сўрашмайди қишлоқдагидай.
Улар пулдан қайиқ ясади,
Яшаш учун эртакдагидай.

Унга ҳам ўрганиб қоларкан,
Одам яшайберса шаҳарда.
Бир озгина мизғиб олгандаи
Уммонга шўнгиркан саҳардан.

Нажмиддин БАРАТОВ

* * *

Сен барғимдан алвон-алвон ранг олдингми,
Меникими бағрингдаги қора доғинг.
Менда эмас, қирда ёлғиз сен қолдингми,
Қон дилимнинг бир парчаси, қизғалдоғим.

Ўхшатмадим, ўхшамадинг бошқа гулга,
Зор эмасман мадҳи ёлғон булбулларга.
Жон тутасан сени узмоқ бўлган қўлга,
Қон дилимнинг бир парчаси, қизғалдоғим.

Қалбимдаги оҳим дейму, дейму моҳим,
Сен сирдошим, сенга бошлаб борар роҳим.
Юзларингни қизартирид қай гуноҳим,
Қон дилимнинг бир парчаси, қизғалдоғим.

Эркаласам бошинг босиб қон дилимга,
Дарду фамим сингиб кетар ер қаърига.
Мен дунёдан ўтсам, йўқлаб бор қабримга,
Қон дилимнинг бир парчаси, қизғалдоғим.

**Нилуфар ҲАҚНАЗАРОВА
Зомин тумани**

ВАТАН

Сўрса мендан “Ватан не?”
Тўкилган киндик қоним



Жондан азиз ардоқлаган
Сүйган суюк ошёним.

Ватан менинг юрагимда
Оққан ҳаёт қүшиғи,
Олам аро менинг учун
Улуелардан улуги.

Ватан Каъбам, шаъним эрур
Қалбим қўри ҳар нафас,
Боболарим эъзозлаган
Имон қадар муқаддас.

Умида ҚАҲҲОРОВА

БАХОР

Баҳор келса ҳамма ёқ,
Бўлар кўркам, чиройли.
Кушлар сайрап вақти чоқ,
Атрофда атири бўйи.

Гул-чечаклар уйғониб,
Уйғонар ҳаёт бошдан.
Турна учар биз томон,
Узоқ манзиллар оша.

Чехраларимиз гулгун,
Табассумла боқамиз.
Боғда ўйнашиб ўйин,
Толбаргаклар тақамиз.

Тўлиб оққан соя каби,
Кўнглим тўлиб кетади.
Юрта келган тўй каби,
Бизни хушнуд этади.



Махфузा БОЗОРОВА, ўқувчи.

ОНА

Дунёда бор қўшиқларни тингладим, онам,
Улар сира адо бўлмас, яралур яна.
Ҳаммасида меҳр ўша, ўшадур маъно,
Бир қўшиқка қарздор бўлиб юрибман, она.

Тонглар билан бирга юрдим, кундуз тун билан,
Кувончгоҳи ташвиш билан, ғамгин дил билан.
Дуч келганга ҳайрат бердим она тил билан,
Лек қўшиқка қарздор дарвиш фарзандман, она.

Шу қўшиқни топган куним дунё меники,
Ҳаёт берган иқболу зиё меники.
Бор меҳримдан яралган қўшиқ сизники,
Ирода шу қўшиқни деб яшайди, она.

Ироди КОМИЛОВА

ОНАМГА

Дунёнинг ўзи-ку, яралган бир кам,
Бунчалар ғам чекиб, тортмагин алам.
Айт яна недандир кўзингдаги нам,
Сен менинг ҳурдан-да покиза онам.

Сен умид қилгандек бир қиз бўлайин,
Нодира даврондай бир из бўлайин.
Осмонингда сўлмас юлдуз бўлайин,
Кечантги ёритган кундуз бўлайин.

Онажон, азизам, моҳтобим онам,
Сиз ойсиз тунимда офтобим онам.
Йиғлама, онажон, бағрим тиғлама
Кўз ёшинг бегубор, гул юзда шабнам.

**Шоҳида МЎМИНОВА,
талаба**

ОНАЖОН

Бу дунёда ким эдим, онажон, сизсиз,
Кўзларим ҳам нурсиз эди, онажон, сизсиз.
Дунёнинг энг ёргу кундузлари ҳам
Қоронғу бу дунё, онажон, сизсиз.

Мен учун борлигу жаҳонимдирсиз,
Оғриган жонимга малҳамимдирсиз,
Қалбимда порлаган юлдузларимиз,
Меҳрингиз, онажон, уммондай чексиз.

**Садоқат УРДУШЕВА,
Жizzax туманидаги 12-мактаб ўқувчиси**

Дўстим, сиз шабнамдай покиза,
Менинг юрагим-чи, зардобга тўлиқ,
Гарчи ёнингизга боролмасам-да,
Сиз барибир мен учун улуф.

Чидомасдан қолдим ҳижронга,
Тош бўлган юракни тиғладим,
Сиз учун азоблар чекмадим, аммо
Тонгтacha ўртаниб ѹйғладим.

Гуноҳдан қоп-қора юзимга
Кўз ёшдан ҳижоблар ўрадим.
Дўстим, мен сиз учун тонгтacha
Энг буюк муҳаббат сўрадим...

**Насиба МАМАТОВА,
Жizzax туманидаги X. Хўжакулов номли
мактаб ўқитувчиси**

ҚАЙТГИН...

Қайтгин, жоним, ортингга бир зум,
Ортда қолган ёрингга бир боқ.
Йўлларингта ниғорон кўзим,
Висолингта юрагим муштоқ.

Қайтгин, жоним, қайтмасанг агар
Умрим бўлар шубҳасиз ҳазон.
Сўқир бўлар ниғорон кўзлар,
Ва умримни мавҳ этар армон.

Қайтгин, жоним, тезроқ қайтақол,
Ташлаб кетсанг тугар бардошим.
Унда менга яшамоқ малол,
Куримайди кўзимда ёшим.

Майли мени севма, азизам,
Мени ҳатто ўйламоқ шартмас.
Илтихойим ўзингга, эркам,
Мени ёлғиз қолдирмасанг бас...

**Үйғун МАМАТҚУЛОВ,
Жizzax туманидаги 30-мактаб ўқитувчиси**



Хўжабек ТУРСУНОВ

БЕЗОВТА РУҲ

Ҳикоялар

ФОЖИА

Ёмғир шиддат билан ёға бошлади. Соchlари оппоқ она момоқалдириқдан қўрқиб, кўзлари қинидан чиқгудек бўлиб, ўзини ҳар тарафга ураётган бузоқнинг арқонини бўшатди-да, оғил тарафга қараб етаклади. Қора булут қоплаган самода яна момоқалдириқ гумбурлади. Бузоқ шаталоқ отиб, онани судраб кетди. Она лойга тайғаниб йиқилди. Бир четта учиб тушган калишини топиб кийдида, ариққа бориб қўлларини ювди.

— Савил қолгур, кичкина бўлса ҳам одамга куч бермайди-я, — деб жаворди у ўзига-ўзи.

— Арқонни қўйиб юбормайсизми? Сиз бўлсангиз... югуриб кетаётса ҳам арқонни қўймайсиз, — деразани очиб бақири ӯғли (У шаҳарда институтда ўқир, яқинда қишлоққа таътилга келганди). — Боядан бўён қараб туриб, кулгим қистайди. Бузоқ сизни моладай судраб бораяптио, сиз бўлсангиз арқонни қўймайсиз. Ахир, бузоқ сиздан кучли-да. У ҳайвон-да. Сизга жони ачирмиди?

— Ичкарига кир! Шамоллаб қоласан, — деди она.

Йигит деразани маҳкам ёпди-да, пўнгиллади:

— Гапни қаранг! Мен ичкарида турмай, ташқарида турибманми? Тавба! Қаҳратон қишида шамолламаган одам ёз ёмгирида шамоллар эмиш. Гапда мантиқ бўлиши керак. Бу қишлоқ одамлари қачон тўғри гапиараркин-а?!

У бир оздан сўнг яна дераза ёнига келиб ҳовлига қарди. Ёмғир янада кучлироқ ёғарди. Она ҳамон ёмғирда ивиб, ивирсиб юарди. Оғил ёнида турган тезаклар устига брезент ёпди, тандир устига қандайдир шолчани ёпиб, четларига фишт бостириб қўйди. Сўнг ёнғоқ дарахтининг остида юрган курк товуқни ва унинг жўжаларини катақка қараб ҳайдай бошлади. Битта қайсар жўжа онасига эргашмас, нуқул четга қараб қочарди.

— Чўчқага ўхшаб “чий-чий” ламай ўл! Ҳа, ҳаром қотгур! — деб она бечора лойга тайғаниб-тайғаниб жўжани кувар, лёкин жўжа ариқ ёқалаб қочар, тутқич бермасди.

Бир пайт она гупиллаб ариққа ағнаб тушди, устибоши сувга бўкли. Йигит буни кўриб кулиб юборди:

— Онам тушмагур-эй! Катакка кирмаса, кувиб нима қиласки?! Арзимаган жўжани деб... Ўзини ўйламайди-я. Уф! Қишлоққа келдимми, яйраб юролмайман. Шунаقا томошалар жонимга тегди. Эртагаёқ қайтиб кетаман-э!

Йигит увшган қўлларини силтаб-силтаб гимнастика қила бошлади. Баданига қон юргургач ойна олдига келди-да, соchlарини таради. Сўнгра кийиниб, собиқ синфи доши билан ҳангома қилгани жўнади.

МАЙСАЛАР ИСЁНИ

Ер юзини қоплаб ётган майсалар исён кўтарди. Исён-кор руҳ бутун дунёни қамраб олди. Яйловларда бошлан-

ган исён адирлар ва тогларга ҳам ўтди.

— Қўйлар озиб кетаяпти! Бунга сабаб бизнинг қувватимиз камлигига, — дер эди майсалар ёзғиришиб. — Қўйларнинг семириши учун аввало биз ўсишимиз керак. Лекин, афсуски, ердаги озуқани нафси бузук бесўнақай улкан ўсимликлар ва минт йиллик серсоя дарахтлар шимиб олмоқда, қуёш нурларини тўсисб, ўсишимиз учун имкон бермаяпти. Уларни таг-томири билан қуритиш керак. Шунда қўйлар ҳамиша тўқ юради, бизга ҳам ердан кўпроқ озуқа тегади... Нега инсон бизга ёрдам бермаяпти? Нега у лоқайдлик қобигига ўралиб олди? Ахир, у биздан манфаатдор-ку?!

Инсон майсаларнинг фикрларини эшишиб ажабланди ва бу ерда жиддий ғоя борга ўхшайди, деб узундан узоқ ҳаёлларга фарқ бўлди. Ниҳоят шундай фикрга келди:

— Майсаларнинг қўзғолон кўтаргани бежиз эмас, албатта. Лекин бу — стихияли кураш, етилмаган инқилоб. Улар тенгликни талаб қилишмоқда. Ҳолбуки, майсалар ҳисобидан яшаётган хомсемиз ўсимликларнинг авлодини ва дов-дараҳтларнинг уругини битта қолдирмай қириб юбориш лозим. Уларни майсалар билан тенглashing-тенгликнинг асосий мағзидир. Йирик дарахтлар ва йирик ўсимликлар яйловга соя ташлайди, холос. Ваҳоланки, қўйлар учун ер озуқасига ва қуёш нурига тўйинган соғлом майсалар керак. Қўйлар семиз бўлса, инсон ҳам семиради...

Инсон калласига оқиб келаётган фикрлардан ниҳоятда илҳомланиб кетди, беихтиёр “Инқилоб яқин, жуда яқин!” деб куйлай бошлади.

Шундай қилиб у оламшумул вазифани бажаришни қўнглига тугиб, катта кураш учун тайёргарлик кўришга киришди. Майсаларга ёрдам бериш учун у минглаб китобларни ўқиб чиқди. Билим билан қуролланиб олгач ишга киришди: фидокорона меҳнат қилиб, майсаларга соя ташлаётган барча ўсимликларни ва дов-дараҳтларни бир бошдан юлиб ташлайверди. Ниҳоят инсон иродаси туфайли ер юзи тап-тақириб чўлга айланди.

Инсон буюк гояни амалга ошириб вафот этди. Ўлимни олдидан у ўғлини ёнига чақириб ва ушбу васиятни айтди:

— Ўғлим! Мен ўйлаб топган гояни давом эттир. Майсалардан ўтиб кетмоқчи бўлиб бош кўтарган ҳар қандай ўсимликни, ҳар қандай дарахтни қўрқиб, қайчилаб тур. Отангнинг васиятни унутма, болам!

Ўғли отасининг васиятига садоқат билан амал қилди.

Майсалар ҳам қараб туришмади: улуғ гояни амалга оширган инсонни “худо” деб эълон қилишди ва унга сифина бошладилар.

ТАШВИШ

Хонамда ёлғиз ўтирибман. Эшикка дам-бадам қараб құйман. Күлфланған эшикнинг тақиљлашини кутаман. Мени ларзага келтирувчи овозни кутаман. Эшик эса тақиљламайды.

Ташвиш билан мулоқотда бўлган кундан бошлаб руҳлар билан сұхbatлашмай қўйдим. Руҳлар билан осойишталиқда гаплашиш керак. Ҳозир қўнглим фаш. Хотиржамлик мени тарқ эттан. Руҳлар билан сұхbatлашмоқчи бўламан-у, лекин энди осойишталиқка эришганимда ташвиш эшигимни тақиљлатиб келиб қолса, даҳшатга тушаман, деб қўрқаман. Ташвиш юрагимни олиб қўйган. Энди руҳлар билан учрашишга барҳам берсам бўлади.

Эшик тақиљламаяпти. Наҳотки, ташвиш энди келмаса. Мендан нафратланиб, ўзга бир кишига ҳамроҳ бўлдимикан? У келмаса соз бўларди: қўнглим хотиржам тортарди. Шунда руҳлар билан... Йўқ! Йўқ! Ташвиш яна келади. Уни кутиб ўтиришим лозим...

Узоқ кутдим. Эшик эса тақиљламайды.

У барибир келади. Кўчада изгиб юрган ташвиш барибир хонамга бостириб киради-да, мени кўчага қувиб чиқарди, деб ўйлайман. Кута-кута тоқатим тоқ бўлади. Эшик эса тақиљламайды.

Хотиржам бўлишта ҳаққим йўқ: ташвиш келса руҳий хотиржамлигим бузилиб, баланд чўққидан чукур жарга қулагандек бўламан. Натижада узоқ вақт давомида тутайман, ҳеч ким бошдан кечирмаган тушкунлик ичидан изтироб чекаман. Бундай руҳий тушкунликдан ўлим афзал! Аммо қўнглимнинг бир четида учқун милтирайди, негадир осойишталиқдан умидвор бўламан. Тезда бу учқунни ўчиришга, умидни йўқотишга киришаман ва қаерлардадир дайдаб юрган ташвишни кутиб олиш учун руҳан тайёргарлик кўра бошлайман.

Барибир эшик тақиљлаши керак! Гангиг қолмаслик учун эшикдан кўз узмаслигим, ташвиш келса кулиб қарши олишим, унинг барча илтимосларини сўзсиз бажариш имзалим зарур.

Ташвишнинг кўзи сук, қорни ҳамиша оч бўлади. Бутун оламни ямлаб ютса-да, кўзи тўймади. Мен ўз заифлигимни, гариблигимни яширолмай ғазабланишим турган гап. Ташвиш келса, о, қанчалар қийналаман, заифлигимни ҳис қилганим учун бутун дунёдан нафратланаман. Ташвиш билан курашиш ва уни енгиш учун биронта қуролим бўлмаса нима қиласай? Мағлуб жаҳонгирдек заифлигимни сезиб, қаҳру-ғазабга тўлсанм нима қиласай?..

Бироқ қандай бўлмасин ўзимни босишим керак. У келган заҳоти кўчага чиқиб, озиқ-овқат излашим лозим. Ташвиш бу пайт уйимнинг тўрига чиқиб, менинг ўрнимга чўзилади, оёқларини хузур қилиб узатади. У мийигида қулиб, тўкилай деб турган хонамни синчковлик билан кузатётган лаҳзада мен кўчадаги совуқ изгиринда дайдиб юришим, ташвишни меҳмон қилиш, унинг нағсини қондириш учун дўкондан дўконга ўтиб, озиқ-овқат излашим лозим. Устимдан кулмасин, элга шарманда қилмасин, деб тиш ковагида сақлаб юрган пулларимни сарфлашим керак. Уни хурсанд қилиб жўнатиш лозим.

Эшик эса тақиљламайди. Мақсадининг ҳеч бир тайини йўқ ташвиш гўё менинг сабру тоқатимни синааб кўраётгандек, эшик ортида пойлаб тургандек туюлади.

Мана, ҳозир еб тўймас ташвиш эшигимни қоқади. Мен унга ўрнимни бўшатиб бериб, ўзим кўчага дайдигани чиқаман. Уйимда у кўп марта меҳмон бўлган. Бугун у, келаман, деб вайда берган. Албатта, келади.

Эшик эса тақиљламайди. Қачон келаркин-а? Бу кутишнинг охири борми ўзи?!

Бултур ташвиш мени кўп безовта қилди, уйимдан қадами ҳеч узилмади. Қунлардан бирида у меҳмон бўлиб келди. Менинг сукут сақлашим уни зериктирдими, кўчани айланиб келай, деб чиқиб кетди. Ташвиш жўнаган заҳоти эшикни суғуриб олдим-да, ўрнига фишт қалаб, суваб қўйдим. Ташвиш уч кун доримади. Аммо тўртинги куни у яна келди. Мен суваб ташлаган фиштларни бузиб, уйга кирди.

— Хайрият! Тирик экансан! — деди у мени совуқ бағрига босиб. — Бу нима қилиқ?! Нега эшикни суваб қўйдинг?! Ўлиб қолсанг нима бўларди? Наҳотки, мени ўйламасанг-а? Ҳали мени деб кўп югуришинг керак-ку. Қани, кўчага чиқиб менга усти-бош келтир. Озиқ-овқатдан кўпроқ келтиришни ҳам унутма. Сен ҳадеб ўзингни ўйлайверма-да. Мени ҳам ўйла, ахир!

Мен унинг гапини маъқулаб, кўчага чиқиб кетдим...

Ҳозир яна ташвиш келиши керак. Негадир кечикиб қолди. Кўчага чиқиб хабар олсаммикан? Эшик тақиљламаяпти. Ташвишнинг мени даҳшатга соловчи овози эшиктилмаяпти. Наҳот, мени унутган бўлса?..

.. Келмаса, садқа сар! Қачонгача сабрсизлик билан кутаман? Менинг бошқа ишларим ҳам бор: нур ва руҳ билан қўшилиб кетишин машқ қилишим керак. Аммо бу ишни бажариш учун менга осойишталиқ керак-ку! Уни топмоқ керак... Ниҳоят уни топдим ва хотиржамлик билан ишга киришдим: етиб келган руҳ билан сұхbatлаша бошладим.

Эшик бирдан тақиљлаб қолди. Руҳ ҳавога сингиб кетди. Эшик тинимсиз тақиљларди. Йўқ, буни тақиљлатиш, деб ҳам бўлмайди. Эшикни кимдир журъатосизлик билан чертар эди. Бу заиф товуш менга момоқалдириқдек бўлиб туюлди. Юрагим қинидан чиқиб кетай, деди. Мен ларзага келдим. Азойи баданимдан совуқ тер чиқди. Қалтираб-қақшаб сандиқ ичига тушдим-беркиниб олдим. Аммо ўша овоз ҳеч тўхтамас, мени тинмай таъқиб қиларди. Бу товуш борган сайин кучайиб борар, гўё кимдир бошимга болға билан ураётгандек қочгани жой тополмасдим. Ниҳоят эшик қарсилаб синди. Кимдир югуриб келиб сандиқнинг қопқофини кўтарди. Тепамда ғазабланган ташвиш турарди. Мен шер панжасига тушган қўёндек қалтираб, сакраб турдим-да, эшикка ўзимни урдим.

— Ҳой, тўхта! Сенга айтадиган юмушларим бор! — деб ташвиш орқамдан бақирганча қолди.

Мен кўйлакчан ва яланг оёқ ҳолда, ўзимни бутунлай ўйқотиб қўйган ҳолда изгиринли кўчада кетиб борар эдим.

— О, нега осойиш топиб, руҳ билан сұхbatлашдим-а! Ташвиш энди мени хониликда айблайди. У руҳнинг ашаддий душмани-ку. Энди у мени баттар қийнайди, — дер эдим, ўзимга-ўзим, тизза бўйи қорни кечиб борарканман.

Гупиллаб лайлак қор ёғмоқда. Изгирин юзларимни чимчилайди, музлаб ётган йўл оёқларимга чип-чип ёпишиди. Аламимдан совукни ҳам писанд қилмай, ташвишдан кутулиш йўлларини ўлардим.

Уни ўйқотиб бўлармикан-а?!

САРОБ ҲОВУЗ

Тун чекиниб, одатдагидек тонг отиби. Борлиқقا яна жон энибди. Қуёшнинг олтин нурлари ҳовузнинг беғубор юзидан ўпич олибди. Бола каби севиниб кетган сув тўлқинланиб, оҳиста чайқалибди. Чўчиб уйғонган балиқлар қирғоққа яқинлашиб, ям-яшил барра ўтларни,

қоқигулларни, чучмомоларни мазза қилиб томоша қилибдилар. Мажнунтол майин барглари билан ҳовуз юзидаги губорларни тозалашга киришибди. Олма дарахти оппоқ гулларини сочиб, ҳовуз юзига пардоз берибди. Ҳовуз эса табиатдаги барча жонли нарсалар ўзига чексиз меҳр билан боқаётганидан севинар экан. Унинг суви тиник, мазали, шифобаҳаш бўлиб, атрофини шохлари кўкка чирмасиб кетган дараҳтлар қоплаган экан.

Балиқлар шундай гўзал ҳовуз бағридаги турли-туман ўсимликлар орасида яшаётганидан чексиз фахрларнан, ҳар бир сув ўтини, рангли тошчаларни, марваридек ялтираётган қўмларни, чиройли чиганоқларни севар ва қадрлашар, уларни кўз қорчуғидек авайлаб асраршаркан.

Нима бўлибдию, бир куни ниначи балиқларга табиатшунослик фани бўйича дарс бера бошлади. Балиқлар тез орада ўз муаллимларини севиб қолишибди. Чунки ниначи жуда билимдон экан-да. Орадан бир қанча вақт ўтгач ниначи балиқларга бу ердан икки чақирим нарида бир ҳовуз борлигини, унинг гўзалиги Боги Эрам ҳовузларидан қолишмаслигини зўр бериб тушунтира бошлади.

— Ўша ерда шундай балиқлар борки, уларнинг қаҳрамонликларини, ватанпарварлигини кўрсангиз, оғзингиз ланг очилиб қолади, — деб завқ билан гапирап экан ниначи. — Ўша ҳовузни сиз жондан ортиқ севишингиз керак. Чунки у ердаги балиқлар жуда саховатли, буюқ, ақлли, заковатли ва енгилмас балиқлардир. Сиз уларга нисбатан бир оз орқада қолгансиз. Агар уларга суянсангиз катта фойда кўрасиз. Сизнинг тарихингиз ҳам унчалик бой эмас. Демак, ўз тарихингиздан унча кўп нарса ололмайсиз...

— Ахир, бизнинг боболар ҳам жуда кўп ишлар қилишган, — эътироz билдири митти балиқча.

— Сен тек тур! Мен, ахир, кўпни кўрганман. Қарийб, бутун дунёning ярмини кезиб чиққанман. Шунга кўра катта олим бўлиб етишдим, — деди ниначи фурур билан. — Сен ва сенга ўхшаганлар шу ҳовуздан бошқа нимани кўрибди? Демак, менинг гапимга қулоқ солишинг керак. Шундай эмасми, ҳурматли балиқлар?

— Тўғри айтасиз! Сиз дунёни кўп кезган, кўп нарслардан хабардор олимсиз, — дебди балиқлар. — Бу зумрашанинг гапларига эътибор берманг. Унинг отаси раҳматлик ҳам бузгунчи эди. Нуқул шу ҳовузни ўйлар эдио, осмонда нима гаплар бўляяпти — асло хабари бўлмасди. Ўзингиз биласиз, бизга ташқаридан турли гапларни капалак етказиб турарди. Ўхъ! У шундай қизиқ гапларни айтар эдики...

— Капалаклар фирт каллаварам бўлишади, — дебди ниначи, сув устида қалқиб турган япроқ-минбарини қанотлари билан уриб кўйиб. — Сиз мен айтавтган ҳовузчага бормабисиз, дунёга келмабисиз. У ерда яшаётган ҳамма нинчилар зўр тарихчи ва олимлардир. Балиқларни айтмайсизми? Уларнинг бобо-калонлари шундай ботир бўлишган...

— Бизнинг тарихдан ҳам гапиринг! — деб қичқириди митти балиқ. — Ахир, бизнинг ота-боболаримиз ҳам зўр жасоратлар кўрсатишган. Билсангиз, ўшалар ҳақида ҳам гапиринг! Тарихчи бўлсангиз бизда фарҳ туйгусини уйғотинг. Ўзгаларнинг тарихи бизда хурмат уйғотади, аммо фарҳ туйгусини уйғотолмайди.

— Нега фарҳ туйгусини уйғотмас экан? — деб аччиқланибди ниначи. — Сен эсингни еб қўйибсан! Ўзгаларнинг тарихини билмасанг қандай қилиб сенда фарҳ

туйгуси уйғонсин. Сизнинг бу кичкина ҳовузчангизда ҳам миллион йиллар бурун ҳар хил қаҳрамонликлар бўлган, албатта. У пайтлар бу ҳовузда бошқа балиқлар...

— Нега миллион йил? Нега юз йил бурун эмас? — савол ташлабди яна митти балиқ.

— Билсанг, ўзинг гапир! — дебди ниначи ҳавога кўтарилиб. — Агар дунёдаги турли балиқлар ҳақида гапираётганидан норози бўлсанг, мен кета қолай. Бошқа биронта муаллимни топиб олинглар!

— Ўзингиз яхшизи! Бизга сиздан бошқа муаллим керакмас, — деб балиқлар чувиллашибди. — Биз бу зумрашанинг қилоғидан чўзиб қўямиз. Хафа бўлманг! Бизга ўша кучли балиқлар ҳақида сўзлаб беринг.

Ниначи яна япроқ минбарини эгаллагандан сўнг, балиқлар митти балиқни қувлаб юборишибди.

Ниначи яна икки чақирим наридаги балиқларнинг келиб чиқиши ва уларнинг оламшумул тарихини сўзлашга киришибди:

— Ҳозир ҳар бир жонивор дунёни ўз ватани деб билмоқда. Дунё табиатини сақлашга киришмоқдалар. Сизлар ўша ҳовузни ўз ватанингиз сингари севсангиз асангиз кетмайди. Уларнинг тарихини ўргансангиз, қандай жасорат кўрсатганини билиб олсангиз, қаҳрамонлик кўрсатиш қанақалигини биласиз. Бу балиқлар ўзлари яшаган ҳовузни ҳамиша мардана ҳимоя қилишган. Ўтмишда уларнинг душманлари жуда кўп бўлган. Масалан, курбақалар ўша ҳовузни ботқоқликка айлантироқчи бўлишган, итбалиқлар энди туғилган балиқчаларнинг жонига қасд қилишган, қисқиҷбақалар кўпайиб кетиб, ҳовузни бутунлай эгаллаб олмоқчи, балиқларни қул қилмоқчи бўлишган. Аммо балиқлар орасида қаҳрамонлар етишиб чиқиб, уларнинг адабларини беришганки, уларнинг бу қаҳрамонона курашлари бугунги авлодни ҳамон тўлқинлантириб келмоқда. Баъзи жангларни айтиб берсам, сиз ҳам тўлқинланасиз, руҳланиб ўша ҳовузни жон-жаҳд билан ҳимоя қиласиз, деб умид қиласман. Сиз ҳам уларнинг қилган ишларидан фахрланинг. Шундагина сиз ватанпарварлик нима эканини англайсиз. Чунончи ўша буюқ ҳовузда бўлиб ўтган қаҳрамонона ишлар сизнинг ҳам фахрингиз, ифтихорингиз... Шу билан бугунги дарсимиш тугади. Агар, мен сизда қисқиҷбақаларга ва бошқа босқинчиларга нисбатан озроқ нафрат туйгусини уйғота олган бўлсан, ўзимни баҳтиёр санар эдим.

Бирдан томдан тараша тушгандек бир кекса балиқ бақириб юбориби:

— Ия, бизнинг боболар қисқиҷбақалар билан дўст бўлган эди-ку! Бу ёғи қандоқ бўлди?

— Оғзим бор, деб гапираверасиз экан-да, — дебди аччиқланган ниначи. — Илгари дўст бўлган бўлсан... кейинчалик улар бир-бирига душман бўлгандир. Сиз нимани ҳам билардингиз ўзи? Юз йил бурунги тарихни сиз қаёқдан билардингиз? Кўп йиллар бурун қисқиҷбақалар ёмонликни касб қилиб олганини билмайсизлар. Улар жуда ваҳшийлашиб, ўзгариб кетган ҳозир. Ҳаётда нималар бўлмайди, дейсиз. Ҳозир ҳаёт шунчалик тез ўзгарувчани... Эҳ, отагинам, ўқимагансиз-да.

Кекса балиқ мўйловини бураб, хижолат чекиб, кулимсираб қўйибди. Ниначи кекса балиқ саводсизлиги туфайли уялиб қолганини кўриб, курсанд бўлибди.

— Эртага мен сизларга ўша биродарларингизнинг гўзал, ўлмас ва сўлмас урф-одатлари ҳақида гапириб бераман. Албатта, уларнинг урф-одатлари сизларни қизиқтиради ва ўзига оҳанграбодек тортади, деб ўйлай-

ўғлонларингни кўриқлай туриб жон берсак!..

Бир куни ниначи балиқларнинг ёнига келиб шундай дебди:

— Дўстларим! Бугун ҳамма менинг орқамдан юрсин! Ҳаммамиз ҳашарга борамиз. Қардош биродарларингизга ёрдам беришимиз керак. Шу кунларда қўшни ҳовузга хас-ҳашаклар оқиб келаяпти. Уларни тозаламасак, тез кунда идеал ҳовуз сасиб кетади ва турли касалликлар тарқатиш мумкин. Қани, кимки икки чақирик наридаги ҳовузни севса, мен билан юрсин! Унинг ҳуснига доғ тушишини сира истамайман! Мен ватанпарвар бўлганим учун ўзим түгилган ватанини кўкка кўтариб юрибман. Ватанга бўлган муҳаббатимни энди исбот этишим керак, азиз биродарлар! Қани, йўлга тушдик!

— Сиз айтган ҳовузни жонимиздан ортиқроқ яхши кўрамиз. Аммо у томонга қандай ўтамиш? Қанотимиз ўйқу, ўтсак... — дебди икки чақирик наридаги ҳовуз тарихини пухта эгаллаган семиз балиқ, ниҳоятда афсусланган ҳолда.


Семиз балиқнинг бу гапи ниначини ўйлантириб кўйибди. Ниҳоят қанотлари билан бошига бир урибдида:

— Вой, мен аҳмоқ! — дебди. — Бу ёғини ўйлаб кўрман-а! Эссиз, шунча вақтимни бекорга сарфлабман! Қанча куч, қанча умр ҳавога учеб кетди. Энди кетиш олдиндан бу гапни эшитинг. Ўзлари ҳалок бўлаётганини пай-қамаган сиз анқовларга гапиргандан кўра, қурбақаларга гапирсам бўларкан. Хайр, нодон балиқлар! Энди бошқа учрашмаймиз. Мен сизни ўз ватанимда ишлатсан деб ўйлагандим. Шунинг учун анави ўпқонга эътибор бермагандим. Хайр!

Балиқлар ниначи учеб кетгандан сўнг узоқ вақт давомида қовоқларини осилтириб, хаёлга толибдилар. Ҳамманинг руҳи тушиб кетганини кўриб, кекса балиқ аччиқланиб:

— Ниначининг гапи тўғри, — дебди. — Агар биз анқов бўлмасак унинг фойдасиз гапларига қулоқ солармидик?! Ахир, у қўшни ҳовуз бўйида түгилгани учун ўз масканини кўклирга кўтараётган экан. Биз бўлсан!... Э, ҳамма ўз түгилган ватанини севар экан-да. Оғайнilar! Кўз ёшидан фойда йўқ. Энди ўз ватанимизни, шу кичик ҳовузни илгаригидай эъзозлайлик. Қани, митти балиқقا ёрдам берайлик! У икки кундан бўён ўпқонни беркитиш билан овора бўлиб юрибди... Мана, ўз юртимизда ботирлар бор экану, биз уни таҳқирлаб, ҳақорат қилибмиз.

Хуллас, балиқлар бир тан, бир жон бўлиб, ҳовуздаги сувни сақлаб қолишибди.



Хўжабек Турсунов 1957 йил Бахмал туманидаги Қирқишилоқда түгилган. Улуғбек номидаги 19-ўрта мактабни битирган. “Жиззахдаштқурилиш” бошқармасининг “Бўстон” хабарномасида, сўнгра Жиззах туманидаги собиқ “Коммунизм сари” (ҳозирги “Жиззах овози”) хабарномасида адабий ходим бўлиб ишлаган. Ўзбекистон Ёзувчилар уюшмаси Жиззах вилояти бўлимида адабий маслаҳатчи вазифасида ишлади. Унинг ҳикоялари ва эртаклари “Ёшлик”, “Сирли олам”, “Гулхан” журнallарида чоп этилган.

ТУРКИСТОННИНГ ЕВРОПАДАГИ ОВОЗИ

**“Мұқаддас вазифамиз юрт ва халқимизнинг манбаатидир”, - деган эди
“Ёш Туркистан”чилар.**

Ўзининг илми, имони, күч-қувватига таяниб иш кўрган халқинг болалари ҳеч замонда хорлигу за бунликда кун кўрмаган. Аксинча, дунёвий тамаддун силсилаларида боқий қолган. Дараҳтнинг илдизлари қанчалик бақувват бўлса, уни заминдан қўпориб ташлаш ҳам чандон маشاқатли кечади. Шу сингари инсоннинг имон-эътиқоди, ватанга бўлган меҳру муҳаббати, туз бериб вояга етказган халқига нисбаттан садоқати нечоғли мустаҳкам бўлса, уни «сотиб» олиш, ёхуд миясини турли-туман «ҳақиқат»лар билан заҳарлаш шу қадар душвордир, имконсизdir. Жаҳон уммонида елиб бораётган улкан ва бақувват кема — озод Ўзбекистоннинг қисқа фурсатда юксак даражадаги тараққиётга эш бўлганини кўриб, Аллоҳнинг ОЗОДЛИК аталмиш буюк неъматига шукроналар айтасан, бу ёргу кунларга осонликча эришилмагани ҳақида ўйлаганинг сайин мозийни қалбларга гуур бахш этувчи лаҳзалари-да кўз олдингдан ўтаверади.

«Ёш Туркистан» журнали — ўзбек муҳожир матбуотининг очилмаган «қўриқ»ларидан саналади. Журнал Франция пойтахти Парижда 1929 йилнинг декабридан 1939 йилга қадар чоп этилган. Унинг носири ва муҳаррири «Туркистан мустақиллиги учун таникли курашчи»¹лардан бири — Мустафо Чўқай эди.

Журналнинг бош мақсадини таҳририят илк сонда шундай баён этганди: «Йўлимиз ва мақсадимиз: Биз Туркистан истиқолчилари элизиз эрки ва юртимиз Туркистаннинг қутилиши учун курашамиз...»²

«Ёш Туркистан» ижодкорлари Европада чоп этилган журналларнинг эътироф этишига арзигулик тажрибаларидан кент фойдаланганлар. Масалан, журнал ходимлари ўлкада ҳамда хорижда чоп этилаётган газета-журналлар юзасидан мунтазам мониторинг олиб бориб, Туркистанга дахлдор бўлган катта-кичик воқеа-ҳодисаларни бирдек таҳлил қилганлар. Бу каби кузатувлар натижасида «Туркистанда пахта атрофи-

да кураш»³, «Туркистанда ерлаштириш нималардан иборат?»⁴, «Туркистанликлар бошларини эгмаганлар»⁵, «Босмачилик тўғрисида»⁶, «Қизил тошкентлик афандилар»⁷, «Шарқ ҳақиқати» газетасининг Москва «миллий сиёсати» ҳақидаги бор ҳақиқати⁸ номли салмоқли мақолалар юзага келган.

Ана шундай шарҳлардан бири журналнинг 1930 йил июнь-июль 7-8-қўшма сонида “Туркистанликлар назар диққатига” сарлавҳаси остида чоп этилган. Гарчи муаллифи кўрсатилмаган бўлса-да, бош мақола сифатида берилганидан билиш мумкинки, у Мустафо Чўқай қаламига мансубдир. Шарҳнинг ёзиши услуби, сўзларни танлаш ва мурожаат оҳангидан фикримизни тасдиқлайди.

“Парижда чиқадиган французча “Мотан” газетаси 17 июнь (1930 йил—Н.О) тарихли сонида “Совет ҳукумати Туркистанда шиддатли мустамлакачилик сиёсати юритадир” сарлавҳали бир мақола нашр этиган. Бу мақолада сўз орасида туркистанлик ўқувчи Афзабекнинг бизга маълум бир саргузаштидан ҳам баҳс этилган”, деб бошланади мақола. Бизга яхши маълумки, 20-30-йилларда миллат маърифатпарварлари томонидан ўнлаб талабалар хорижга ўқиш учун юборилган. Юқорида исми зикр этилган талаба ҳам ана шулардан бири эди.

“Тахминан ўнинчи апрелларда Афзалбек Берлиндаги совет сафороти(элчинонаси — Н.О)га чақирилган. Сафоротда уни Михайлский исмийнда бир совет маъмури қабул этиган. Афзабекнинг талаба сифати билан Ўзбекистон ҳукуматидан олиб турган таъминотининг кесилиб қолганини ва унинг оғир вазиятда эканини совет сафороти жуда яхши билар эди. Чунки бу ўқувчиларнинг таъминотдан чиқарилганликлари хабари сафорот орқали олинган. Унинг оғир вазиятини билган Михайлский Афзалбекка большевик усулида пул топиш йўлини таклиф этиган. Михайлский: “Агар сиз “совет гражданлиги вазифангиз”ни

1. Ўзбекистон янги тарихи. Иккинчи китоб. Ўзбекистон совет мустамлакачилиги даврида. Тузувчилар: М.Жўраев, Р.Нуриллин, С.Камолов ва бошқ. Т.: “Шарқ”, 2000. 31-бетга қаранг.

2. “Ёш Туркистан” журнали. 1-сон. Париж.: 1929. “Бизнинг йўл” мақоласига қаранг.

3. М.Чўқай. “Туркистанда пахта атрофида кураш”. “Ёш Туркистан” журнали. Декабр. 1-сон. Париж.: 1929.

4. Жоной. “Туркистанда ерлаштириш нималардан иборат?” “Ёш Туркистан” журнали. Январь 2-сон. Париж.: 1930.

5. “Туркистанликлар бошларини эгмаганлар”. “Ёш Туркистан” журнали. Февраль-март. 3-4-сон. Париж.: 1930.

6. Жоной. “Босмачилик тўғрисида”. “Ёш Туркистан” журнали. Февраль-март. 3-4-сон. Париж.: 1930.

7. М.Н. “Қизил тошкентлик афандилар”. “Ёш Туркистан” журнали. Февраль-март. 3-4-сон. Париж.: 1930.

8. О.Н. “Шарқ ҳақиқати” газетасининг Москва “миллий сиёсати” ҳақидаги бор ҳақиқати”. “Ёш Туркистан” журнали. Париж.: 1930.

ўтасангиз, пул ҳам олиб турасиз”, деган.

Афзалбекнинг бу “совет гражданлиги вазифаси” нима эканлиги ҳақидаги саволига қарши Михайлский унинг Туркистон Миллий ташкилоти билан муносабатга киришишини, Туркистон ёшларини таъқиб этишини ва Туркистон Миллий ташкилоти нашрини қандай йўллар билан мамлакатга кирмоқда бўлганини билиб олиш ва бошқаларни сўзлаган. Бунинг устига “Сиз қай ердан пул олиб турганингизни бирор билиб қўяр деб ҳеч кўрқмангиз. Қариндошларим, ошно-офайним пул ва мол юборадир деб юраверрасиз. Пулни истаган йўлингиз билан сизга етказиб берамиз” деган”. Бу усул совет хавфсизлик идоралари томонидан тажрибада синалган усуллардан бири бўлган. Табиийки, қўли калта, муҳтожу муҳожирликдаги одамларни айниқса, таъминоти ўзига яраша бўлган талабалар, қолаверса, иродаси заиф кишилар шу йўл билан “ов”ланганлар.

Бироқ бу гал совет маъмурларининг “номери” ўтмайди: “Афзалбек сафорот юртингда (худудида — Н.О) қулфланган уйда ўтириб қаршиига қўйилган пулни рад эта олмаган. Олиб чиққанидан сўнг иккинчи кун почта орқали яна шу Михайлскийнинг ўз исмига қайтариб юборган. Мана, бир совет маъмурнинг бу правакаторлик ташаббуси шундай мувоффақиятсизлик, шармандалик билан натижаланган. Табиий, Михайлский бир маъмурдир. У ўзига буюрилгандан бошқа нарсани қилмайдир. Туркистон миллий манфаатларига қарши курашиб совет сиёсатининг асос муддаоларидан биридир. Рус қизил ўрдаси куввати билан юртимиизда ҳокимиётларини сақлаб турдилар. Бундай сотиб олиш, провакациялар билан миллий ташкилотимизни бузмоқчи бўладилар. Баъзан большевиклар провакацияларига мувоффақ бўлганлар. Баъзи бир ахлоқ ва сажииси заиф одамлар уларнинг бу провакаторлик тузоқларига тушиб қолсалар ҳам ажабмас. Фақат бу сафар провакатор большевикларнинг бошлари қаттиқ бир тошга тегди. Улар қаршиларида юксак ахлоқли, юрти ва ҳалқини билиб, сезиб севган ҳақиқий бир Туркистон ўғлини кўрдилар. У провакаторларнинг ифлос таклифларини қайтариб юзларига урди”.

Дарҳақиқат, бу эл-юрт манфаати, пок эътиқод ва фарзандлик бурчи сингари муқаддас тушунчаларни қалбдан англаб етган инсоннинг диққатга сазовор ҳатти-ҳаракати эди.

Мақола муаллифи “Афзалбекнинг бу тарз ҳаракати бошқа бир қанча туркистонликларга ҳам яхши мисол бўлсин эди” дей ният билдиради. Шунингдек, “Мингларча рус талабаси Туркистон пули билан ўқиб ётадир (Бу ҳақида журнналнинг шу сонида, айни шарҳдан кейин махсус мақола берилган—Н.О). Туркистон ўқувчиларининг эса таъминоти кесилиб, ёлғиз юрт ва ҳалқларига хиёнат этиб, Москва учун провакаторлик этганлари тақдирдагина пул ола билишлари”ни кескин танқид остига олади.

“Эй туркистонликлар! Буни эсингизда тутинг ва большевик провакаторларидан сақланингиз! - дей даъват қилинади мақолада. — Ватандошингиз Афзалбек ҳаракатидан ибрат олинг. Юрт ва ҳалқингиз мафаа-

ти учунгина ҳаракат этинг”.

Мақолага “Ҳаммамизнинг энг мухим ва муқаддас вазифамиз юрт ва ҳалқимишнинг манфаатидир. Бундан устун ҳеч бир нарса йўқ ва бўлмасин” дей хуласа қилинади.

Туғилиб ўсган юртига нисбаттан юрагида заррача меҳри бўлган киши юқоридаги сатрлардан таъсирланмай, қолмаса керак. Совет замонининг гирром сиёсий ўйинлари, большевикларнинг шахсларни, миллат фидойиларини “сотиб олиш”, жисмонан йўқотиш, миллий озодлик ҳаракатига зимдан тазиқ ўtkазиш йўлида турли қабиҳликлардан қайтмаганини ўқиб билган инсонда зулм ва зўрликка таянган тузумга, унинг ногарабозларига нисбаттан нафрат ўйгонади.

Журналнинг шу сонида, аниқроғи, 56-бетида “Берлиндан хабар” сарлавҳали атиги битта гапдан иборат ахборот берилган: “Мотан” газетасида Афзалбек воқеасида исми аталган (келтирилган—Н.О) Берлиндаги совет сафоротхонаси маъмурларидан Михайлский мақола чиққанидан икки кун кейин Москвага жўнаб кетган”. Бундан кўринадики, таҳририят ходимлари жараёндан мунтазам хабардор бўлишга интилганлар.

“Мотан” газетаси ва “Ёш Туркистон” журналида чоп этилган юқоридаги шарҳу тафсилот Европа матбуотида акс-садо бермай қолмайди. Бу ҳақда “Ёш Туркистон”нинг 1930 йил 9-10-сонида мавзуга яна қайтилганидан ҳам билиш қийин эмас. “Афзалбек воқеасининг олмон матбуотига акси” сарлавҳали ҳажман ихчамгина бўлган мақола тафсилоти қуйидагича: “Берлиндаги совет сафоротхонасида бўлиб ўтган Афзалбек воқеаси “Ёш Туркистон” ўқувчиларига маълумдир. Бу воқеа аввалича Парижнинг дунёга танилган “Мотан” газетаси орқали матбуот оламига акс этган эди. Берлин газеталари ҳафталаражи полис (“полиция” демоқчи—Н.О) идораларида текширишлар қилганидан сўнг, Афзалбек воқеасини бутун тафсилоти-ла ёздилар. “Das iz Uhrblatt”, “Deutsche Zeitung” ва “N. Pr. Kreuz Zaitung” бу тўғрида узунгина мақолалар нашр этди. Совет ҳукуматининг Туркистон миллий ҳаракатига қарши бундай чиркин мужодала(кураш, ҳамла—Н.О)сини Берлин газеталари-да Париж газеталари каби буюк нафратлар билан қаршиладилар”.

Шундай бўлиши ҳам табиий эди. Зоро, соғлом фикрли жамиятлар бундай гирромликка тоқат қилмайди. Сабаби маърифатли тузумларда кураш ҳалол бўлганидагина тан олинади.

Бир сўз билан айтганда, “Ёш Туркистон” журналини 30-йилларда минтақамизнинг Европадаги овози бўлган, десак янглишмаймиз. Бир гуруҳ ватандoshларимиз муҳожирлиқда минг бир мashaққат билан чоп этган журналларида она юрт истиқдолини кўмсаб мақолалар эълон қилишди, манфур мафкура кирди-корларини жаҳон афкор оммасига фош этишиди. “Ёш Туркистон”нинг ўзбек публицистикасида тутган ўрни ана шу омиллар билан яна ҳам қадрли ва юксакдир.

Норали ОЧИЛОВ

ТУШСЫР ӘТДӨҮ ӘЗВОЙ...



ИНТИҚЛИК

Устозим Шарофат опага

Учрашгандик. Опажоним ой бўлдими,
Орамизда учрён урган сой бўлдими,
Рўзгор юкин кўтирибон келолмадим,
Кўнглим чопар сизга учқур той бўлдими.

Мен айтайнин бошимдаги савдоларни,
Кўнглимдаги ёриқларни пайдоларни.
Вақт етмади, сизга кўнгил ёролмадим,
Англаб етдим зиёнларни, фойдаларни.

Мен тингладим сўзларингиз эртак мисол,
Англадимки: Дунё этак-этак масал.
Шу кунгача ўйингизсиз юролмадим,
Ўйларингиз ўйлар берди гулдан гўзал.

Кўксим тўлди меҳрингизнинг бонгларига,
Мафтун бўлиб қолдим Жиззах тонгларига.
Яна келдим сирлашгани, туролмадим
Асири бўлиб туйғунгизнинг рангларига.

Малика ҚОБУЛОВА

ШАҲИНАМ

(Есенин йўлида)

Кўкдаги юлдузим, оймомогинам,
Баҳорнинг чечаги чучмомогинам.
Ҳазон юрагимда очилган гулим,
Шаҳина, Шаҳина, Шаҳинагинам.

Жилмайсанг, күёш ҳам уялиб қолар,
Жаннатнинг гуллари сендан ранг олар,
Менинг чаманзорим, навбаҳоргинам,
Шаҳина, Шаҳина, Шаҳинагинам.

Файзли қадамингта гуллар очилсин,
Йўлларингта олтин, дурлар сочилисин.
Менинг жавоҳирим, хазинагинам,
Шаҳина, Шаҳина, Шаҳинагинам.

Майли, менга тикма жоду кўзларинг,
Розиман, айтмасанг ширин сўзларинг.
Фақат йироқ кетма, кабутаргинам,
Шаҳина, Шаҳина Шаҳинагинам.

Насиб ОТАМУРОДОВ,
Фаллаорол тумани.



ҚИЗГАНМАГИН ҚУШИНГНИ

Этра туриб, кўкка бўқдим,
о табият,
Бугун яна синармисан
бардошимни.
Бағринг тўла саховатдир,
тўла неъмат,
Олтин кузим, қизғанмагин
қўёшигни.



Деҳқон отам қўлларининг қадофи кўп,
Ўзидан ҳам даласига ардофи кўп.
Этак тўла боласининг сўроги кўп,
Олтин кузим, қизғанмагин қўёшигни!

Бир боқ, мана, галабанинг тўйи яқин,
Хирмонимнинг осмонларга бўйи яқин.
Деҳқонимнинг эзгу орзу-ўйи яқин
Олтин кузим, қизғанмагин қўёшигни!

Кўёшни далада кутган деҳқонимдан,
Минг чаноққа минг эгилган минг жонимдан,
Оқ яктакли азиз Ўзбекистонимдан
Олтин кузим, қизғанмагин қўёшигни!

Шаҳло АҲРОРОВА

ЖАҲОНГИРГА

Болам...

Шафқат билмас
Одамлардан кўрқ!
Иймонсизнинг
қалби ҳам тошдир.
Нокасу, номард,
бўлмагай ҳамдам.
Дўстлиги аларнинг
Ўзидан пастдир.

Ўғлим,
Унутма,
Эр йигитни
аёл йиқитар.
Шароб этар
чинорни хароб.
Сўйма ёниб,

Оғир шифоси,
Муҳаббат ҳам
Мисоли сароб.

Эл учун ён!
Юрт учун,
куйгил...
Қолганлари —
тақдир ҳазили.
Унутмагин,
бойлигу,
шухрат —
кўлнинг кири.
ювдими — кетди!

Норқул МАЪМИРОВ,
Замин тумани

ДАВР, АДАБИЁТ, ЁШЛАР

Ўзбекистон ҳалқ ёзувчиси Одил Ёқубов билан сұхбат

— Одил ака, элимиз ардоғидаги оқсокол адибсиз, сизнинг китобларингиз кириб бормаган бирор ўзбек хонадоши хойнахой топилмаса керак. Бугун китобхонлар “Одил ака ҳам 75 ёшни уриб кўйибди” деб ўйламайди, аксинча, ҳамон асар ёзаётган, ишчан, ёзгандা ҳам ўқувчиларнинг дилини ўргайдиган янги асарларнинг муаллифи сифатида гавдаланасиз. Айтинг-чи, болалик дамларингизда бир күн келиб мен ҳам ўзбекнинг каттакон ёзувчиси бўламан, деб ўйлармидингиз?

— Болалик ҳақида гап кетганда дарҳол қишлоғим кўз олдимда гавдаланади. Сирасини айтганда мен туғилиб ўғсан қишлоқ катта эди, минг уйли десам ҳам кам, 15 минг аҳолиси, 4 та мадрасаси, 29 та мачити бор, қисқаси ўша давр таъбири билан айтганда “ilm maskani” бўлган. Отам катта мансабдор эди. 37-йилда миллатга, ҳалққа қайишгани учундир балки, қамашган. Ўша вақтими, кейинроқми отилган деб эшитганмиз, каззобларнинг замони келган эдики, ҳатто қамоқхоналарга хат ёзиб ҳам жавоб оломасдик. Хуллас, оиласиз бошлиғидан айрилган, унинг тақдиридан ҳам бехабар бир таҳликали замон эди-да.

Ўшандай кезларда менинг бирдан-бир овунчогим китоб эди, ётиб олиб бетиним китоб ўқирдим. Биласиз, уруш йиллари керосин йўқ, чироқ йўқ, кечалари ҳам зимиштондай бўларди. Раҳматли онам биз беш фарзандини этаклаган кўйи қолган, бўйи бир қаричгина бўлгани билан энди ўйласам темирдай чидамли аёл экан. Ўша вақтларда қишлоғимиздан бўр кони топилиб, у ерда бўр заводи курилди дeng баҳтимизга, онам ўша заводда қора меҳнат қилиб, амаллаб нон топиб бизни катта қилди. Эҳтимол, китобга меҳр дадамдан, бобомдан мерос қолгандир, тинимсиз ўқирдим, лекин зинҳор мен ёзувчи бўламан, деб хаёлимга келтирмас эдим. Отам совет даврининг қурбони бўлиб кетган бўлса ҳам пионер, комсомол деган гапларга содиқ бўлганман. Онам бечорани қон қақшатиб уруш йиллари ариза бериб армияга кетиб қолганди.

Айни дамда бир тафсилот эсимга тушаётир. Ҳозир раҳматли бўлиб кетган, исми ҳам эсимда йўқ, ўқитувчимиз бўларди, ҳарбий таълимдан дарс берарди, у кишининг жияни ҳам бизга синфдош эди. Шу бола менинг китобга қизиқишимни билади, бир куни шивирлаб “Тоғамда “Ўткан қунлар” деган китоб бор, сўраб олиб

ўқимаймизми?” деб қолди. Аввалига ўқитувчимиз “менда ундиндай китоб йўқ”, деди, биз қўярда-кўймай яли-навергач, базур

икки кун муҳлатга берган. Не ажабки, ўша кунлари мен армияга кетиб қолдим, яъни ваъдага хиёнат қилиб китобни ўзим билан олиб урушга жўнадим. Мўгулистоннинг икки минг километрлик Гоби чўлидан пиёда ўтиб япон урушига жўнаганмиз, Квонтун армиясининг орқасига тушганимиз. Ўшанда бир фурсат бўлиб қолса, ўзбек йигитлари “Ўткан қунлар”ни талашиб ўқишга тушардик. Ўқиганда, биласизми, одам ўз элига бориб келгандай ҳис қиларди ўзини. Эллик ё юз маротаба ўқигандирман-ов ўшандади. Кумушбибини болалик эҳтироси билан севиб қолгандик, қишлоқда қолган кўнгил берган қизлар эсга тушарди. Шу тариқа эҳтимол ёзувчиликка ҳавас бошланган эди, десам бўлади.

— Балки илк асарингизни ўша кезлари бошлаган чиқарсиз? Каердадир шундай маълумот эшигтан эдим...

— Тўгри, мен илк қиссани армияда ёзган эдим. Бу болалар ҳаётидан олинган “Тенгқурлар” деган қисса эди. Мен буни дарҳол Ёзувчилар уюшмасига конвертга соилиб жўнаганм, кўп ўтмай Ойбек домладан асар у кишига манзур бўлгани ҳақида илиқ мактуб олдим. Ойбек домла бир менга эмас, командиришимизга ҳам “шу йигитдан ёзувчи чиқиши мумкин, шароити яратиб берсангиз яхши бўларди” мазмунидаги хат ўйлабдилар. Буни кўриб мен теримга сифмай хурсанд бўлдим. Армиядан ҳам келдим эсон-омон. “Ленин учқуни” (ҳозирги “Тонг юлдузи”) газетасида уч ой давомли босилди, сўнг “Шарқ юлдузи” журнали қиссани тўлиқ ҳолда чоп этди. Албатта, бу илк қисса, боз устига ўша даврнинг қолипига солиниб ёзилган схематик бир машқ эди, холос. Бу 1951-52 йилардаги гап эди. Ўша пайтда асарлар кам эди, шу боисдандир кўп ўтмай китоб ҳолида босилди, танқидчиларнинг тилига тушди. Менинг адабиёт эшигидан кириб келишимга шу қисса бир туртки бўлди хуллас.

— Шу гапларингизни тинглай туриб одамнинг хаёлида бир мулоҳаза жонланади: айрим ўш ёзувчилар маса-



лан, ҳикояни қисса, қиссани роман деб ёълон қилишашетир. Баъзан ҳикоя ҳажмидаги “романлар”га ҳам дуч келамиз. Ҳикоя, қисса, романлар ҳақида аввалдан шаклланган тасаввурлар мавжуд. Бу ҳақда сизнинг фикрингиз қандай?

— Ёшлар шундай қилишса қилаверишсин. Қиссани нега роман дединг, деб ёшларга тўппонча ўқталишимиз нотўгри. Майли-да энди. Бу — ижод эркинлигидан туғилаётган бадиий синов, тажрибадир балки. Аммо мен роман деганда эпик кўлами кенг асарни тушунаманки, ҳеч қачон ҳикоя романнинг ўрнини босолмайди. Ҳикоя қиссанинг ўрнини босолмаслиги ҳам мумкин. Бундай ҳолатлар илгаридан бўлган. Ҳатто машҳур Антон Чехов ҳам бирда ҳикоясини қисса, бирда қиссанини ҳикоя деб атаган. Лекин зинҳор улардан бирортасини роман эмас. Назаримда романда ҳаёт воқелигининг қамрови жуда катта бўлади, ҳаётий зиддиятларнинг сабаблари, омиллари акс этади. Бу албатта, адабиёт назариячиларининг юмуши. Ҳикояни роман деса деяверишсин, аммо зинҳор шундай деса ҳикоя романлик залворини бериб қолмайди. Ёш ёзувчилар эрта бир кун ёшлари бир жойга бориб ижод машаққатини тўла ҳис эта боргандарида бу гаплар фойдасиз эканини тушуниб етишади.

— “От изини той босар” деган қоида адабиётда ҳам бор. Романчиликда А. Қодирий, Ойбек, А. Қаҳхорларнинг бевосита издошларидан саналасиз. Хўш, айтинг-чи, ёш алиблар орасида сизларга ҳам муносиб издошлилар борми?

— Ҳозирги ноширликдаги баъзи иқтисодий муаммоларга қарамай адабиётда дадил қалам тебратётган ёшлар талайгина бор. Бугун биз Мурод Мұхаммад Дўст, Тоғай Мурод,Faффор Ҳотамов, Ҳайриддин Султонов, Эркин Аъзамов, Ҳуршид Дўстмуҳаммад, Аҳмад Аъзамларни ёш ёзувчилар десак бўлмайди. Улар ўзбек адабиётида маълум мавқега эга катта ёзувчилар саналишиади. Истеъдоллари ҳам жуда баланд. Яқинда “Шарқ юлдузи” журналида Машраб ҳақидаги жуда ширин, пишиқ тилда ёзилган Ҳайриддин Бегматнинг бир романини ўқидим. Афсуски, баъзи ёшлар бир яхши асари билан ялт этиб кўзга ташланиб, сўнг фойиб бўлиб кетишиади. Ёшлар орасида изланувчан, истеъдолдан Худо ёрлақаганлари бор. Истеъдолни асраш, тиним билмай унга ишлов беравериш керак. Шойим Бўтаев, Абдуқаюм Йўлдошев, Тўхтамурод Рустамовлар самарали ижод қилишяпти. Назар Эшонқулов, Собир Ўнап, Шодиқул Ҳамролардан ҳам умидимиз катта. Самарқандлик Уйғун Рўзиев деган ёш йигит ҳам “Атиргул” деб номланган яхшигина роман ёзибди. Буларни кўриб албатта, қуонасан одам. Уларга излашишларида кувват тилайман, ҳозирги ҳаётимизни барча мураккабликлари билан акс эттирувчи чин маънодаги етук асарларни жўшиб, фаол ёритишларини истайман.

— Оид ака, сизни кейинги вақтларда нафақат пешқадам романнавис, балки етук драматург сифатида ҳам тан олишмокда “Бир кошона сирлари” драмангиз мувafferакият билан қўйилди. 2001 йилда унга йилининг энг сара драма асари сифатида баҳо берилиб, “Офарин” совринига эга бўлдингиз. Сиз драматик асарларнинг истиқболи ҳақида нималар айтган бўлардингиз?

— Юқорида мен бир қанча ёш ёзувчиларимиз ҳақида гапирдим. Ҳозиргидай иқтисодий муаммолар китоб чиқаришга тўсиқ бўлиб турганда, чиқсан китоблар дўкон-

ларда сотилмай ётганда, энг ёмони, китобхонлар китоб ўқимай қўйган бир замонда (мен бу ҳақда кўп гапирдим, ҳалим гапиравераман) ҳаракат қилиб, шу асарим ҳалқ маънавиятига хизмат қилас-ов, деб интилаётган ёш шоир, ёзувчиларни кўриб тасаннолар айтгим келади. Худди шу сингари театрдаги аҳвол ҳам шундайдир-да деган хаёлда эдим, яни китоб ўқимаётган одам театрга ҳам бормаса керак, деб ўйлардим. Йўқ, ундаи эмас экан. Ҳаётий, замонавий, жонли, қайтариб айтаман, жонли асар саҳнага чиқса, томошабинлар гуррос-гуррос келишар экан.

Мана шу сиз эслатган “Бир кошона сирлари” драмам аввал пьеса ҳолида миямга ўрнаши. Бугунги томошабинга керак асар эканини ҳис этиб турдим. Ёзib тутатгач, уни таникли профессоримиз Озод Шарофиддиновга ўқиши учун бердим. У кишига маъқул бўпти, шекилли, дарҳол мендан сўраб ҳам ўтирай “Жаҳон адабиёти” журналида босиб юборди. Асарни шу ҳолида ҳозирги Миллий театрга топширдим. Бир ой муваффақият билан қўйилди. Зал томошабинга тўлиб томоша қилди. Мустақиллик байрами арафасида театримиз қайта тъмирланди, қайта кўрк бағишланди. Театрга томошабинлар оқими яна кучайди. Жой етишмаганидан юз киши тик оёқда туриб томоша қилганига бир неча марта гувоҳ бўлдим ва ўз навбатида қувондим.

Китоб ўқимаслик аввало ёзувчи одамни ранжитадиган бир ҳолат. Буям ўтиб кетар, деб умид қиласми. Аммо шундай кезда театрдан одамларнинг совимагани одамда янаям катта умидлар уйғотади. Драма асарини ёзиш аслида жуда қийин иш. Ногаҳон Шекспир, унинг тўрт юз йилдан ортиқ даврдан кейин ҳам театрларни зир титратётган асарлари эсингга тушади, Чеховни, қолаверса Толстойни эслайсан. (Толстой “роман менинг мұхитим” деб романсиз яшай олмаслигини эътироф этса-да, вақти-вақти билан драмалар ҳам ёзган). Яхши драма ёзишнинг машаққати шунда.

Сир эмас, театрларимизда жуда сийقا, саёз, бачкана асарлар ҳам қўйилади. Ҳозир ҳам давом этяпти бу ҳолат. Асарларнинг номини айтиб муаллифларини хафа қилмоқчи эмасман, аммо томошабин кулди-ку, чапак чалди-ку, деб энг саёз асарларни саҳнага олиб чиқавериш ҳам инсофдан эмас. Ҳолбуки, томошабинга унинг интеллектини оширадиган, дунёқараши ва маънавиятини ривожлантиришга хизмат қиласидиган асарларни тавсия этган маъқул деган фикрдаман.

Мен ўйлайманки, янги Миллий театримизда энг юксак савияли асарлар намойиш этиш мақсад қиласиб қўйилса, албатта драматургиянинг ривожланишига катта турткি бўлар эди.

— Оқсоқол алибларимизнинг аксарияти ижодни шерьяридан бошлаган эканлар. Сиз ҳам шерь ёзганмисиз, умуман, шерьяятта муносабатнингиз қандай?

— Япон адаби Акутагава Рюносекэ шерьяритда қўшиқ унсури, насрда шерьярит унсури бўлмаса, у яшашга қодир эмас, деган фикрни айтади. Улуг авар шоири Расул Ҳамзатов ҳам Москвадаги Олий адабиёт курсида ўқиб юрган кезларида даставвал барча сабоқдошлари шоирик даъво қилишгани, битириш арафасида эса биргина шоир қолгани, прозаик бўламан деганларнинг эса деярли ҳамаси адабиётшунос бўлиб чиққанини ҳикоя қиласди

“Менинг Догистоним” асарида. Бу демак шеърият тасодифий одамлар шугулланадиган соҳа эмаслигини, шугулланганда ҳам у бир ўткинчи ҳолат, асл шеърият мудом истеъодни талаб қилишини, сабр-машаққат ила вужудга келишини исбот этади.

Таассуфки, бизнинг болалигимиз кўпроқ рус шеърияти билан рўпара бўлишга мажбур этди. Сабаби Усмон Носир қатагон бўлган, Чўлпоннинг номини ҳам тилга олишига қўрқар эдик. Сулаймон ака деган бир ўқитувчимиз бўларди, адабиётни чукур тушунар ва таҳлил қилас, вақтида У.Носир ва Чўлпонлар билан дўст бўлган, улар “халқ душмани” деб қоралангач, Тошкентдан бизнинг овулга қочиб келиб дарс бериб юради. У одам Чўлпоннинг деярли барча шеърларини ёд биларди. Биз катта маънодаги шеъриятниFaфур Фулом, Ойбек, Ҳамид Олимжон, Миртемир домлалар ижоди орқали ўргандик. Уруш йиллари юқорида айтганимдек Манжурияда каттакон тўрт дивизияни бирлаштирган корпуспнинг штабида хизмат қиласдим, штабда кутубхона бор эди ва камина у ерда “интизомни бўзуб”, кечаси билан китоб ўқиредим. Пушкиннинг ярим шеъриятини ёд олган эдим, балки ишонмассиз бунга. Лермонтов, Есенин шеърларини севиб ўқиганман. Ўзи умуман шеъриятга меҳрим жуда баланд. Чўлпон ва Усмон Носир номлари оқлангач, кўпчилик қатори улар ижодини ютоқиб ўқиган эдим. Ҳозирги ўзбек шеърияти ҳам фаҳрланса арзигулик шеърият. Абдуллажон Ориповнинг, масалан, бирор газетада босилган шеърини ҳам албатта топиб ўқийман. Таъсиранаман. Бу шеърлардаги руҳий кўтаринкилик, фалсафий мушоҳада, услубий ёрқинлик лол қолдиради одами. Афуски, биз Муҳаммад Юсуфдек жонажон укамиздан айрилдик. Муҳаммаджон ҳам ўзбек шеъриятининг гурурланса бўладиган сиймоларидан бирига айланган эди. Бошқа қатор шоир дўстларимиз, укаларимнинг шеърларини, шеърий китобларини ўқийман, таҳсин айтаман, улар жудаям кўпчилик, кўпчилиги яхши, бирма-бир, номма-ном барчасини санагим келади, кексалик, бирор-ярмини санамай ўтсан, хафа бўлишмасин дейман...

Қисқаси, ҳар бир ёзувчи ижодини шеър билан бошлайди. Бу яхши фазилат. Чунки насрда ўқувчининг қалб торларини чертиб юбориш учун бу хислат жудаям керак.

— Одил ака, устоз-шогирдчилик анъаналари, унинг аҳамияти тўғрисида ҳам тўхтасангиз.

— Мен ҳаётимда икки улкан ижодкор: Абдулла Қаҳҳор ва Миртемир домлалар билан жуда яқин мулоқотда, муносабатда бўлганман. Faфур Фуломдек буюк шоир билан учрашиб турганман. Албатта, мен уларнинг кези келганда насиҳат, ўйтларидан баҳраманд бўлганимдан ифтихор қиласман. Миртемирдай бир бағри дарё, сўзга бой шоир кам учрайди, ҳали-ҳануз шоир адабиётда муносиб ўрнига, муносиб эъзозга эришолмади, деб ўйлайман. Камина бир пайтлар Москвада собиқ иттифоқ бўйлаб тарқалувчи машҳур “Литературная газета”нинг Ўзбекистон бўйича ўн йил мухбири бўлиб ишладим. Ўша вақтда нафақат адабий муҳитда, балки оммавий ахборот во-ситалари ичida етакчи нуфузга эга, ниҳоятда жанговор газета эди бу. Кези келганда устозлар олдидаги бурчим деб машҳур ўзбек адаби шоирларининг ижодини мазкур газетада тарғибу ташвиқ қилишга баҳоли қудрат ҳиссам тегди. Тақдир тақозоси билан беш йил ўзимиздаги ад-

биёт газетасига муҳаррирлик қилиш насиб этди. Газета тиражини агар ишонсангиз, 40 минг нусхадан 700 минг нусхагача ошиб кетди. Республикализнинг энг долзарб муаммолари ўша пайтда дадил кўтарилигани бунга сабаб бўлди, деб ўйлайман. Устозларидан ибрат ўлароқ талай ижодкорларнинг бошини силаш фурсати келди. Шогирдларим орасида гарчи баъзилари устозим дея эъзозламас, бироқ публицистлар ҳам, шоирлар, адабиблар, адабий танқидчилар ҳам борки, мен ҳануз уларнинг қилаётган яхши ижодий ишларидан, оқилона чиқишлиридан кўксим гурурга тўлиб ўтираман. Қувонаман. Устозда ҳам, шогирдда ҳам меҳр бўлиши керак, шундагина бу анъана ўлмайди, деб ўйлайман.

— Мавриди келганда бир воқеани эсга олиш жоиз. 89-йил эди чоги, собиқ иттифоқ қурултойи минбаридан туриб ўша пайтда авж олган “ўзбеклар иши” дея ном олган, ўзбек пахтакорларининг, раҳбарларининг шўрини кўритган жараёнга, колаверса ўзбекнинг шу туфайли тушиб қолган забун ахволи учун сиз жиддий, очик эътироз билдира олган эдингиз. Бизнинг матбуотимиз бу воқеани ойлар мобайнида эслаб, саҳифаларида ёритган эди. Тажажуб киласиз ҳозир ҳам: наҳотки Одил ака ўшанда хеч кимдан чўчимади экан, деб. Назаримда публицистиканинг аҳамияти чандон ошган эди ўшанда?

— Менинг ўшанда Кремлининг сеъздлар саройида қилган нутқим ҳамма газеталарда чоп этилган. Бу ҳақдаги тафсилотларни ҳам талай марта ёздим. Аммо ишонасизми, депутатларнинг бир қисми зални ташлаб чиқишгача етган бундай гурбаъти анжуманда ўзбек номи билан минбарга кўтарилишнинг ўзи бўлмас эди. Ниҳоятда мушкул эди. Ўша қурултойда сўзга ёзиламан, сўз беришмайди, жигибийрон бўлиб юрганимда иттифоқо Ислом Абдуганиевич билан учрашиб қолдим ва у кишининг ўзлари: “Оқсоқол бир сўз олиб берсан, яхши гаплар айтласизми?” деб сўрадилар. “Бошқалар ўз дардини дадил айтаяпти, агар сўз берсангиз, мен ҳам ўзбекларининг машаққатли меҳнати, жафо чекаётгани ҳақида сўзламоқчи эдим”, дедим. Хуллас, Ислом Абдуганиевичнинг саъй-ҳаракати билан сўзга чиқдим ва ўзбек халқининг Америка плантацияларида ишләётгани негрдан ҳам бешбаттар эзилаётганини, меҳнатига яраша қадр топмайтганини айтдим. Ахир америкалик плантаторлар ҳам жиллакурса насл қолдирадиган восита сифатида ҳабашларни асрар экан. Бўйи икки метрлик негр спортчилар ҳозир Американинг довругини кўтариб турибди, ахир. Бизда бўлса яхши насл қолдириши мумкин бўлган аёлларимиз пахтазорларда чанг, дори ютиб, қўёшда куйиб, совуқда қўли қаварисиб адойи тамом бўлди, на ҳусн, на жозиба қолди унда, деганим заҳоти қўнғироқлар жиринглаб, сўзимни тўхтатиб қўйиши. Гдлян, Ивановларнинг 1986-89 йилларда халқимиз бошига соглан даҳшатли кулфатлари ҳақида ҳам мақолаларимда, айниқса “Адолат манзили” романида қамрови билан ёзишига интилдим. Ўйлайманки, бу асар ўзининг муносиб баҳосини олди, ёмон бўлмади, кино ҳам бўлди.

Мазкур мавзуни давом эттириб, бултур “Ўзбекистон овози” газетасида “Қашқадарё гурунглари” номи остида туркум очерклар чоп эттиридим. Бунга сабаб бир гурух қашқадарёлик кекса отахонларнинг менга ёзган мактублари эди. Ўлар мактубда “ўзбеклар иши” компа-

нияси Қашқадарёда ниҳоят даражада даҳшатли кечганини, ҳали бу матбуотда тўла ёритилмагани ҳақида ёзишиб, каминадан бориб улар билан бафуржа суҳбат қилишимни илтимос қилишган эди. Мен бориб улар билан гурунглашдим. Воқеалар аянчли эди. Яхшимки ўша кезларда вилоятга Ислом Абдуғаниевич раҳбар бўлиб бориб кўп бало-қазоларнинг олдини олишига, авж олаётган қатагонни тўсишга мардларча, кўрқмай ҳаракат қилган, раҳнамолик кўрсатган. Мен бу ҳақда албатта мароқ билан ёздим.

Ўзи ҳаётда асли ёзувчининг иши ҳақиқатни ёритиш, юзага чиқариш. Бу каттакон юмуш, шунчаки иш эмас. Шундай бўлгач, у публицист сифатида ҳам жасоратли бўлиши лозим. Ўйлайманки, публиситика адабиёт учун ўғай эмас, аксинча шеър, насрга ўхшаш бир қисми. Мақолага юзаки қараганлар адашади. Бизнинг ҳозирга мустақилликни мустаҳкамлашдек буюк ишимишни барча мураккабликлари билан кўрсатишда публицистиканинг роли бекёёс. Жиддий, таҳлилларга бой, чўчимай, факт ва далилларга таяниб ёзилган мақолалар қанийди кўпроқ ёзилса. Асосли гапларга ўқувчи доим муҳтоҷ. Демак, публисистиканинг аҳамияти заррача камайганий йўқ.

— Одил ака, мана, мустақиллигимизнинг ўн биринчи иилига ҳам қадам кўйдик. Тарих олдида, эҳтимол кичик даврdir бу, аммо қилинган ва бошлиланган ишларнинг кўлами шу қадар кенгки, уларнинг бир-бир санаб ўтишининг ўзи бўлмайди, аҳамияти жиҳатидан уларни биз ўргангандан

қолипларга ҳам солиб бўлмайди. Шундай кезда сизнинг хаёлингиздан нималар кечади?

— Тўгри таъкидладингиз, биз истиколони асрлар оша кутдик, мана, эришдик ҳам, ўн йиллик тўйини қойилмақом қилиб ўтказдик. Бу жуда буюк неъмат. Президентимиз таъкидлагани янглиғ қўлимиздаги ҳуқуқ бу мустақиллик. Бу дегани аввало заҳматкаш халқимизнинг ҳуқуқи, ютуғи. Мен шу кунларда Хоразм воҳаси ва қариндош қарақалпоқлар, уларнинг шўро даврида кечирган айрим мусибатлари ҳамда ўшанда ўзбек халқининг меҳр-муруввати, жонларига оро киргани хусусида туркум очерклар ёзаётиман. Ёзиш жараённада кўнгилга келган гаплардан бири шу бўлдики, биз энди каттакон уммонда нурли соҳилни кўзлаб йўлга чиқсан улкан кемамиз. Бу кеманинг йўлига тўфон, пўртнаналар фов бўлиши табиий, уммон қаърида кўз илғамас айсберглар ҳам бор. Яъни баъзи фирром кучлар оёқдан олган чоғларни ҳам кўрдик, кўряпмиз. Оллога кўпдан-кўп шукрлар айтамизки, бу кеманинг моҳир дарғаси бор. У инсоннинг комил ақли, мустаҳкам иродаси, кути ва тадбиркорлигига ишонамиз. Яна ишонаманки, биз нур балқан жозибали соҳилга муносиб дарғамиз билан иккиланмай етиб оламиз, албатта.

*Суҳбатдош:
Марҳабо СОБИРОВА.*

2002 йил — Қарияларни қадрлаш йили



ЎН САККИЗГА КИРМАГАН КИМ БОР

КЕЛИНЧАКНИНГ КЕЧИНМАЛАРИ

Ҳаётнинг ўзига яраша қонун-қоидалари бор. Дунё айланаверади, кимдир келади, кимдир кетади, кимдир туғилади, кимдир... Болалар улгаяди, йигитлар күёв, қизлар келин бўлишади...

Мен, мустақил ҳаёт остонасига қадам қўйган бир инсон, яна ҳам аникрофи, келин сифатида баъзи фикрларимни баён этмоқчиман.

Дилбар, ўйноқи ёр-ёрлар жаранги остида, орзуйин-гиздек оппоқ либосларда, элу-юртнинг дусосини олиб, ўзга бир хонадонга, гўё ўзга оламга баҳт, нур, чирой баҳшида этмоқ учун бироз ҳадик юз бир ҳаёт бирла қадам кўяксиз. Туғилиб ўстган азиз гўшангизни, оқ ювиб, оқ тараган меҳрибон ота-онангизни ўйлаб бир оз сиқиласиз. Аммо бу азиз остона, бу азиз хонадонда сизни онангиздек азизу-мукаррама бир инсон сизни “фарзандим ортидан келган фарзандим, давлатим”, дея, “ризку-насибанг билан келган бўлгин, ило-ё”, дея кучоқ очиб, бошингиздан гуллар сочиб, не-не умидлар билан пойингизга пойандозлар солиб кутиб олади. Сиз ҳам унга бир фарзандчалик меҳр-оқибатли бўлишга, ўз онангиз мисоли севиб-ардоқлашга, иззат-хурматини жойига кўйишга интилсангиз, бас!

Келинликнинг асл гашти ҳам мана шу.

Қайнона ҳаётимизнинг энг латиф, энг муnis дамларидан бизга тўғри йўл кўрсатиб борадиган азиз инсондир. Ҳаётда ўз ўрнимизни топмоғимиз, баҳтли оиласлар қаторидан ўрин олмоғимиз кўп жихатдан мана шу меҳрибон аёлга боғлиқ. “Қайнонали келин — қарқара келин, қайнонасиз келин — масхара келин”, дейди доно ҳалқимиз. Мен ҳам ўзимни ана шунақа, қарқара келинлар қаторига қўшгим келади. Ҳар куни ўқишга отлансан, жажжигина фарзандимизни бувисига топшираман. Куни билан ўқишида кўнглим тўқ бўлиб юраман, чунки биламанки, онажонимиз неварасини мендан-да яхшироқ тарбия қилиб ўтирадилар.

Тўғри, турмуш мураккаб, икир-чикирлари кўп. Баъзан ҳато қилиб қўямиз, шунда онажоним (қайнонаам дейишига тилим бормайди) дақки берадилар, йўл-йўриқ кўрсатадилар, насиҳат қиласдилар, аммо дилимизни оғритмайдилар. Бир умр у кишидан қарздорлигимни хис этиб яшайман. Онажон, илоҳо, сиздек муниса, мўътабар ва меҳрибон она бўлмоқ бизга ҳам насиб этсин.

* * *

Муҳаббат нима ўзи? У қандай илоҳий оташки, тафтидан дилларга ўт туташгуси... У қандай илоҳий қудратки, кўйида девона бўлгуси юрак...

“Муҳаббат йўқ, у фақат афсоналарда, достонларда бор, холос...”, дейишиади... Йўқ, дўстим, сиз адашяпсиз, муҳаббат бор, муҳаббат мангудир. Онажон, сизнинг меҳр-ла порлаб турган кўзларингизга қувват берган куч - муҳаббат эмасми? Дугонам, туйгуларингни жунбушга

келитирган, юрагингга армон соглан, сенга орзу берган, хаёлот дунёсига етаклаган, олис-олис парвозларга чорлаган муҳаббат эмасми, ахир?

Кимга қандай, билмадим-у, лек мен учун муҳаббат бор. У орзу бўлиб ҳар лаҳза мени нурағишон келажак сари бошлайди. У армон бўлиб гоҳида дилимни ғашлайди.

*O, дилимга ўт соглан илоҳ,
Бу дунёда сен менги паноҳ.
O, муҳаббат, топлисан, гўзал,
Юрагимда туганмас ғазал —
Муҳаббат...*

Биз севиб, бир-биримизни кўнгил бериб, турмуш курдик. Ширингина оиласиз, жажжигина фарзандимиз бор. Унинг чакнок, қора кўзларида мен сени кўраман, муҳаббат! Ширин кулгуларида, нурли табуссумида сенинг тафтингни сезаман, муҳаббат! Бир умр сенга талпиниб, сенга топиниб яшайман, муҳаббат!

*Ишқ гўзал, дил оташ, ёниб яшайман!
Хижрон, ҳасратингдан топиб яшайман.
Иқбол бусасига қониб яшайман,
Муҳаббат, муҳаббат, бунча гўзалсан.*

*Тонглар кулиб отар, тонгларим сулув,
Бахтим, сен-ла ўтган онларим сулув.
Армони ушалган жонларим сулув,
Муҳаббат, муҳаббат, бунча ширинсан.*

*Бахтиман, дил розим битиб яшайман,
Орзу этагидан тутиб яшайман,
Сендан жажжи бахтлар кутиб яшайман.
Муҳаббат, муҳаббат, бунча топлисан.*

Айрим келинлар қайнонасидан, қайноналар эса келинларидан нолишади. Шахсан мен қайнонаамни она қатори кўраман. Оиласда бешинчи келинман. Айтишим мумкинки, бир қадар эрка келинман. Мен қайнонаамдан ҳамиша миннатдорман. Менга тўғри йўл кўрсатиб, кундузги ўқишимни давом эттиришимга кўмаклашиб, эртадан кечгача фарзандимга қараб ўтиришга рози бўлсалар-у, мен агар у кишидан салгина норози бўладиган бўлсам, мен ҳеч қачон ўзимда бундай туйғу пайдо бўлгани учун ўзимни кечира олмасам керак.

Туф-туф, ишқилиб, оиласизга кўз тегмасин, Балоқазодан худонинг ўзи асрасин.

Бу дунёни, умрни ўткинчи, дейдилар. Олис-олисларда милтираган юлдузларни дардли диллар ўкинчи, дейдилар. Кунлар, ойлар, йиллар ўтиб бормоқда елиб. Бевафо, ўткинчи деб аталган бу гардун, бу кажрафтор фалак-

нинг баъзан тотли, баъзан аччиқ неъматларидан баҳраманд бўлиб, не-не узун-қисқа умрлар ўтиб бормоқда. Ҳа... Бу дунё асли бир кам яралган. Кимдир баҳтли, кимдир баҳтсиз, кимдир эса...

Шу ўринда бир савол туғилди: Баҳт нима ўзи?

Мен учун бу дунёда кимгадир кераклигими ҳис этиб яшаш, кимнидир баҳтли қилмоққа, кимнингдир умр боғини бир умр меҳрим нурлари ила яшнатмоққа қолдирилигими ҳис этиб яшамоқ — баҳт. Севиб, севилиб яшамоқ — баҳт. Кўплар севигига ишонишмайди, ғуҳаббат борлигига шубҳа қилишиади. Бу ҳақда кўшиқлар ҳам тўқилган:

“Муҳаббат йўқ экан дунёда”. Наҳотки! “Муҳаббат йўқ экан”, дея ёнаётган, ўртанаётган, о, дўстим! Сизнинг бегам, беғубор юрагингизга илоҳий бир оташ соглан, сизни девонавор этиб, зор-зор бўзлатаётган шу муҳаббат эмасми, ахир! Армон оғушида ҳасрату-оҳлар уммонига чўмган маҳзун дугонам! Кувончни қалбининг бегона қилган, кулгуларинг ўғирлаган, хумор кўзларингни маҳзун этган муҳаббат эмасми? Азизларим, юрагингизга қулоқ солинг: унда она алласидек маъсум, тонгти шабада мисоли ёқимли бир кўшиқ оқмоқда. Бу ишқа, муҳаббатга ташна дил нидоси эмасми?

Наҳотки, муҳаббат фақат афсоналарда бўлади, деган афсоналарга ишонаверсанлиз!

Муҳаббат шундай илоҳий оташки, унинг тафти тушган юрак бир умр ишқ қулиди.

Муҳаббат шундай илоҳий қудратки, унинг меҳри оламни муనаввар, қаҳри икки оламни жаҳаннам қилғусидир.

*О, муҳаббат, жоним, муҳаббат,
Сен армонсан, сен — дардсан фақат.
Дардинг гўзал, армонинг гўзал,
Нигоҳларга жо бўлган хилқат.
О, муҳаббат, сен — илоҳий баҳт.*

Муҳаббат инсон умрининг гултожи, икки дил дурдонаси, ягонаси, демакдир:

*Тонгни олқиши билан кутуб яшайман,
Оқшомни энтиқиб кутаман ҳар кун.
Сулув саболардан тилаб олганим —
Сизга ишқ гулобин тутаман ҳар тун.*

*Оқшомлар сехрли эртакдай узун,
Меҳрингиз тафтини лабда тұяман.
Сиз менинг қувончим, нағис борлиғим,
Азизим, мен сизни жондай сұяман.*

*Сиз умрим мазмуни, жоним, жаҳоним,
Сизсиз дунёларни, бегим, нетаман.
Ойдайин түлишиб бу ойдин баҳтдан
Оташ бағрингизга сингиб кетаман.*

Инсоният занжирни узилиб қолмаслиги учун муҳаббат яшамоги шарт. Бу дунёда мен баҳт деганларини муҳаббатдан топдим. Дилда бунёд бўлган муқаддас ишқ қасрингиз, муҳаббат мулкининг шоҳи-ю, гадоси мен, ўзим!!! У менинг ёнимда! Йўқ, жонимда! Йўқ, жоннинг ўзи-у! Унинг кўзларига балқиган меҳр, юзини ёритган нурли табассум, тилида мен учун, ҳа, ҳа, фақат мен учун айтиладиган, менга аталган энг тотли сўзлар. У бирла ўтган, ўтаётган, ўтадиган умримнинг энг ширин дамлари — муҳаббат инъоми! Жажжигина фарзандимизнинг отаси, соябони, менинг мустаҳкам устуним!

Тўғри, мен бу баҳтга осонгина эришгина эришганим

йўқ, Гоҳо ғамга ботиб, ҳижронда қоврилиб, дарбадар кездим. Жафосин ҳам кўрдим бу оламнинг. Тушқунликка тушган дамларим, гурбат аро ўтган онларим ҳам кўп бўлди, ахир:

*Чин баҳт тополмадим бу оламда мен,
Тушқунлик домига ютади мени.
У кун изларимда мен хор айлаган
Севгининг уволи тутади мени.
Қайгулар йўлимга бўлар пояндоz,
Армонлар интизор кутади мени.
Топмай йўқотганим — дурдона баҳтим,
Сенсиз қандоқ куним ўтади менинг, -*

дэя зор-зор йиғлаган дамларим ҳам бўлди. Аммо шукрим, мен ўзимни тутиб олдим, қатъият кўрсатдим, вақтича йўқотганимни яна топдим. Энди уни ҳеч қачон йўқотмасликка интилиб яшайман.

**Ф. АЛИЕВА,
Жиззах шаҳри**

НОЛА

(ёки она меҳрига ташна дил изҳори)

Сокинлик. Мусаффо осмон. Жимжит қабристон. Янги қабр қошида юзлари заъфарон, йигидан кўзлари қизарган беҳолгина бир қиз ўтирипти. Қизнинг кўзларидаги ўзини тутишга ҳар қанча уринмасин, қиз ўқраб йиғлаб юборди:

“Онахон! Мен яна келдим. Бугун сиз энг яхши кўрган кун — Наврӯз байрами. Эсингиздами, бу байрамни қандай кутиб олар эдик? Бизникига ҳамма қўшилар, менинг дугоналарим йигилардик. Сиз гўё йил сайин сўнаётган юрагингизнинг оху-фарёдларини билдиримаслик учун ўзингизни жуда хурсанд қилиб кўрсатишига тиришардингиз.

Мен эса ҳаммасини билардим. Сиз фақат мени деб яшингиз. Эртао-кеч тиним билмай ишладингиз. Менинг ноҳизи қўлларимни совуқ сувга урдирмай, бирон оғиз ёмон сўз айтмай, мени катта қилдингиз. Отам бечора шу қора меҳнат туфайли бевақт ҳаётдан кўз юмди. Отамнинг орзузи — мени олий маълумотли қилиш эди.

Билардим, онахон, кечалари мени ухлади, дея секин чиқиб кетардингиз. Мен учун ишлаб пул топгани. Қизим яхши кийинсин, яхши ўқисин, ўртоқларининг олдида кўнгли ўксимасин, деб шундай қиласардингиз. Ниҳоят, шу тариқа қасалга чалиндингиз. Шифоҳонада ётишга мажбур бўлдингиз. Кетаётби: “Мен сени ташлаб кетаяпман, аммо сен мактабингни ташлама. Отанг айтгандай бўлсин. Менинг яккаю-ёғизим, орзу-умидим сенсан”, дедингиз. Мен сескандим. Кўнглим сезгандай, бу сизнинг менга алвидонгиз бўлди. Сиз мени бутунлай ташлаб кетдингиз...

Онахон, айтганингиздай қиласар. Мактабни битирдим, институтта ўқишига ҳам кирдим, аммо шундай баҳтиёр кунларда мен бутунлай ёғизман. На отам, на сиз...

Бугун Байрам, сиз энг яхши кўрган байрам. Сиз эса бу ерда, тупроқда қоришиб ётибсиз...

Эҳ, бу ҳаёт...

Ахир мен... сиз...

Онахон, ишонинг, мен албатта сизлар орзу қиласардингиз бўламан. Мен аъло ўқийман, келажакда меҳнатим билан сизларнинг номларингизни улуғлайман. Биз энди мустақилмиз. Бизда энди ҳалол меҳнат албатта қадрланади. Демак, яшасак, яхши яшасак бўлади. Ишонинг, онахон! Мен шунга ишоняпман...”

**М. ХОЛБЎТАЕВА,
Жиззах шаҳри**



ВАТАН УЛУФ, ВАТАН МУҚАДДАС !

НАБО

Ватан — инсон томирила оқсан қон!

Ватан — бешикдаги тұлғаңаң үчүн күшикка айланған ала!

Тұпроғи, гоҳо, түйю тантаналар, гоҳо, жаңгу жаддалар остида тұлғонған, эй, она Ватан, сенинг таъри-фингни көлтириб бўлар эканми?

Ер шарини кашф этган Беруний, тиб илмининг сultonи Абу Али ибн Сино, алжабрнинг отаси санаамиш Хоразмий, иккинчи Арасту номини олган Форобийлар — Ватандырлар! Ватан — бу, эътиқоддан юз ўғирмай кул бўлган Муқанна, бу - ўзга элларда дарбадар кезиб, ўз юртида ўлим топган Жалолиддин Мангуберди, бу — жаҳонни ларзага соглан соҳибқирон Амир Темурдир.

Ватан, — бу, ўзга юртларда юриб, “Ватан сизларники бўлгани каби менини ҳамдир!”, дәя оху-фигон чеккан Бобуру бобурийлардир.

Ривоятларда айтилишича, хүннлар душман сўраганда гўзал ёрини берган экан, учар отини сўраганда берган экан, аммо бир ҳовуч унумсиз тупроқни ёв сўраганда: “Бу бир ҳовуч тупроқ аждодларимиздан мерос, унда авлодларимизнинг ҳам ҳаққи бор”, дәя жантга кирган эканлар.

Ха, Ватани, не-не құрбонлар, не-не қийинчиликлар эвазига күлга кириктан мустақиллігимизни, Ўзбекистонимизни келажак авлодларга гуллаб-яшинаған, буюк ҳолатда мерос қилиб қолдиришимиз керак.

**Ҳ. ИСМОИЛОВА,
Фориш тумани**

ОНА ТИЛИМ — ЖОНУ ДИЛИМ

Оллоҳ одамзодни сүйтганидан унга бошқа барча жониворлардан устун кўриб, тил баҳш этган. Тўғри, барча жониворларда ҳам тил бор, лекин фақат одамзод учун у сўзлашув, мулоқот воситасидир.

Баъзилар Ватан ғурури ҳақида сўзлаганда “пахта”, “олтин” ҳақида кўпиреб сўзлайдилар. Менимча, бизнинг энг биринчи бойлигимиз — бу она тилимиздир. Ана шу тилимиз орқали биз Она, Ота, Ватан сўзларини дастваб тилга ола бошлаймиз.

Бизнинг тилимиздан қанчадан-қанча даҳолар, буложлар гапирмади, ижод қилмади, дейсиз. “Темурбек наслидин” бўлган Мирзо Улуғбек, ғазал мулкининг сultonи Низомиддин Мир Алишер Навоий, “чархнинг мен кўргаган жавру-жафоси қолдиму?”, дәя зорланиб ўтган Захирiddин Муҳаммад Бобур, “замона кулфатидан бу кўнгул доғ ўлди, доғ ўлди”, дәя юрак-багрини доғлаган Увайсийлар шу тилда “қил қалам” тебратишган. Биз улар билан ҳар қанча фаҳрланишга ҳақлимиз. Бас, шундай экан, биз она ўзбек тилимизни авайлаб-асрашимиз, уни ғайриунсурлардан ҳимоя килишимиз, ундан ҳамиша фаҳрланадиган даражада бўлишимиз лозим.

**Ҳ. БЕКМУРОДОВ,
Галлаорол тумани**

БАХТ БАЛҚАН ТОНГ

Дарёларни ирмоқларсиз, дараҳтларни шоҳ-шаббаларсиз, қушларни қанотларсиз тасаввур қилиб бўлмаганидек, инсонни ҳам ватансиз тасаввур этиш мумкин эмас.

Ватан! Бу сўз замирада олам-олам маъно бор. Ватан деб не-не зотлар дорга осилди. Ватан дея неча-неча улуг бошлар қилича чопилди, қанча-қанча маздумлар ўз ота-онасидан, ёридан, ширин-шакар фарзандларидан айрилди.

Ватан, энг аввало — оила, киндик қонинг томган уй тупроги, кейин маҳалланг, қишлоғинг, туманинг, вилоятинг, республиканг, жонажон Ўзбекистонинг! Бизнинг азиз Ватан... У не-не кўргулкларни, не-не хўрликларни кўрди... Ниҳоят, баҳт кўёшдай балқди. Бу баҳт қўёши 1991 йилнинг 1 сентябр тонгида балқди. Бу кун ҳар бир ўзбек учун муқаддасидир.

**Ш. БОШБЕКОВА,
Зомин тумани**

ТОТЛИ ИҚРОР

Ватан останадан бошланади дейилади. Дарҳақиқат шундай. Кушларнинг чўгур-чугури, зилол сувларнинг шўх шилдирапи, кўй-кўзиларнинг мътраши-ю, болариларнинг ғувиллаши, оппоқ гулга бурканган боғ-роғлар, ёмғирдаги сўнгти шодон кулгусида, заҳматкаш дехон меҳнатио, сумалакнинг тотли ҳидида мен Ватанини ҳис қиласман.

*Ватанлар, ватанлар, майли гулласин,
Боғ унисин мангулик музда ҳам, аммо,
Юртим сени бойликларинг-чун
Севган фарзанд бўлса кечирма асло!*

Шоирнинг бу мисраларини ўқир эканман, унинг ҳақдигига яна бир бор иқор бўласман. Инсон беғубор болалиги ўтган, доимо умрининг энг пок, соғ туйгуларга йўғрилган дамларини эслатувчи, киндик қони тўқилган юртга интилади, уни соғинади. Уни ўткинчи шон-шуҳрату бойликларга алишганлар эса мангу жазога мустаҳқидир! Бу жазо — ватангадолик!

**Н. КАРИМОВА,
Дўстлик тумани**

МУНДАРИЖА

ФАХР

Сайёра ТҮЙЧИЕВА. Истиқлолга ижод ярашади...1

ЭЪТИРОФ

Шарофат БОТИРОВА. Истеъдодларга мўл юрт бу.5

НАСР

Абулқосим МАМАРАСУЛОВ. Мұхаббатнинг кирмизи олмаси. Ҳикоялар.....6

Зулфия ҚУРОЛБОЙ қизи. Мұхаббат ва нафрат. Ҳикоя.15

Исоқ ИСМОИЛОВ. Даشتаги қишлоқ. Ҳикоялар26

Ҳұжабек ТУРСУНОВ. Безовта рух. Ҳикоялар34

НАЗМ

Саъдулла ҲАКИМ. Она юртим, Жиззахим2

МУШОИРА ЭТАДИ ДАВОМ.

Хайрулла СИДДИҚОВ, Гулчехра ШАҲОБИДДИН қизи, Саъдина БОБОМУРОДОВА.14

ЖИЗЗАХ ИСТЕДОДАРИ

Башорат СУЛАЙМОНОВА, Олим БОЙҚОБИЛОВ.5

БУ БЎСТОН САҲНИДА ГУЛ КЎП, ЧАМАН КЎП.

Мехринисо АБДУРАҲМОНОВА, Зухра МАМАДАЛИЕВА.25

МУШОИРА ЭТАДИ ДАВОМ.

Феруза ЗОКИРОВА, Абдухалил САТТОРОВ, САНОБАР ҚОСИМОВА, Азиза ИСРОИЛОВА, Абрам ЭШОНҚУЛОВ, Гулчехра УСМОНОВА, Шарофат АЛИҚУЛОВА, Латофат НЕЪМАТ, Зебунисо ЛАПАСОВА, Нажмиддин БАРОТОВ, Нилюфар ҲАҚНАЗАРОВА, Умида ҚАҲХОРОВА, Маҳфуза БОЗОРОВА, Ирода КОМИЛОВА, Шоҳида МҮМИНОВА, Садоқат УРДУШЕВА, Насиба МАМАТОВА, Уйғун МАМАТҚУЛОВ. .31

ИЖТИМОИЙ ОНГ, ДУНЁҚАРАШ, ЁШЛАР.

Шавкатбек МАМАДАЛИЕВ. Демократия ва терроризм30

ТАРИХ ВА ТАДҚИҚОТ

Норали ОЧИЛОВ. Туркистоннинг Европадаги овози38

ЖИЗЗАХ ИСТЕДОДАРИ

МУШОИРА ЭТАДИ ДАВОМ. Малика ҚОБУЛОВА, Насиб ОТАМУРОДОВ, Шаҳло АХРОРОВА, Норқул МАЪМИРОВ'40

ГУРУНГ

Одил ЁҚУБОВ. Давр, адабиёт, ёшлар41

МУҲАББАТ ТОНГИ

Ўн саккизга кирмаган ким бор45

ҚҮНГИЛ МАНЗАРАЛАРИ

Ватан улуф, Ватан муқаддас!47

ЭЛИМ ДЕБ, ЎРТИМ ДЕБ ЁНИБ ЯШЛШ КЕРАК!



МУАССИСЛАР:

Ўзбекистон Ёзувчилар уюшмаси,
«Камолот» ёшлар ижтимоий ҳаракати

Жамоатчилик кенгари раиси:
Абдулла ОРИПОВ

Жамоатчилик кенгари:
Алланазар АБДИЕВ
Абулқосим МАМАРАСУЛОВ
Аҳмад ОТАБОЕВ
Йўлдош СУЛАЙМОН
Аҳмад УСМОНОВ
Фармон ХУДОЙБЕРДИЕВ
Ботир УБАЙДУЛАЕВ
Сирожиддин САЙИД

Бош муҳаррир
Абдуқаюм ЙЎЛДОШЕВ
Масъул котиб
Акбарали МАМАСОЛИЕВ
Таҳрир ҳайъати:
Одил ЁҚУБОВ
Собир ЎНАР
Хожиакбар ШАЙХОВ
Абдусайд КЎЧИМОВ
Абдул Фани ЖУМАЕВ
Вафо ФАЙЗУЛЛО
Йўлдош ЭШБЕК
Faффор ҲОТАМОВ
Луқмон БЎРИХОН

Ёшларнинг адабий-ижтимоий журнали
1982 йилдан чиқа бошлаган.

© "Ёшлик" № 1 (183) 2002 й.

Ушбу сон "Ёшлик" журнали таҳририятининг
компьютер марказида саҳифаланди.

Саҳифаловчи:

Саодат ТЎЛАГАНОВА

Муқовамиизда:

1-бет: Бугунги Жиззах.
2-бет: Жиззах — сўлим гўша.
3-бет: Ўзбекистон халқ ёзувчisi
Шукур ХОЛМИРЗАЕВ.
4-бет: Кизиқчи Мирзабек ХОЛМЕДОВ.

А. Жумаев фотолари.

Манзилимиз: 700000, Тошкент, Жавоҳарлаъл Неру, 1-йй.
Телефон: 133-40-83
Босишига 20. 02. 2002 йилда рухсат берилди.
Коғоз формати 60x84 1/8. Нашриёт хисоб тобоги 6,0.
Индекс 822 ISSN 0207-9137 Буюртма № 42

Журналдан кўчириб босилганда "Ёшлик"дан олинди деб изоҳланishi шарт.

"Янги аср авлоди" нашриёт маркази. Тошкент, Қатортол кўчаси, 60-йй.